



Amo 1760

Thomas Vandenberg

and his wife

deceased per

Deeds

1760

as a

in

per

1760

EXERCITATIONES PIÆ
AC DEVOTÆ.

Ad dignè celebrandum
& communicandum,

Quibus acceſſerunt 7. Pſal. pœnitentiales, Litania, & 15. Gradus.

Cum variis Orationibus, ex probatiffimis auctoribus collectæ,

PSAL. XXXIII.

Gustate & videte, quoniam ſuavis eſt Dominus; beatus vir qui ſperat in eo.

MOGVNTIÆ,

Typis IOANNIS ALBINI

ANNO 1613 Id. CVII.

Bien. A. III. 16

R
N
F
G
M

I

Et li
aspe.
debi
tibu
quos
ris, e
pieta
neg
sunt

REVERENDO ET
NOBILI DOMINO, D.
FRIDERICO à SICKIN-
GEN, Metropolitana Ecclesiæ
Mogunt. Canonico, Domino suo
gratioso & obseruan-
do.

Hunc Tibi libellum dedi-
cari, Reuerende & No-
bilis Domine, nemo mi-
rabitur, nisi qui & Te,
& libellum ignorat. Vbi utrūq;
aspexerit, dicet, non nisi tali patrono
debitum tale munusculum. Sacerdo-
tibus piis ille maximè collectus, inter
quos Tu, ut exclusa recens Rosa, colo-
ris, & odoris vice, pietatem præfers,
pietatem spiras. Testor omnes, qui
neq; hebetè oculo, neq; obtusè nare
sunt, idem sperare hoc Enchiridion

Exemplarum Camale. Inula Vigt. Ca. thelogo
ad. sin. p. 141.

DEDICATIO.

verbis, & Te vita. Quòd si quis argutulus opponat, non oportuisse obtrudi Tibi, quo ipse abundabas; is hoc sibi responsi habeat, Odores confricando maximè excitari, & inualescere: ac proinde non aberrasse me, qui & Te indies huius libelli usu, fragrantiam illam Tuam longius spargere; & ipsum libellum, Te exercente, apud alios quoq. quàm plurimos, suaueolentiam diffundere posse existimauerim. Sic spero, sic voueo, ac Te, Nobilissime Domine feliciter annare perennare opto. Moguntia, Kalend. Ianuar. 1607.

Tuæ Reu. & Nob. D.

addictissimus

IOANNES ALBINUS.

AD LECTOREM.

Eum tāta sit sacrosancta Eucharistia Sacramēti maiestas, ubi verum Deū, & hominē cū corpore & sanguine, anima, & diuinitate, Dei filiū, Dominum & redemptorē nostrū Iesum Christū vere ac firmiter fate-mur adesse, ad cuius praesentiam latantes astant Angeli, p̄ni latantur Archangeli, genibusq; flexis gaudet Throni, cumq; adorantes inuolant Principatus, & Potestates, Dæmones autē semper cōtremiscunt, in cuius et nomine nō modo cōlestiū, ac terrestriū, sed & infernorū genua flecti coguntur: quibet fidelis Christianus ad hoc tam magnificū, atq; augustū, tremendūq; accessurus conuiuiū summopere rē ipsam ppendere, conscientiamq; suā q̄ diligentissime discutere, ac vestē nuptialē induere debet, ne ad insulam illius, de quo legitur in Euāgelio, ligatis manibus, & pedib; in tenebras mittatur exteriores, ubi fletus tātū, & stridor dentitū sentitur. p̄pterea nō ab re Apostolus Paulus nos admonet, in-

A 3

quiens

AD LECTOREM.

*quiens: Probet aut seipsū homo, & sic de
 pane illo edat, & de calice bibat, q. n. mā-
 ducat, & bibit indigne, iudiciū sibi mādu-
 cat, & bibit, nō dūdicās corpus Domi-
 ni. Indigne aut hūc panē edere videtur q.
 licet p̄ pœnitentiā ā Confessario suorū ob-
 tinuerit remissionē peccatorū, nō tamē cō-
 uenienti modō congruq; deuotiōe p̄ vestē
 nuptialē pedumq; lotionem intellectis, ad
 hāc Dominicā mensam accedit: nam qui
 mundus est ā peccatis scilicet mortalib⁹,
 nō indiget, nisi ut pedes lauet, & est mun-
 dus totus vestēq; induat nuptialē, hoc est
 sp̄retis omnib. ac contēptis huius seculi va-
 nitatibus, se totū Deo dedicet, mentēq;
 retineat candidam, & assiduis orationibus,
 meditationibusue, tan q̄ veste nuptiali in-
 duat, ornetq; qua discat mentē suā in Deū
 iterū atq; iterū, quotiescunq; voluerit, e-
 lenare, gratūq; se Deo reddere, ut ipsi cō-
 iuiua dignus habeatur. Quare utilissimū
 omnib. nō solū sacerdotib. sacrificatib. ve-
 rū ei cūctis utriusq; sex⁹ laicis, ad hāc cœ-
 nā Dominicā accedentib. hūc libellū fore
 arbitrati,*

AD LECTOREM.

arbitrati, in publicū pdendū curauimus,
quū in eo varia sint collectæ orationes de-
uotissima ad sacrā Synaxim pulcherrima
accōmodata, ante & post sacra Eucharis-
tie sumptionē feruētī, vt res ipsa postulat,
spīritu dicende, pleraq; ex Pharetra: di-
uini amoris desumptæ, unde & nomē hic
liber accepit, utpote varias habens breuiū
orationū sagittas in se recōditas, quib. in-
structus homo ad Dominicā cœnā optime
dispositus atq; pparatus, ante & post ipsam
sacrosantā Synaxim, sua desideria amo-
ris plenissima preces videlicet, & gratia-
rū actiones, ut sagittas in Deū emittere po-
test: nā & Diuus Augustinus has ipsas o-
rationes vocat iaculatorias, q̄a sunt q̄dam
quasi sagitte amoris ignitæ, ad cor Dei vul-
nerādū emittendæ. Accipe igitur candide
Lector hūc libellū tā salutiferū, illumq; quoti-
die p̄manib. habe, diligenterq; ac frequēter ape-
ri, & assidue perlege, & quod in eo latet al̄ con-
ditū tibi ostendetur per quod cœna Dominica di-
gnus reddarū, & Deū tibi benignissimū, tuiq; a-
mantissimū cōseruabū, animāq; tuā gustu, diui-
ni amoris tā inebriatam experieris, & id animo
sentiri, quam verbis explicari facillime possit.

EXERCITATIONES

AUGUSTINVS
de dignitate Sacer-
dotum.



Veneranda Sacerdo-
tum dignitas, in quo-
rum manibus Dei fili-
us, velut in vtero vir-
ginis, incarnatur. O
fœlices Sacerdotes, si sacerdotaliter
vixeritis. O cœleste mysterium, quod
pervos Pater, & Filius, & Spiritus S.
tam mirabiliter operantur super tam
ineffabili ministerio vestro, quod v-
no, eodemque momento idem Deus,
qui præsidet in cœlo, in manib. vestris
est in Sacrificio. Cœlum miratur. Hor-
rescit infernus. Contremiscit Dia-
bolus. Reueretur quàm plurimum
Angelica celsitudo. Quid retribuam
domino (vt taceam de cæteris, quæ
tribuit mihi) pro tam singulari dono
Sa-

PIÆ AC DEVOTÆ.

Sacerdotii mihi impenso : quod est datum optimum , & donum perfectum : verbi gratia : ille, qui creavit me sine me, creatur mediante me. Et ille, qui ex nihilo cuncta creavit, sine me (si fas est dicere) dedit mihi creare te. O venerabilium sanctitudo manuum. O felix exercitium, ubi tractat Christum Sacerdos Deum filium, cuius deliciae sunt esse cum filiis hominum. O Sacerdotes, attendite : maior est dignitas vobis collata, quam Angelis, qui adorant, quod vos conficitis nec ipsi conficere possunt. O altitudo sapientiæ Dei. O ineffabilis clementia Salvatoris. Quod datum non est Angelis, concessum est homini. Sacerdos hoc Sacramentum ineffabile conficit : Angelus conficienti sibi quasi famulus assistit. O quàm venerabile, quàm gloriolum, quàm insigne fuit apud antiquos nomen Sacerdotii, sed hodie quid abiectius eo ? quid vilius ? O Sacerdotes, si anima cuiuslibet iu-

EXERCITATIONES

ſti ſedes Dei ſit, multò magis ſedes
& templum Dei eſſe debetis mundū
& immaculatum, Si ſepulchrum eius
glorioſum eſt, in quo corpus iacuit ex-
anime, glorioſiora, & digniora eſſe de-
bent corpora veſtra, quæ à morte ſu-
ſcitatus quotidie dignatur inhabitare.
Si beatus eſt venter, qui nouem men-
ſibus Chriſtum portauit, ita & ſi non
tantum, tamen beata debent eſſe cor-
da veſtra, in quibus quotidie elegit
ſibi hoſpitium filius Dei. Si beata ſunt
vbera quæ paruulus ſuxit; ita debet
eſſe os beatum, quod carnem eius ſu-
mit, & ſanguinem ſugit. Carnes ergò
veſtras cum timore eius, conſigite &
vobis diligenter prouidete, ne lingua
loquendo, quæ vocat de cœlo filium
Dei, contra Dominum loquatur. Et
ne manus, quæ inſtinguntur ſanguine
Chriſti, polluantur ſanguine
peccati, &c.

HIE-

HIERONYMVS.

Grandis dignitas Sacerdotum ,
sed grandis ruina si peccant , læ-
tamur ad ascensum , sed timeamus ad
lapsum. Non est tanti gaudii excelsa
tenuisse , quanti mœroris de sublimi-
oribus corruisse. Nec enim solum pro
nostris delictis reddemus rationem ,
sed pro omnium , quorum abutimur
donis , & nequaquam sumus de eo-
rum salute solliciti.

GREGORIUS PAPA.

Tantum debet actionem subdito-
rum actio transcendere Recto-
ris , quantum distare solet à grege vi-
ta pastoris. Oportet namque vt me-
tiri sollicitè studeat , quanta tenendæ
rectitudinis necessitudine constringi-
tur , sub cuius æstimatione populus
grex vocatur. Sit ergò necesse est , co-
gita-

EXERCITATIONES

gitatione mundus, actione præcipuus, discretus in silentio, utilis in verbo, singulis compassione proximus, præ cunctis contemplatione suspensus, bene agentibus per humilitatem socius, contra delinquentium vitia per zelum iustitiæ erectus, interiorum curam in exteriorum occupatione non minuens, exteriorum providentiam in interiorum sollicitudine non relinquens.

ISIDORVS.

QVI enim in erudiendis, atque instituendis ad virtutem populis præerit, necesse est ut in omnibus sanctus sit, & in nullo reprehensibilis habeatur. Qui enim alium de peccatis arguit, ipse à peccato debet esse alienus. Primitus quippe Rector semetipsum corrigere debet, qui alios ad bene viuendum admonere studet, ita ut in omnibus semetipsum formā
vi-

PIÆ AC DEVOTÆ.

viuendi præbeat, cunctosq; ad bonum opus, & doctrina, & opere prouocet. Cui etiam & scientia Scripturarum necessaria est, quia si Rectoris tantum sancta sit vita, sibi soli potest prodesse, porro si & doctrina, & sermone fuerit eruditus, potest ceteros quoq; instruere, & docere suos, & aduersarios re- percutere, qui nisi refutati fuerint, atq; conuicti, facile possunt simplicium corda peruertere.

CYPRIANVS PAPA.

QVando autem stamus ad orationem, fratres dilectissimi, inuigilare ad preces toto corde debemus: cogitatio carnalis hominis, & secularis abscedat, nec quicquam tunc animus aliud quam id solū cogitet, quod precatur. Ideo & Sacerdos ante orationem præfatione præmissa parat fratrum mentes, dicendo, Sursum corda: vt dum respondet plebs, Habemus ad
Domi-

EXERCITATIONES

Dominum, admoneatur nihil se aliud quam Dominum cogitare debere: claudatur contra aduersarium pectus, & soli Deo pateat, nec ad se hostem Dei, tēpore orationis venire patiatur.

PAVLVS.

Q Vi bene præsunt Presbyteri, duplici honore digni sunt: maxime qui laborant in verbo & doctrina.

D. AVGVSTINVS.

Nemo in Ecclesia Dei magis nocet, quam qui peruerse agēs, nomen vel ordinem sanctitatis & Sacerdotis habet. Delinquentem namque hūc redarguere nullus præsūmit, & in exemplum culpa vehementer extenditur, quando pro reuerentia ordinis peccator honoratur.

CHRYSOSTOMVS.

Nam eum qui pro omni ciuitate
(quid autem dico pro ciuitate?
imo

PIÆ AC DEVOTÆ.

imo pro vniuerso mundo) legatione fungitur, & deprecatur, iniquitatibus omnium propitium Deum fieri, non solum viuentium, sed etiam mortuorum, qualem putas esse debere? Ego quidem Moyſi, & Eliæ confidentiam huic non puto supplicationi poſſe ſufficere: ſicut enim is cui ſit commiſſus vniuerſus mundus, & qui ſit pater omnium, ita accedit ad Deum oblectās extingui quidquid vbique pugnarum eſt, diſſipari tumultum, placari omnia, & tam priuatis malis, quam publicis imponi finem.

CHRYSOSTOMVS.

MULTI Sacerdotes, & pauci Sacerdotes: multi in nomine, & pauci in opere. Videte ergo quomodo ſedeatis ſuper Cathedram: quia Cathedra non facit Sacerdotem, ſed Sacerdos cathedram: non locus ſanctificat hominem, ſed homo locum. Qui bene ſederit ſuper Cathedram, honorem accipit ab illa: qui male ſederit,

EXERCITATIONES

iniuriam facit cathedræ. In iudicio enim sedes: si bene vixeris quidem, & bene docueris, omnium iudex eris: si autem bene docueris, & male vixeris, tui solius. Nam bene viuendo, & bene docendo, populum instruis, quomodo debeat viuere: bene autem docendo, & male viuendo, instruis

Deum quo modo te debeat condemnare,



EX



EX PHARETRA
DIVINI AMORIS D. IO-
hannis Iusti Lanspergii.

*Exercitia compendiosa efficaciq; vehe-
menter, quibus quisq; sese digne ad ce-
lebrandum siue cōmunicandum pos-
sit preparare, per sui ipsius diligentem
examinationē, mentisq; recollectionē.*

*Modus item quomodo multi divinissi-
mi sacrificii Missæ participes fieri pos-
sint, nonnullaq; alia exercitia Missæ
sacrificium oblatoris necessaria.*

EFFVSIO CORDIS DE-
uotissima ante Altaris accessum, vt
multi sacratissimi officii Missæ
participes efficiantur.

Benignissime bonorum omnium
largitor, sapientissime meritorum
remu-

EXERCITATIONES

remunerator, suffragiorumq; omniū ponderator Domine Christe Iesu: Sacrificium quod tibi hodie paupercula mea deuotio, quam solus intueris & metiris, offerte constituit, dignanter non tam secundum eiusdem meae deuotionis valorem, quam secundum tuam clementiam immensam suscipito. Non pro his duntaxat pro quibus specialiter ordinatum est, verum pro me etiam & pro his quibus ex pietate aut charitatis debito astrictus sum. Neque enim te (qui cuncta nosti) latet, quantum hinc pro peccatis meis innumeris, illinc pro tuis debitor sim gratuitis beneficiis. Deinde quantum proximis, præcipue eis de quorum labore manuum ac vultus sudore, panē comedo ac vestior in abundantia, debeam, atque pro genitoribus ac benefactoribus meis, quorum ope atque industria in hanc perueni horam. Nec desunt qui meis sese commendarunt orationibus. Sunt item qui suos mihi im-

hi impartiuntur labores, & orationis vicissitudinem à me requirunt. Postremo ipsi à me exigunt orationem quos defraudaui, quos fama aut rebus læsi, quos scandalizaui, quos seduxi, quos verbis aut moribus offendi. Idē qui sua mihi peccata confitentur, aut quibus ego confiteor. Quo fit, vt fere totius Christianæ religionis exercitus à me debitum expostulet.

Pauper itaque & miser vim patior.

MEMOR tamen suauissime Domine vniuersarum miserationum tuarum deuotissime flagito, vt tot tantisq; creditoribus meis pro me respondeas, hancque Missam (& si quæ alia te donante fecero beneplacita) suscipiens persuauiissimum cor tuum in sacro sanctę passionis ac mortis tuę beatissimęq; matris tuę, & omnium sanctorum tuorum commemorationem atq; secundum multitudinem liberalissimę donationis tuę, singulis, prout vnicuique opus ad salutem ac liberationem, attribuas. Fiat

EXERCITATIONES

Fiat hoc sacrificium piissime IESU
propter infinitam bonitatis tuæ dul-
cedinem, qua ipsum in S. Ecclesia esse
ordinasti: propter amarissimam pas-
sionem tuam & mortem, qua ipsum
fundasti: propter ardentissimam cha-
ritatem, qua in cœna leuatis oculis
gratias agens, Deo patri ipsum insti-
tuisti: & propter merita & interces-
siones gloriosissimæ Virginis Mariæ
Sanctorumque omnium: fiat, inquā,
hoc sacrificium Missæ mihi & singu-
lis effectus atque fructus tam integer
ac si singulariter pro quolibet nostrū
tibi offerretur. Tu enim es perditorū
omnium hostia pacifica, quæ sola odo-
ris tui suauitate patrem tuum cœlestē
nobis placare & reconciliare potes
Christe IESU pietissime. Qui cum
eodem Deo Patre in vnitate Spiritus
sancti viuis & regnas Deus, per
infinita sæculorum sæ-
cula. Amen.

Sequun-

Sequuntur variz devota orationes, ad compunctionem cordis, & devotionem excitandam, quas quilibet sue devotioni pro quotidiana profectu, ad digne celebrandum sine communicandum pro libitu suo accomodare potest.

EFFUSIO CORDIS GENERALIS pro peccatis remittendis, excitās
& humilians spiritum vehementer ad compunctionem.

OMnipotens, æterne, benignissime, misericordissimeq; Domine Iesu Christe, creator & redemptor animæ meæ. Ecce ego sum ille nequissimus impiissimus & vilissimus peccator, totus abominabilis atq; contemptibilis, totus nefandus atque miserrimus, omni bruto vilior ac deterior effectus, qui tam enormiter, tam frequenter, tam audacter, tam impudenter tuā infinitam maiestatem atque præsentiam inhonoravi, tuam sanctitatem offendi,

EXERCITATIONES

fendi, tuam bonitatem, charitatem, pietatem, & longanimitatem contēpsi, tua præcepta transgressus sum, tua consilia spreui, tuis donis abusus sum, tuis beneficiis ingratiſſimus fui, tuum dulciſſimum iugum abieci, à te Deo meo, Deo totius salutis meæ cor meum auerti & reſeſſi, & in ſeruitutē Diaboli pro vili & momentanea delectatione me captiuum tradidi membra mea, ſenſus meos, vires animæ meæ, tempus, & alia dona, quæ mihi dedisti, quibus ſi te honorarem, æternam mihi felicitatem conceſſiſſes, inimico tuo ſeruiens ad contumeliam tuam turpiter expendi, & miſerabiliter ſum abusus: adeo, vt etiam tibi iam ad ſeruiendum, deficientibus viribus, dominantibus vitiis, dilapſo tempore, inutilis factus ſim.

O ſaluator piſſime, tu ſcis quot mala commiſi, quot bona omiſi: quod propterea etiam in multa mala peccando incidi.

Quisquis

Quisquis hoc exercitio usus fuerit, grauiora sua peccata hic in genere ad memoriam reuocare poterit, pro excitanda deuotione, & cordis compunctione.

INsuper non suffecerunt mihi infelicissimo peccatori propria peccata, sed super ea & aliena multa accumulaui. Heu mi Domine quot homines seduxi, quot meo peruerso viuendi genere scandalizaui, quoties malum cōsului, occasionemque peccandi aliis innocentibus dedi, adiuui & induxi in immania flagitia & peccata? Heu quomodo nomen tuum ubiq; per me blasphematum est? Heu me quot animas, tuis vehementissimis doloribus & angustiiis amarissimæ passionis redemptas, pretioso tuo sanguine & morte innocentissima viuificatas, ego conculcaui, interemi, ac iugulaui? Propter hæc indignum plane me iudico, vt oculos ad te leuem, gratiamq; tuam mihi impertias.

Hic

EXERCITATIONES

*Hic tunde pectus tuum cum publicano,
& dic ex intimo cordis : DOMINE
PROPTIUS, ESTO MIHI PEC-
CATORI.*

*Et quicquid magis tibi possit tui ipsius
parere contemptum, & deuotionem,
ac humilitatem.*

○ Deus Iudex æternæ gloriæ, ac me-
tuende, vere ego sum pessimus ille
latro, qui toties peccando, & alios
scandalizando propriam animam ali-
orumq; animas, tam pulchras, tam no-
biles, à te conditas, ad tuam imaginem
factas, tanta charitate redemptas fœ-
daui, & eas tibi creatori, ac saluatori
suo abstuli, occidi, & dæmonibus tra-
didi: sicque passionis & sanguinis tui
fructum, quantum in me fuit, euacua-
ui, Heu me miserum clemētissime Pa-
ter, qui tanta mala feci, factus adeo
turpis, odibilis, & facinorosus. Domi-
ne Deus confundor & erubescō leua-
re faciem meam ad te, quoniam iniqui-
tates meæ multiplicatæ sunt, super-
gres-

gressæque sunt caput meum, & sicut onus graue grauatae sunt super me. Delicta mea creuerunt vsque ad cœlū, & multiplicata sunt sicut arena, quæ est in littore maris. Ultra omnes peccatores, ego miser & miserabilis te offendi, factus quasi spuma totius iniquitatis, & omnium peccatorum peripsema. Heu cur inter peccatores primum locum mihi elegi, adeo vt alii peccatores mihi comparati etiam iustificentur: quippe cui tot dona, tot adiutoria, tot beneficia largitus es, & plura dare paratus fuisti, quibus à peccatis me continere, vel resurgere potuissem. Et tamen his omnibus neglectis, spreta benignitate tua, qua me tā longanimiter ad pœnitentiam expectasti, excitasti, prouocasti, & tandem misericorditer, attraxisti, post tā multa & enormia peccata, post tantam offensam, cum pro reconciliatione & adoptione gratiæ tuæ indefinenter co-

EXERCITATIONES

gitare & laborare debuissem, totumq; me in holocaustum tibi offerre, totus ingratus cor meum auerti à te, & quotidie, imo & quasi continue negligentis meis, & defectibus offendo te. In seruitio namque tuo totus sum negligens, tepidus, indeuotus, mēte dispersus, à te sum auersus, cum creaturis fornicor. Quid ultra dicam? Non habeo vt vnum pro mille respondeam. Scio me grauiter nimis deliquisse, & iram tuam iuste meruisse.

Verum tu clementissimus es, idcirco quæso ne in furore tuo arguas me, neque in ira tua corripas me. sed potius miserere mei, secundum magnam misericordiam tuam, & secundum infinitam multitudinem miserationum tuarum dele iniquitates meas. Non reserues mihi peccata mea benignissime Pater in diem vindictæ, in diem mortis meæ, neq; in curia iustitiæ tuæ me castiges, sed vt in præsentī vita ve-

niam

niam percipere merear, nunc potius in carcere præsentis vitæ, in curia misericordiæ tuæ, & liberationis, me vre & seca, vt in æternum parcas, saltem vt post hanc vitam à vindicta tua sim securus. Memor quæso sis fragilitatis, & nihilitalis meæ Deus, & sultentes animam meam manu tua, quia ne minima quidem sufferre possem, nisi in virtute tua. Iterum rogo te clementissime Domine, & per omnes miserationes tuas obsecro, nō sinas animam meam de corpore meo exire, nisi prius plene tibi reconciliatam, plenarie purgatam, perfecte mundatam, tua charitate, proximi dilectione, cæterisque virtutibus perfecte ornatam, & ab omni pœnarum formidine, ab omni inferni & purgatorii terrore prorsus liberam & securam, totamq; tibi inseparabiliter adhærentem, & iugiter sine fine tecum feliciter mansuram. Sed vnde mihi hoc? Vnde tanto peccatori,

EXERCITATIONES

tam ingrato tantum beneficium, tantum donum? Quomodo audeo hoc petere? De tua pietate id præsumo dulcissime Domine Deus meus, misericordia mea, cui perinde est à multis, vt à paucis saluare, cum tota salus nostra non ex operibus nostris, sed tua gratia præcipue pendeat. Tu pro me satis fecisti. Tu vt mihi satisfactio tua subueniat, meruisti. Ego mendicus & pauper, nihil habeo quo hoc merear. Nihil habeo quod offeram tibi, nisi peccatricem animam, & hoc miserrimum corpus, quæ à te recepi, quæ tu bene fecisti, sed ego destruxi. Hæc tibi Domine mi offero in beneplacitum voluntatis tuæ, fac mecum sicut tibi placuerit: rege me, tene me, & posside sicuti volueris. Age mecum secundum quod magis est ad gloriam, & voluntatem tuam, castigando, vel consolando me. Hoc solum mi Domine precor, vt in omni aduersitate, in omni dolore

dolore, in omni tentatione, vel consolatione cor meum perpetua charitate sit tibi coniunctum, tuæ voluntati inseparabiliter vnitum, vt omnia de manu tua humiliter accipiam, in omni euentu tibi semper gratias agam, & nihil extra tuam voluntatem cupiam, vt semper & omnem tribulationem superet hilaris patientia, & omnem prosperitatem excedat deuota humilitas.

In remissionem autem & ablutionem peccatorum meorum, in supplementationem omnium defectuum & negligentiarum mearum, in gratiarum actionem & memoriam beneficiorum tuorum, offero tibi dulcissime Iesucor tuum, benedictā incarnationē tuā innocentissimam conuersationem, sanctissimam vitā, amarissimam passionem ac mortem tuam, & omnia quæ pro salute mea assumpsisti, egisti, & passus es. Sed & omnia merita omnium Sanctorum tuorum, sancteq; Ecclesię

EXERCITATIONES

tuæ, atque effectum & gratitudinem
totius vniuersitatis: obsecrans te per
hæc omnia, & per immensam charita-
tem tuam, per infinitam misericordi-
am tuam, per charissimam genitricem
tuam dulcissimam & benignissimam
virginem Mariam, per omnium san-
ctorum & deuotorum preces & me-
rita, ignosce mihi sceleratissimo & vi-
lissimo peccatori quicquid vnquam
male egi contra te, & gratiam tuam
piissimam mihi infunde, per quam de
cætero me custodias ab omni peccato,
liberes & præserues ab omnibus quæ
tibi in me displicere possunt, vt ita tibi
seruiam, ita tibi placeam, ac talis sem-
per in oculis tuis inueniar, qualem
velles iuxta vltimum & summū
beneplacitum tuum.

Amen.

*EFFUSIO CORDIS ALIA,
seu meditatio animæ, peccata & in-
gratitudinem suam coram Deo plan-
gentis, & sui reconciliationem, atque
purgationem flagitantis, cum aliis id
genus suspiriis, quæ digna sunt etiam
frequentare ab Eucharistiam
sumpturis.*

OMnipotens, æterne Deus, cui
soli omnis debetur honor, glo-
ria, & gratiarum actio, en ego
infelix indignus ac perfidus ille pecca-
tor hætenus tibi rebellis & ingratus,
venio ad te creatorem meum, Deum
meum, redemptorem meum, miseri-
cordem iudicem, & Salvatorem
meum, accusans meipsum, & tibi
confitens omnes meas abominatio-
nes, scelera, & peccata mea, quibus
nomen Sanctum tuum blasphe-

EXERCITATIONES

maui, præcepta tua transgressus sum, voluntatem tuam contempsi, dona & opera tua in me destruxi, animam & corpus meum pollui, vires, quibus tibi seruire debueram, peccando enervauui, & ad seruiendum tibi me inutilem, & infirmum feci, gratias ac munera tua in contumeliam tuam verti: ad charitatem denique & misericordiam, ac beneficia tua, quibus vias meas conclusisti, huc vsque frigidus, atque lapideus perseueraui. Quid o mansuetissime, quod instinctus tuos tam sæpe contempsi, longanimitatem tuam spreui? Et non solum hanc meam, sed alias quoque innumeras animas, quas tu sanguine tuo pretioso mercatus es, pro quibus etiam redimendis tu incarnari, pati, crucifigi, ac mori dignatus es, ego tibi iterum abstraxi, seduxi, fœdaui, & hosti tuo diabolo animicidæ in mortem tradidi.

O misericordissime, atq; mitissime

Domine

Domine Deus me⁹, in huiusmodi prauitate heu nimis diu obstinatus mansi, abutens benignitate tua & omnibus donis tuis, negligens bene agendi occasiones, omnibusq; modis tibi & bonis hominibus rebellis. Heu piissime IESV, quod modo etiam, cum in honorem & beneplacitum tuum me totum tibi offerre deberem, maneo totus ingratus, veteribus peccatis meis noua cumulans, in seruitio tuo tepidus, negligens, & indeuotus, & à te auersus ad creaturas. Indignum est igitur, vt oculos meos ad cœlos leuem, qui etiam omnibus creaturis atq; adeo vita ipsa, & aura qua foueor prorsus indignus sum. Verū tamen quo fugiam à facie tua Domine Deus meus? vbi abscondam me ab ira tua? Quis reconciliabit me tibi? Nunquid non Pater meus es tu? cuius miserationes nunquam continere se possunt, cuius pietas non potest concludi? Ego vero,

EXERCITATIONES

licet filii nomine indignū me fecerī, agnosco tamen non alium Patrem, præter te Domine. Quapropter ad pedes misericordiarum tuarum curro: ibi prostratus per omnipotentiam, sapientiam, bonitatem tuam, & per infinitam misericordiam tuam (qui es miserationum abysus) obsecro te, ignosce, purifica, & libera me à peccatis meis omnibus, per merita vitæ & passionis tuæ. Recipe me in gratiam tuam, qua me teneas, confirmes, dirigas, atq; possideas ad gloriam tuam, & secundum æternum beneplacitum tuum. Ut autem exaudiri merear celerius ô dulcis IESU fili Dei viui, qui te aduocatum & mediatorem inter nos miseros & Patrem tuum constituisti, obsecro te per charitatem illam, quæ te de cœlis traxit in vterum virginis, & de vtero virginis per passionem ad ignominiam crucis, perque singulas guttas tui sanguinis pro me effusi, vt sanctissimę

vita

vitæ ac passionis tuæ meritis, atque virtutibus me dones, & gratiæ tuæ intra me iuge habitaculum facias.

Si ad Eucharistiam statueris sumendam accedere, hæc adde.

Dignumque me facias ad recipiendum dilectionis tuę pignus viuificum, corpus videlicet tuum in sacramento dignissimum, ad gloriam tuam, & ad animæ meæ cunctarumq; animarum salutem & profectum, vt tibi coniunctus suauissime I E S U mundo moriar totus, tibi vero soli deinceps viuam, & castissimo feruentissimoque amore inseparabiliter inhæream.

A M E N.

SVSPIRIA GEMENTIS

*animæ pro peccatis suis ad
Deum clamantis.*

EXERCITATIONES

Heu Deus meus & Pater misericordiarum, vt quid toties offende te Patrem, & creatorem meum. Dominator vitæ meæ, ecce vides, quia nō est in me bonum nec sanitas animæ meæ. Domine miserere mei, sana animam meam quia peccaui tibi, Sana me Domine & sanabor, saluum me fac, & saluus ero, quia salus mea tu solus es. Heu Domine Deus quanta sunt vulnera mea, quanta infirmitas, quanta vilitas & prauitas mea pro quibus tu sanandis crucifixus es, & occisus. Cui conquerar ô Domine, omnia mala mea aduersum me, nisi tibi Saluator & redemptor animæ meæ? Deus meus propitius esto mihi peccatori. IESV fili Dei viui miserere mei, quia nihil tibi impossibile est, quam miseris nolle misereri. Redde mihi ô misericordissime IESV gratiam tuā. Nō secundum merita mea, sed secundum

boni-

bonitatem tuam respice in me clementissime Domine Deus meus. Dulcis IESV quàm amabilis est gratia tua, quàm suavis amicitia tua. Ne (quæso) abiicias me propter peccata mea. Benignissime Domine Deus meus, quid aliud ego miser & infelix peccator possum, quàm peccare: & quid tu (ô optima & infinita bonitas) aliter potes; quàm misereri & parcere? fac ergo tu secundum bonitatem tuam, quia ego infelicissimus agere desino secundum malitiam meam. Misericordissime Domine Deus meus, da mihi pœnitentiæ lachrymas, quibus ex abyssu cordis mei doleam, & lugeam peccata mea. Da mihi dolorem perfectissimæ contritionis, & lachrymarum flumina iugiter fluentia, quia te Deum meum, & creatorem meum contempsi. Emollias quæso saxeum hoc pectus meum, inflamma frigidissimum cor

me-

EXERCITATIONES

meum, vt lachrymæ fluant mihi die ac nocte, & dolor sit cordi meo continuus quod non amaui, quod spreui, quod etiam offendi te, Domine Deus meus. Quid faciam Domine Deus meus, vt placeam tibi, qui vsq; hodie totus sum abominabilis, & plenus iniquitate? Deducant oculi mei lachrymas per diem & noctem, & non taceant, quia alienum me feci à gratia creatoris mei. Domine Deus meus quid mihi sine te viuere? Recipe in gratiam tuam, Ostende mihi misericordiam tuam miserator & misericors dominus. Heu me miserum & infelicem domine Deus meus, quid vnquam offendi te? Ah vtinam non fecissem, vtinam non peccassem. Non sinas ô clementissime Deus meus, non sinas, vt peccata mea diuidant inter me & te. Si castigare me vis Domine, non in furore tuo arguas me, neque in ira tua corripas me. Miserere mei Domine

mine quoniam infirmus sum, sana animam meam, quia peccaui tibi.

Non imputes quæso mihi peccata mea, nec propterea gratiam tuam à me auferas, aut minuas. Sed quo ego sum infirmior, ostende tu in me diuitias bonitatis tuæ. Cunctis palam fiat in me, quia miserationes tuæ sunt infinitæ, atq; immensæ. Amen.

*PRO VERA AD DEVM
conuersione precatio.*

O IESV suauissime, qui omnibus à te auersis compendiosam ad te reuertendi tradidisti semitam, dicens: Nisi conuerſi fueritis, & efficiamini sicut paruuli, non intrabitis in regnum cœlorum: & per prophetam tuum loquutus es dicens: Conuertimini ad me in toto corde vestro, doce me obsecro, veram atq; integram animæ conuersionem, quomodo instar paruulorū sine omni malitia ac cordis

ama-

EXERCITATIONES

amaritudine vitam meam institutam,
atque eorundem simplicitatem, puri-
tatem, & innocentiam sectando, me-
am iam dudum amissam recuperem,
animęq; meę vires in suam originem,
hoc est, in te Deum meū referam, na-
turales meas passiones, sensus, & illicitos
animi motus comprimā iugiterq;
constringam. Quod pie Deus quā ne-
cessarium mihi sit, ipse cernis, quando
tam faciliter & leuiter per sensus ā te
defluo, multisq; perplexitatibus & cu-
ris superfluis sæpe me inuoluo. Ah re-
uoca me quęso ad te, & erige cor meū,
pondere peccatorum pressum ad cœ-
lestia, & abstrahere me ab omnibus quę
mundi sunt, iugo suauissimę seruitutis
tuę me subdendo, omne sq; affectus &
cordis mei desideria in cor tuum diui-
nissimum omni virtutū odore resper-
sum, totiusq; diuinitatis gazophyla-
cium rapiendo, atque in inuestigabili
tuę diuinitatis abyssō mentem meam

abfor-

absorbendo. Subarrha me etiam in hac præfenti vita annulo gratiæ tuæ, & indissolubili charitatis tuæ vinculo me constringe, ne in æternum à te separer, & à cœlestibus tuis mansionibus culpis meis & peccatis exigentibus, excludar. Amen.

*SVSPIRIA MENTIS ET
aspirationes ad Deum, & ignita quæ-
dam amoris iacula, quibus veluti a-
mantium duorum mentes, Dei sci-
licet & hominis, vulne-
rantur uniuntur-
que.*

QVisquis charitatem Dei, sine qua nulli vnquam speranda est salus, citius obtinere desiderat, illi in primis necessarium est, vt ignitis & quasi continuis quibusdam alluescat aspirationibus, deuotisque mentalibus o-

rati-

EXERCITATIONES

rationibus, quibus mentem suam ad Deum eleuet, & cuncta visibilia & caduca transcendere discat. Præterea ut quotidie ad minus vnā horam capiat, in qua se & actus suos, omniaque sua interiora, motus, inclinationes, & intentionem, solerti cura discutiāt, diligenter attendendo in quem finem omnia sua peragat opera, an videlicet se magis, quā Domini Dei sui honorem & gloriam quærat.

Si super omnia Deum suum magnificare & honorare desiderat, ipsiusque laudem vbique promouere conatur, bene se res habet. Sin minus, doleat necesse est, & conuertat se ex imo cordis sui his ve^l similibus verbis ad Deum creatorem suum, orando, ut ab omni proprio priuatoque amore cor suum expurgare dignetur, verumque illi amorem infundere, quo nulli rei afficiatur, quā soli Deo suo. Amen.

Ad

*AD PATREM ASPIRA-
tio supplex.*

O Pater potentissime, ego creaturarum tuarum omnium nouissimus, rogo te per summam potentiã, sapientiam, ac bonitatem tuam, vt super omnia creata me subleues, & in te stabilias, quatenus ex totis viribus animæ meæ te diligam, & perpetua charitate inseparabiliter in te fixus maneam. Amen.

*AD FILIUM ASPIRA-
tio supplex.*

O Sempiterna Dei patris Virtus, & Sapientia Christe J E S V, per amorem illum fortissimum, quo ab æterno genus humanum dilexisti, te supplex oro, vt inextinguibili tui charitate me repleas, accendas & inflames, vt numquam cogitem aliud quã te, nec in aliqua re quiescam, nisi in te Deus meus, & Dominus meus. Amen.

Ad

EXERCITATIONES

AD SPIRITVM SANCTVM
aspiratio supplex.

O Aeterna Dei bonitas & Spiritus
sancte Deus mens, ignis inextin-
guibilis, & flamma amoris immensi,
totum cor meum consume, omnem-
que amorem peregrinum procul à me
reppelle. O amor coelestis dulcedinis,
& dulcedo diuini amoris, ô amor non
crucians sed delectans, ô amor sem-
per ardens & nunquam deficiens,
transforma me in te, accende me sua-
uitate, dulcedine, iucunditate, exulta-
tione, concupiscentiaq; tui, quæ sem-
per est casta, munda, & secunda, quate-
nus te diligam ex toto corde meo, ex
totisq; medullis præcordiorum meo-
rum. Amen.

AD FILIVM DEI SUP-
plex aspiratio alia.

O IESV suauissime, ac præ filiis ho-
minum speciosissime, vtinā per-
fecte

fectè te desiderarem, & amore flagrantissimo te prosequi possem, qui omnino immensus, incircumscriptibilis & incapibilis es in teipso, sed vt me ad redamandum te induceres, tot mihi miseræ & deperditæ tuæ creaturæ amoris insignia declarasti, vt nullo modo ea enumerare possim.

*ASPIRATIO ALIA AD
Christum Iesum deuota.*

O IESV dulcissime, Deus meus & Dominus meus, accende me igne ardentissimo sancti Spiritus, & reple me tui desiderio immenso, vt totus suauitate liquefiam, ac pietate ergate fluam. Diligam te obsecro dulcissimum, pulcherrimum, atque amabilissimum Deum meum, ex omnibus viribus meis, ex tota intentione cordis mei, cum multa contritione & lachrymarum fonte, cum multa humilitate & reuerentia, Amen.

Aspi.

EXERCITATIONES

*ASPIRATIO ALIA AD
Iesum Christum ignita.*

O IESV vnicum desiderium animæ
meæ, mollifica cor meum durū,
lapideum, saxeum & ferreum, tua sa-
cratissima & potentissima vnctione,
vt omnis meditatio cordis mei sem-
per in te tendat, vt mediter te per dies
sine cessatione, sentiam te per sopo-
rem in nocte, alloquatur te Spiritus
meus, fabuleturque tecum mens mea
iugiter. Amen.

*ASPIRATIO ALIA AD
Christum supplex.*

O Vtinam pie Domine ex nimio
tui desiderio, totus hic mundus
cum omnibus suis vanitatibus in me
quandoque marcescant, & grauis illa
concupiscentiarum desideriorumq;
carnalium sarcina, quæ vsq; adeò spi-
ritum meum ad terrena deprimat, in

me alleuietur, quo expeditius post te in odore vnguentorum tuorum cœlestium curram, & quandoque ad tuæ excellentissimæ maiestatis beatificam visionem satiandus, te duce atque auctore pertingam. Amen.

*ALIA ASPIRATIO AD
eundem deuota.*

Benignissime, amantissime, charissime, potentissime, desideratissime, mi Iesv Christe, ô vtinam multitudinem dulcedinis tuæ atq; eximix charitatis cordi meo infundas, vt nunquam carnale aut terrenum quid cogitem, sed te solum vitam animæ meæ amem, te solum in corde meo circumferam. O Iesv fons omnis dulcoris diuiniq; saporis, scribe digito tuo, dulcē tui melliflui nominis memoriā in memoria mea, nulla vnquam obliuione delendam. Ex ara in tabulis cordis mei voluntatem tuam, omnesque tuas

insti

EXERCITATIONES

institutiones, vt te immenſæ maiestatis Dominum, tuaq; diuina præcepta ſemper & vbiq; locorum habeam præ oculis, Amen.

SCINTILLÆ ANIMÆ Amantis Deum flammigera.

DEVS meus, pulchritudo oculorum meorum, ſatietas cordis, nunquid non ſufficis amanti? Quid extra te euagamur? quid aliud deſideramus? Eia quæſo vulnera animam meam ô ſpecioſiſſime, ô delicioſiſſime, vulnera animam meam amoris tui iaculo, imple omnia deſideria mea, vt nihil me extra delectet, nihil afficiat, te ſolum in omni creatura diligam, ad te æſtuantiffimis deſideriis ſemper anhelem, & caſtiſſimo amore te ſolum omni momento cogitem. O Domine Ieſu, incende cor meum tui amore ſanctiſſimo ac fideliffimo. O

vti-

O vtinam amore tui ardeam, O vtinam amore tui langueam, O amantissime IESV, da mihi continuum amoris tui incendium, trahe me post te, curram & non deficiam. Quemadmodū desiderat ceruus ad fontes aquarum, ita quæso sitiat anima mea ad te Deus meus. Da mihi benignissime IESV, insatiabile & immensum desiderium tui, quod nulla creatura consolari possit. O amabilissime Domine IESV Christe, electissime sponse animæ meæ, obsecro te per cor tuum, & lancea transfixum, & amoris vulnere vulneratum, transfige, vulnera, perfunde, & inflamma cor meum amoris tui incendio, tā valido, vt ex toto corde meo, hoc est, pleno desiderio, & perfecta voluntate te diligam, te quæram, te intendam in omnibus & super omnia. Diligam te Domine Deus meus, ex tota anima mea, vt omnes sensus meos in te conuertam, & tibi soli intendam. Diligam

EXERCITATIONES

te ex tota mente, vt intellectū & memoriam meam in te solo, & ad gloriā tuam occupem, tibiq; soli inhæream. Diligam te ex omnib. virib. meis, & omnes illas, & animæ & corporis in tui laudem, amorem, ac beneplacitum tuum expendam. Diligam te Domine Deus meus, vt tu solus me totum possideas, vt me totū in te absorbeas, atq; transformes. Domine Iesv Christe fili Dei viui, da mihi toto corde, pleno desiderio, sitiente anima ad te aspirare, in te dulcissimo atq; suauissimo respirare, ac totum spiritum meū, & omnia interiora ad te, qui es vera beatitudo, semper anhelare. Da mihi vt omnis creatura mihi vilescat, & nihil me afficiat, nihil mihi placeat nisi tu. Dulcis Iesv, vulnera & accēde cor meū tui amore castissimo. Trahe omnia desideria mea post te, vt solum anima mea suriat, sitiat, te solū concupiscat, ad te indefinenter suspiret & currat,

tui-

tuiq; amore langueat, & mundana omnia fastidiat. Dulcis Iesv, imple cor meū castissimis desideriis, quib. anima mea tui amore semp ardeat, & te semp cogitans p̄ter te aliud nesciat. O vtinā tu solus cordi meo dulcescas, tu solus mihi placeas suauissime Iesv. Heu Domine Deus meus, quando perfectē diligā te? Quando constringam te dulciter, ô vita mea inter brachia animæ meæ? Quando amplexabuntur te, ô dulcissime amator, omnia desideria cordis mei? O Dñe Deus, vtinā me ipsum & vniuersum mundū tui amore p̄fectē contemnā. Vtinā anima mea tui amore liquefiat. Vtinā in te rapiatur & absorbeat. Suauissime & desiderabilissime te solū desidero, te solū concupisco. Redde te mihi, & posside me tibi. Atq; vtinā te solū verē & perfectē desiderē. Quousq; arida est anima mea, aquas sitiens alienas? Oh imple eam ardore æstuantissimæ charita-

EXERCITATIONES

tis, vt sitiatur ad te Domine Deus meus.
 Amabilissime IESV, vtinam vero &
 perpetuo amplexu cordis constringe-
 re te merear. Dulcis & speciose, quàm
 amabilis es, cur non amo te? Potesne
 hoc tu sustinere benignissime creator
 quod aliqua creatura non diligit te?
 Quæso suauissime Domine, in me hoc
 non sustineas, sed irrumpa in cor me-
 um, & vim facias mihi potentissime. O
 violentiam suauissimam, quando vim
 patiar? IESV bone rapias tibi spiritum
 meum, & infunde mihi spiritum tuū.
 Deus meus quàm bene mihi esset, di-
 ligerem te. Et quantæ prudentiæ est a-
 mare te, quantæ suauitatis quiescere
 in te, quantæ utilitatis possidere te?
 Dulcis IESV, da mihi illas diuitias,
 hoc est, te ipsum, & in cæteris omnibus
 sim pauper. Fac me pauperem spiritu,
 vt non quæram aliud nisi te. O adorā-
 de, colende, metuende, omnipotens,
 sempiternus Deus. O amator ardentissi-
 me,

me, ô zelator fidelissime, quando redamabote? O quando me totū exhibo, & totus in te introibo? Vtinam meipsum totum relinquam, & in te me totum effundam. Excita cor meum, vt inueniam te, posside cor meum, vt requiescam in te, & obliuiscar omnium, quæ sunt extrate. Nobilissime IESV, quàm pulcher, quàm amabilis, quàm speciosus, quàm suavis es tu. Beati omnes qui diligunt te. Benignissime & amabilissime IESV, tu cordis mei thesaurus, & vnicum gaudium, da mihi vt medullitus exeam & relinquam meipsum, & æstuantissimis desideriis ad te semper aipirem. O lumen verum, ô vita indeficiens, ô amor semper ardēs, da mihi mundo & carni perfectè mori, & omnium rerum temporalium funditus obliuisci, vt pro illis neque gaudeam, neq; doleam, neq; aliud præter te amatorem meum sentiam. Altissime, potentissime, pulcherrime, no-

EXERCITATIONES

bilissime, dulcissime, benignissime, amabilissime, desiderabilissime, suauissime Domine, veni & visita me, & fac tibi cor meum secundum cor tuum, ut maneas semper mecum. Suscipe me tibi, & da te mihi. Fac me tibi indissolubili vinculo amoris colligari, ut neque mors neque vita possint nos ad momentum separare. Domine IESU, fac me cognoscere utilitatem meam, & maiestatem ac bonitatem tuam, ut inde in me crescat profundissima humilitas, & hinc accedatur perfectissima charitas. Clementissime IESU, cum tu aliud nihil imperes, & illud unum ego desiderem, videlicet, diligere te ex toto corde meo, tibi que placere in omnibus. & super omnia: heu cur hoc in me non impletur? Amantissime IESU cum ego nihil boni desiderare, quanto minus agere possim, nisi quod gratia tua mihi desiderandum aut agendum inspirauerit: quod ergo inspiras, quod precipis, quod laudas,

in-

infunde mihi, vt velim & perficiam. Diligam igitur te Domine Deus meus, ex omnib. medullis animæ meæ, & faciam omnem voluntatem, & omne beneplacitum tuum, quia Deus meus es tu. Eia misericordissime IESV, nunc eadem repeto: Noli mihi negare quod tu mandas, quod tibi acceptum, & mihi est desideratissimum, nec esset, nisi tu faceres, desideratissimum. Imple ergo cor meum perfectissima, ardentissima, fidelissima atque perpetua charitate, vt quicquid sum & possum, & quæcunq; intra & circa me sunt, colant, querant, sitiant, diligant te, seruiantq; & placeant tibi perpetuò & perfectissimè. Domine IESV Christe, ostēde virtutem & potentiam tuam in me miserrimo peccatore, ostende q; maior est bonitas tua quam malitia mea. Fac, vt qui hætenus à te totus auersus & frigidus fui, nunc conuertar ad te totus, & tui amoris flamma in te transformer accensus. De-

EXERCITATIONES

Deus meus, creator meus, vsque quo non cognosco te? Quamdiu lates, & non requiro te? Imo præsto es, & nõ inuenio te. Tu salus mea vnica es, & non quæro te. Ergo amantissime, fidelissimeque zelator, qui cum nõ essem, diligebas me, & vt essem, tu fecisti me, da mihi vt desiderem te, sitiam te, queram te, curram post te, non quiescam, donec inueniam te, & præ amore tui, cætera omnia fastidiam extra te.

Aspirationes hæc sæpius sunt repetenda: si tibi ille aut alie cordi fuerint, & eiusmodi ex animo desideraueris, non erunt ociosa desideria tua.

○ Benignissime Domine Iesv Christe, da mihi vt totus diligam te feruentissime. O fidelissime Domine Iesv Christe, da mihi vt sentiam quàm immensa charitate nos diuexisti & diligis.

O dulcissime Domine Iesv Christe, quàm libenter te amarem. Et quia

vt

vt hoc velim, tu dedisti, da ergo vt diligam te ex toto corde meo, quia sine te nihil possum.

Dulcis IESV, ignosce vilitati ac temeritati meæ, quæ peto, & da quod rogo.

Fac me castissimo ardentissimoq; tui amore igniri, in te rapi, ac absorberi, ac omnium quæ extra te sunt, obliuisci.

O amor cordis mei, da mihi mori ar tui amore.

O amabilissime IESV, da mihi amorem erga te fidelissimum, strenuissimum, castissimum atq; purissimum, qui incessanter te sentiat, te laudet, tibi gratias agat, tibi obediat, tui honorem ardentissimè sitiat, & totum se tibi impendat.

O IESV pro me crucifixe, transforma quælo me in te, & fac vt clavis amoris, inauertibiliter sim crucifixus in te.

EXERCITATIONES

Fac vt placeam tibi totus, semper & perfectissimè. O IESV amabilissime ô amator fidelissime, ô amator delitiosissime, vtinam totus tui amore merear inebriari.

O quando videbo te facie ad faciem? ô vtinam tui amore in te absorberi merear.

Vtinam incendio amoris tui in te conflari, tibi vniri, & in te consumi merear?

Dulcis IESV age mecum, & fac me ita, vt vltra nequeam te offendere, vt tibi vltra non possim displicere.

Desiderabilissime IESV, da mihi desiderium tui, vt viuere sine te nequeã, & amore tui langueam. Esuriam & siti- at ad te anima mea, viuat & subsistat in te solo anima mea. Requiescat in te vno mens mea.

Pie IESV, imple me charitate tua, & perfectissima humilitate. Sic tui amo- re semper perfectissimaque charitate

ar-

ardeam, vt vtilitatem meam simul attendere non desinam.

Ego peccator sum, tu Deus meus, tu mihi omnia es. In manus tuas commendo spiritum meum, ac totum me ipsum. Amen.

*PRO CVNCTORVM CHRISTI
fidelium vite castigatione, per se-
ptem extrema verba Christi in
cruce, Precatio.*

O Dulcissime Domine Iesu Christe, obsecro te per amorem quo septem verba vltima in Cruce pro nostra salute dixisti, miserere miseris omnibus viuis & defunctis, & da nobis veniam & gratiam plenariam.

O piissime Iesu, qui dixisti: Pater, ignosce illis, quia nesciunt quid faciunt. Ignosce nobis & omnibus nos ledentibus, odientibus, & persequentibus:

EXERCITATIONES

similiter quos nos læsimus vnquam aut offendimus.

Et qui dixisti: Hodie mecum eris in paradiso. Redde nobis & omnibus fautoribus, amicis & benefactoribus nostris propter nomen sanctum tuū vitam æternam.

Et qui dixisti: Mulier ecce filius tuus. Miserere nobis, & omnibus parentibus, Prælatiſ, fratribus, commiſſis & coniunctis nostris carnalibus & ſpiritualibus. Et commenda nos omnes fidei curæ piſſimæ matris tuę in filios, nunc & in vltima anguſtia noſtra

Et qui dixiſti: Deus meus, Deus meus, vt quid me dereliquiſti? Miſerere omnibus tentatis, afflictis, miſeris, oppreſſis & deſolatis hominibus, & libera nos omnes à malis.

Et qui dixiſti: Sitio. Miſerere nobis & omnibus peccatoribus, errabundis, excæcatis, induratis, & deſperatis hominibus, quorū ſalutem tantopere ſi-

tiebas

tiebas in cruce, & conuerte nos omnes perfecte ad te.

Et qui dixisti: Consummatum est, Confirma nos & omnes pios in bono quod habent, & fac illos in tua gratia continue proficere & perseuerare, & supple omnia bona quæ hæcenus negleximus.

Et qui dixisti: Pater in manus tuas commendo spiritum meum. Præueni tua gratia omnes nascituros. Præserua à lapsu iuuenes. Da lapsis resipiscen-
tiam & constantiam. Senibus & morientibus cōtritionem & veniam. Defunctisque requiem & pacem perpetuam. Propter amorem qui te vitam viuentium mori coegit pro omnibus istis redimendis, suscipe animas nostras egredientes in manus tuas, & merito tuo illis succurrens protege illas ab insultibus omnium hostium suorum, & salua illas secundum infinitam misericordiam tuam. Amen.

Sacri-

EXERCITATIONES

*SACRIFICATURVS, VTI
spiritum suum debeat colligere, inten-
tionemq; celebrandi formare.*

Benignissime Domine Ie s v Chri-
ste, in memoriam & gratiarum ac-
tionem sacrosanctæ incarnationis,
passionis & mortis tuæ, in memoriam
immensæ charitatis tuæ, qua miseri-
cordiam, & beneficia tua super nos
multiplicasti ab æterno & vsque in æ-
ternum, in tui (inquam) memoriam
Deus bonorum omnium largitor, sa-
crificium tibi offerre nunc cupio. Et
vtinam ex toto cordis mei desiderio
vere id cupiam, & digne perficiam cū
profundissima humilitate & reueren-
tia, cum ardentissima deuotione, &
stabili cordis inhaerentia in te, in lau-
dem & gloriam nominis tui, ad salu-
tem & profectum omnium generali-
ter, pro quibus tu mortuus es: eorum

vero

vero singulariter, pro quibus tu orari singulariter vis, aut ego debeo.

Atque vtinam dulcissime I E S V, ne pollutus atque adeo indignus accedam, tu in tuis vulneribus laues, & mundes me ab omnibus peccatis, vitiis, negligentis, erroribus, & cæteris omnibus, quibus vnquam tibi displicui aut displiceo. Vtinam impleas & ornes me perfectissima charitate, atque omnibus virtutibus, quibus tibi placere debeo. Confirmes me in gratia tua sancta, per quam impossibile mihi fiat à te excidere, vt sic in vniione illius intentionis, illius deuotionis, illius puritatis, illius charitatis, quibus tu instituisti, obtulisti, & offerri voluisti à nobis hoc sacrificiū, nunc tibi illud offeram, & in eiusdem vniione meipsum totum in beneplacitum tuum offeram holocaustum. Inde quoque mihi & Ecclesiæ tuæ filiis, eam virtutem & fructum consequar,

quæ

EXERCITATIONES

quæ passio tua amarissima & ignominiosa in cruce mors contulit mundo, in cuius memoriam & venerationem nunc ad altare tuum accedo, & ex gratia tua, sub custodia & protectione tua, tuum auxilium, tuam directionem, tuum spiritum sanctum in me inuocans. Qui cum Patre & eodem spiritu sancto viuis & regnas Deus per omnia sæcula sæculorum, Amen.

EFFUSIO ALIA COR- dis brevis.

Domine Iesv Christe, qui vniuersorum es conditor, omniumque bonorum largitor, en ego pauper, nudus, miser, & miserabilis, multis vitiis & abominationibus inquinatus, infinitis beneficiis tuis debitor pro multis hominibus singulariter, pro omnibus autem generaliter orare teneor. Itaque vim petiens ad te confugio responde pro me. Tibi enim offerre

cupio

cupio suauissime IESV sacrificiū corporis & sanguinis tui in gratiarum actionem, & in memoriam charitatis, passionis & mortis tuæ, obsecrans per te ipsum Deus meus, vt illud per cor tuum suscipias, & patri offeras in vnione omnium meritorum tuorum, in vnione perpetuę orationis tuę, quā facis ad Patrem pro nobis, in vnione virtutis & efficacię, quibus operata est mors tua in cruce, & dones mihi & vniuersę hæreditati tuæ, tuo sanguine redemptæ, eundem fructum percipere, quem tu nobis operatus es, & meruisti in cruce.

Eia piissime Domine, præsta vt hoc sacrificium Missæ ita etiam tibi offeram in vnione illius intentionis, illius pietatis, feruoris, deuotionis, charitatis, ac reuerentiæ, quibus tu illud obtulisti in ara crucis, quibus illud etiam offerendum instituisi, & à nobis offerri voluisti. Diues es in miserationibus:

EXERCITATIONES

bus: tua sunt omnia munera nostra, tua sunt etiam merita nostra, tua sunt præmia nostra, totum est misericordiæ tuæ, quod habemus, & sumus. Parce nobis Domine, & miserere vniuerso humano generi, quod tu creasti, quod etiam pro nobis moriens à morte redemisti. Da vnicuique sicut tu scis, potes, & vis, ad gloriam tuam, & omnium salutem dulcissime ac misericordissime Domine Iesu Christe Deus meus. Amen.

EFFUSIO CORDIS ITEM

alia, ante Missam, seu ante summptionem Eucharistiæ.

OMnipotens æterne Deus, quantum erubescere debeo in oculis Maiestatis tuæ, qui tam deformis, tam inops, tam sordidus, tam vilis, tam miser & ingratus ad te venio, nihil mecum præter iniquitatum mearum fasciculos afferens. Et hoc cui conquerar mi

rar mi Domine, nisi tibi ipsi, qui misericordissimus es, qui medicus animarum es, simulque piissimus Salvator? Sana igitur me clementissime Domine in vulneribus tuis, laua me in sanguine tuo, purifica me in miserationibus tuis infinitis. Da mihi omnia merita, omnes virtutes, omnes iustitias, omnem denique decorem vitæ, passionis, ac mortis tuæ, amator, redemptor fidelissime. Da mihi etiam omnia merita ac virtutes beatissimæ Mariæ virginis ac matris tuæ, omnium sanctorum tuorum, & præcipue quorum hodie est festiuitas, in regno tuo. Da mihi omnia desideria sancta, omnem deuotionem, ac virtutes amicorum tuorum. Natque omnium electorum tuorum, qui sunt in hoc mundo (quos ô pie Deus nunc quæso facias tibi mecum assistere, mecum offerre, mecumque gratiæ tuæ participes fore) ne appareat in conspectu tuo
igno-

EXERCITATIONES

ignominia nuditatis ac vilitatis meæ.
Illumina quæſo æterne Deus viſitatione
tua cor meum, & omnes tenebras
expelle à me. Fac me ſentire cum timore
ac reuerentia, cum profundiffima
humilitate, cum ardentiffimo caſtiſſimoque amore iugem præſentiam
tuam, quo ſimul mergar in abyſſum
cognitionis propriæ nihilitatis, &
tuæ bonitatis. Inflamma cor meum
quæſo igne illo ardentiffimæ ac potentiſſimæ
charitatis tuæ, quæ te ad nos,
& pro nobis ad mortem traxit. Illo
quæſo igni, glorioſe, benedicte & miſericordiſſime
Deus ardeat ſemper cor
meum, quo omnes vires, omnes potentias,
omneſque motus animæ meæ
in te trahas, in te abſorbeas, & vt tecum
perpetuo & inſeparabiliter vnū
efficiar, tu miſericordiſſime
facias, Amen.

EXERCITIUM PURGATORII quotidianum in quinq; vulneribus Christi ad sacrificandum, aut ad Eucharistiam sacram sacramentaliter spiritualiterque sumendam ituro congruum.

Primo de peccatis tuis ex animo ingemisce, veniamq; à Deo pete. Quod ut attentius facias, diuide singula peccata in vulnera Christi, ut sequitur. In vulnus dextri pedis I E S V, pone superbiã, inanẽ gloriam, & huius speciei similia peccata, in quibus agnoscis aut formidas te deliquisse. Hinc collecto spiritu atque ad Deum conuerso, toto corde iterum ingemiscens ac pectus tundens, dicito:

Deus propitius esto mihi peccatori, & libera me ab omni multiplicique peste superbiæ. Amen.

Hec autem dicens, desiderio feruenti opta à Deo, te in hoc vulnere ab iis pecca-

ris tuis

EXERCITATIONES

*tis tuis expiari. Hoc modo fac in singulis
aliis quoq³ vulneribus Christi. Nam in
vulnus sinistri pedis Christi pone iram &
inuidiam, & quicquid in his peccatis in
te enatum est quo deliquisti, & ut supra
dic:*

Deus propitius esto mihi peccatori,
& libera me ab omni ira & inuidia.
Amen.

*In vulnus dextera manus pone gulam
& luxuriam tuam, atque vitia inde ger-
minantia, quae te coinquinarunt, inge-
miscensque atque pectus tundens dicito
cum vero planctu cordis ad Deum cla-
mans:*

Deus propitius esto mihi peccato-
ri, & libera me ab omni multiplicique
specie gulæ & luxuriæ. Amen.

*In vulnus sinistre manus Christi, po-
ne acediam, & negligentiam tuam in di-
vino servitio atque officio admissam, &
quicquid delictorum inde oritur, lugens
pete veniam cum transfusione pectoris dicendo:*

Deus

Deus propitius esto mihi peccatori,
& libera me ab omni accidia & negli-
gentia. Amen.

*In vulnus cordis piissimi IESV, pone
amorem tuum priuatum. amoremq, qui
in te est mundi, cum omnibus vitiis & cō-
cupiscentiis eius inde enatis, quibus neq,
Deum, neque proximum pura charita-
te, sed temetipsum tuis desideriis satisfaci-
ens, quaesiuisti: utpote in charitate, neq,
erga Deum, neque erga proximum re-
ctus & sincerus. Quamobrem ingemi-
scens ad Deum clama:*

Deus propitius esto mihi peccato-
ri, & libera me ab omni alieno amore,
& priuato: propter quem nec te pure
quaesiai, nec recte sincereque dilexi
proximum. Amen.

*Postremo dic mentaliter, aut (si aliter
nō potes) vocaliter in hunc modum Chri-
stum alloquens,*

Eia Saluator & Redemptor beni-
gnissime, omnia peccata mea, omnia

vicia

EXERCITATIONES

vitia, omnesque meas negligentias in cor tuum hoc amantissimum atq; misericordissimum pono : Deus meus mihi propitius esto miserrimo peccatori, Domine Deus meus, utinā nō offendissem te, utinam ab omni peccato essem liber & immunis. Ignosce misericordissime, ignosce, & infunde mihi contritionem intēssimam vehementemque, qua ex omnibus medullis meis, peccata mea dolens lugeam. Da mihi emendationem vitæ meæ, qua deinceps ab omni peccato pro tui amore abstineam ac caueam. Imitationem quoque vitæ tuæ, qua omnia quę tibi beneplacita sunt faciam. Heu Domine Iesu, cor meum prauum, durum, tibi infidele & ingratum, aufer à me, & da mihi cor tuum : aut cor aliud secundum cor tuum, puta humillimum, fidelissimum, castissimum, misericordissimumque, quod simplices, tui amore vulneres, tua charitate impleas,

in

in te transformes, tibiq; vnias. Amen.

Secundo necesse est, vt Christo pro peccatis tuis satisfacias. Quod cum te posse desperes, tuum erit illius ei satisfactionem, quam pro te Patri exoluit, offerre, & diuidere, ea quæ pro te passus est, in vulnera singula, quomodo ante lugens peccata tua commemorasti. Itaque in vulnus dextri pedis Christi, pone eiusdem labores, itinera, incommoda, frigus, æstû, famem, sitim, ac grauamina quacunque ei' alia, & adorās eū. gratias p' his illi age, offer eadē p' peccatis tuis illi in expiationē tui ac satisfactionē, hoc aut simili modo:

Adoro te misericordissime Deus, tibi que gratias ago pro cunctis grauaminibus, laboribus, incommodis, & fatigationibus tuis mei causa toleratis. En clementissime Iesv, hæc tibi in hoc vulnere nunc offero. Offer tu eadem patri tuo pro peccatis meis, & p' peccatis totius mundi viuorum scilicet, & defunctorum in vnione huius

D chari-

EXERCITATIONES

charitatis, qua hæc sustinuisti. Amen.

DEinde in secundo vulnere sinistri pedis offer Christo omnes eius iniurias, persecutiones, opprobria, derisiones & contemptum, quæ omnia humillime prote tolerauit, modo quo paulo ante in primo vulnere monstrauit. dicens:

Adoro te misericordissime Deus, tibi que gratias ago pro cunctis iniuriis, persecutionibus, opprobriis, derisionibus & contemptu: quæ omnia propter me tolerasti. En clemētissime IESU, hæc tibi in hoc vulnere nunc offero. Offer tu eadem patri tuo pro peccatis meis, & pro peccatis totius mundi uiuorum scilicet, & defunctorum in vnione huius charitatis, qua hæc sustinuisti, Amen.

Tertio, in vulnere dextra manus offer Christo omnes dolores, pœnas, cruciatu, vulnera & liuores, ut supra monstratum est. Dicigitur.

Adoro te misericordissime &c. pro

cun-

cunctis doloribus, pœnis, cruciatibus, vulneribus, & liuoribus tuis mei amore toleratis. En clementissime IESU, hæc tibi in hoc vulnere nunc offero. Offer tu eadem patri tuo pro peccatis meis, & pro peccatis totius mundi uiuorum scilicet, & defunctorum in unione huius charitatis, qua hæc sustinui-
sti. Amen.

*Q*uinto, in vulnere sinistra manus offer Christo omnes singulasque preciosi sanguinis sui guttas, & roga easdem Patri suo pro te & uniuerso mundo, hoc est pro peccatis uiuorum & mortuorum dignetur offerre in unione eiusdem charitatis, qua seipsum in cruce Deo Patri obtulit pro nobis, dicens:

Adoro te clementissime Deus, tibi-
que gratias ago pro cunctis singulisq;
preciosi sanguinis tui guttis, mei cau-
sa in tua crudelissima passione effusis.
En misericordissime Iesu, hæc tibi in
hoc vulnere nunc offero. Offer tu

EXERCITATIONES

eadem patri tuo pro peccatis meis, & pro peccatis totius mundi, viuorū scilicet & defunctorum in vnione huius charitatis, qua hæc sustinuisti Amen.

*Q*uinto, in vulnere lateris, seu cordis offer Christo omnes gemitus, suspiria, tristitias, pressurasq; cordis, fletus quoq; & lachrymas, & amarissimam mortem, & roga eadem per eundem offerri Patri cœlesti, in satisfactionem pro tuis, & pro totius mundi peccatis, dicens: .

Adoro te piissime Deus, tibiq; gratias ago pro cunctis gemitibus, suspiriis, tristitiis, pressurisq; cordis, fletibus quoque & lacrymis pro me effusis, & pro amarissima morte tua mei amore tolerata. En misericordissime Iesv hæc tibi in hoc vulnere nunc offero. Offer tu eadem Patri tuo pro peccatis meis, & pro peccatis totius mundi, viuorum scilicet & defunctorum in vnione huius charitatis, qua hæc sustinuisti, Amen..

In hoc

In hoc exercitio observa, ut pro singulis Christi donis ac beneficiis, quæ vis eisdem offerre, in quinque his vulneribus (quomodo supra dictum est) primum adores eundem Deum: gratiasque illi humillime agas.

Tertio, in corde Christi gratias illi age pro ipsius charitate: spiritu, & mente, dicens hoc modo:

A Doro te misericordissime IESU, & benedicens gratias ago tibi in hoc vulnere tuo pro cunctis beneficiis tuis, quæ vel mihi, vel ulli homini, aut creaturæ tuæ exhibuisti, & pro ingenti charitate qua pro nobis patiens, beneficia nihilominus ac munera tua nobis dedisti, quæ omnia tibi in laudem & gloriam tuam pro peccatis meis ac totius mundi tibi offero, & tu eadem patri tuo pro omnibus nobis offeras, supplex rogo.

Amen.

EXERCITATIONES

*SI ES CELEBRATURVS,
vel sacramentaliter, vel spiritua-
liter communicaturus.*

IN eodem vulnere cordis tui dul-
cissime IES V, cupio ad mensam tuā
accedere, & in honorem, in memori-
amque tuæ charitatis, hoc est, in me-
moriam tuæ sanctissimæ incarnatio-
nis, natiuitatis, vitæ, passionis, vulne-
rum, sanguinis, dolorum ac mortis
tuæ opto sacrificium illud, quo ipsū
nobis dedisti, atque in illius vnione
me ipsum tibi offero in holocaustum,
in gloriam & beneplacitum tuum, ob-
secrans te per infinitam bonitatem
tuam, induere me virtutibus innocen-
tiæ, virtutum meritorumque sanctis-
simæ vitæ tuæ, vt in vnione eiusdem
deuotionis, charitatis, puritatis ac re-
uerentiæ, qua tu hoc sacramentum in-
stituisti, sumpisti, nobis dedisti, & à
nobis

vobis frequentari illud in cui memoriam voluisti, accedam, & ardentissimis charitatis desiderijs illud gratia tua dignū me faciente, suscipiā. Amen.

Exercitium preparatorium ad communionem sacramentalem seu spiritualem, & etiam ad celebrationem Missæ, in septem effusiones sanguinis Christi, quibus cōtra septē peccata mortalia, septē virtutes ac beatitudines applicātur, distinctū.

Prima effusio sanguinis Christi. fuit in circumcissione. Cui applicatur contra primum peccatum mortale, puta contra luxuriam, castitatis virtus & beatitudo, iuxta hic servatum ordinem, prima, scilicet munditia cordis.

ORATIO SEV EFFUSIO
cordis prima.

JESU benignissime Deus meus
tibi confiteor, reque laudo, qui

EXERCITATIONES

propter nos omnem miseriam nostræ naturæ absq; peccato suscipiens, homo factus, mox ubi mundū ingressus es, diuinę legi voluisti te subicere, circumcidique, & sanguinem pro nobis fundere. Pro hac charitate & bonitate tua, & pro hac quoque sanguinis effusione te adoro, te benedico, tibiq; gratias ago, & per eandem sanguinis tui effusionem te obsecro, vt omnem luxurię speciem de corde meo, & de carne mea penitus auferas, eius concupiscentiam in me carnalem radicatus mortifices. & extinguas, vt in puritate & in castissimā simplicitate mentis, vt in vera munditia cordis, vt denique in pudicissimā corporis castitate tibi perpetuo inauertibiliterque adhæream.

Ah misericordissime Iesv, vtinam in hac effusione sanguinis tui merear ab omnibus peccatis, vitiis, & negligentis meis nunc expiari, quo ex tua

mise-

misericordia & gratia, perceptione sacrosancti corporis & sanguinis tui dignus efficiar.

Secunda effusio sanguinis Christi fuit in monte Oliueti. Cui applicari potest contra superbiam, secundū scilicet peccatum mortale, humilitatis virtus petenda, & luctus vna ex beatitudinibus.

EFFUSIO CORDIS SECUNDA.

IESV, benignissime Deus meus, adoro, laudo, benedico te, & gratias tibi ago pro angustia, pressuraque cordis tui, quam in monte Oliueti inter orandum pertulisti, præmeditans acerbissimas horrendasq; passionis ac mortis tuæ pœnas & cruciatus tunc tibi imminentes, quos iuxta naturam sensualitatemque exhorruisti, rursusque secundum rationem tanto easdem nos redimendi desiderio con-

D 5 cupisti,

EXERCITATIONES

cupisti, vt contrariis his desideriis simul compugnantibus, teque in agone inter ea constituto, sudor ex te decurreret sanguineus. In hac quæso Christe Iesv angustia tua, per hanc quoque effusionem sanguinei sudoristui ex te abunde promanantem oblecro te, vt omnem superbiam, omnesq; superbix species in me conteras, extermines, ac deleas. Infunde mihi quæso profundissimam perfectissimamque humilitatem, qua peccata mea ingratitudinemque meam perfecte cognoscam, odiam, indefinenter lugeam, meipsum quoque contemnam, atque ab omnibus contemni diligam. Ah misericordissime Iesv, vtinam in hac effusione sanguinis tui merear ab omnibus peccatis, vitis, & negligentis mei nunc expiari, quo ex tua misericordia & gratia perceptione sacrosancti corporis & sanguinis tui dignus efficiar.

Tertio

Tertia effusio sanguinis Christi facta est in eius flagellatione, cui contra tertium mortale peccatum, puta contra iram, applicatur mansuetudo seu benignitas, tertiaque iuxta hunc ordinem beatitudo, quæ vocatur mititas.

EFFUSIO CORDIS TERTIA.

IESV benignissime Deus meus, pro dira flagellatione tenerrimi nobilissimique corporis tui undique vulnerati, & pro effusione preciosissimi sanguinis tui, adoro & benedico te, gratiasque tibi ago. Compesce & extingue in me omnes iracundiæ impatientiæque motus. Nullum sinas, pie IESV, in cor meum intrare aut morari ibi rancorem, amaritudinem seu displicentiam. Infunde mihi quæso perfectissimam mititatem, ac mansuetudinem cordis, qua cuncta aduersa equanimiter suscipiam, patientissime, ac

EXERCITATIONES

cum gratiarum actione tolerem, ac me totum tibi resignem plene ac funditus relinquam.

Ah misericordissime IESU, utinam in hac effusione sanguinis tui merear ab omnibus peccatis, vitiis & negligentis meis nunc expiari, quo ex tua misericordia & gratia perceptione sacrosancti corporis & sanguinis tui dignus efficiar.

Quarta effusio sanguinis Christi, facta est in eius coronatione, cui contra quartum mortale peccatum, acediam scilicet, applicatur deuotio feruens, beatitudoque quarta, esuries iustitiae.

EFFUSIO CORDIS QUARTA.

IESU benignissime, Deus meus, pro acerbissima coronatione spinarum caput tuum compungentium, pro largissimaque effusione riuulorū sanguinis tui per genas, oculos & collum tuum

defluentium, adoro, laudo, & benedico te, gratiasque tibi ago, simpliciter te rogans, vt omnem acediam, torporem, pigritiam, negligentiamque à me radicitus tollas: deuotionem vero feruentissimam, alacritatemque spiritus in tuo maximo seruitio mihi infundas, vt iustitiam, virtutem, animarum salutem, tui quoque amorem, honorem, ac gloriam tuam, cor meum vehementer esuriat, ardentissimeque sitiatur, adeo vt quæ extra te sunt cuncta fastidiam. Tu vero solus totus perfectissime ac perpetuè mihi placeas in omnibus & super omnia.

Ah misericordissime IESV, vtinam in hac effusione sanguinis tui merear ab omnibus peccatis, vitiis, & negligentis meis nunc expiari, quo ex tua misericordia & gratia, perceptione sacrosancti corporis & sanguinis tui dignus efficiar.

EXERCITATIONES

Quinta sanguinis Christi effusio facta est in exutione vestium ante crucem, Vbi illi vestis lanca, qua compacta vulneribus haeserat, extracta est, tam vulnera, quam dolores renouans, Cui contra quintum mortale peccatum, avaritiā scilicet, applicatur paupertatis amor, mundiq; contemptus, beatitudoq; quinta paupertas spiritus.

EFFUSIO CORDIS

quinta.

IESV benignissime Deus meus pro vestium tuarum extractione, pro corporis tui denudatione in oculis hostium tuorum, pro tui defensione, pro vulnerum dolorumq; renouatione, pro sanguinis nobilissimi effusione & conculcatione, adoro, laudo, & benedico te, ac gratias tibi ago, te obsecrans per misericordiam tuam, vt

mun-

mundi amore, & omni amore creaturarum priuatoq; , aut abs te alieno me exuas, prorsusque liberum facias, quo paupertatem, contemptum, & simplicitatem ex animo diligam, desideratissimè feram, & cœlestia bona, te vero super omnia æstuantissimis desideriis concupiscam.

Ah misericordissime Iesu, vtinam in hac effusione sanguinis tui merear ab omnibus peccatis, vitiis, & negligentis meis nunc expiari, quo, ex tua misericordia & gratia, perceptione sacrosancti corporis & sanguinis tui dignus efficiar.

Sexta Christi sanguinis effusio est, quæ in perforatione manuum, ac pedum, membrorumq; Christi extensione, & crucipendentia exundans, crucem terramq; rigauit. Huic contra sextum peccatum mortale, puta contra gulam, applicatur temperantia, & sexta beatitudo, pax,

EXERCITATIONES

*seu pacificatio. Tunc enim suam
charitatem ad nos, ad latronem,
ad tortores, ad matrem, ad o-
mnesq₃ exhibuit, & in cruce inter
cælum terramq₃ suspensus, sese pa-
cis arbitrum ac mediatorem inter
Deum & hominem constituit.*

EFFUSIO CORDIS *sexta.*

IEs v benignissime Deus meus, pro
extensione membrorum tuorum
omnium in cruce, pro perfossione
crucifixioneque manuum tuarum ac
pedum, pro largissima effusione tui
sanguinis decurrentis è vulneribus
tuis per diutinam crucipendentiam
ampliatis, quo crucem rigabas & ter-
ram, adoro, laudo, benedico te, & gra-
tias tibi ago, obsecroque vt me ab o-
mni intemperantia & indiscretione

sobrium & continentem facias pi-
issime Deus. Cor pacificum, mitissi-
mum, ac benignissimum mihi præbe-
as, quod pacem diligat, paci studeat,
foueat concordiam, schismata & scan-
dala tollat, & ad vnionem amoris il-
lam felicissimam qua tecum vnū ef-
ficimur, qua vnus amor, vnaque nobis
tecum est voluntas, indefinenter aspi-
ret.

Ah misericordissime Iesv, vtinam
in hac effusione sanguinis tui merear
ab omnibus peccatis, vitiis, & negli-
gentiis meis nunc expiari, quo ex tua
misericordia, & gratia, perceptione sa-
cro sancti corporis ex sanguinis tui di-
gnus efficiar.

*Septima effusio sanguinis Christi est
ex apertione lateris eius mortui,
vnde exiuit sanguis & aqua.
Creditur autem (vt in reuelati-
onibus sanctæ Brigide beata Dei*

EXERCITATIONES

*genitrix Maria astringit) Domini
Iesu cor piissimum tunc vulnera-
tum lancea militis, quo ad se nobis
intrandi Christus faceret, aperi-
retq; amoris ostium, valvus mise-
ricordiae, gurgitē charitatis. Huic
effusioni sanguinis contra septimū
peccatum mortale, invidiam sci-
licet, applicatur charitas, atq; se-
ptima beatitudo, misericordia.*

EFFUSIO CORDIS *septima.*

Iesu benignissime Deus meus, pro a-
perture lateris, ac cordis tui mucro-
ne lanceę vulnerati, pro effusione san-
guinis & aque inde emanantis adoro,
laudo, & benedico te, gratiasq; tibi a-
go. Quandoquidem cor tuum tā mihi
quam aliis peccatoribus ad te redeun-
tibus referasti. Per huius misericor-
dissimi cordis tui pietatem te obsecro,

vt de corde meo auferas omnem liuorem, amarulentiam atq; inuidiam. Piissime Deus, aufer à me cor durum & prauum, cor superbum ac liuidum, & da mihi aut cor tuum, aut cor secundū cor tuum piissimum, fidelissimum, mitissimum, misericordissimum, humillimum, obedientissimum, omnisfaria mortificatione ac resignatione perfectum, fide, spe, & charitate perpetua plenum, quod in te indefinenter teneas absorptum, & ad omnes homines, præsertim ad inimicos, dilectione & miseratione reddas effusum.

Ah misericordissime Iesv, vtinam in hac effusione sanguinis tui, merear ab omnibus peccatis, vitiis, & negligentis meis nunc expiari, quo ex tua misericordia & gratia, perceptione sacrosancti corporis & sanguinis tui dignus efficiar.

Potest his septem effusionibus sanguinis Christi, addi veneratio sanctissi-

EXERCITATIONES

ma mortis IESV Christi, hoc est separationis animae à corpore, quae fuit omnium acerbissima. Solus enim ipse, qui pro omnibus gustavit mortem, cognoscere potuit mortis amaritudinem, Cognitio enim, apprehensio, & sensus in Christo moriente, in ultimum usq; momentum permanens, aq; ac vivente (aliter enim contingit nobis) vigit. Huic contra privatum amorem, Dei zelus potest applicari: & beatitudo octava, quae est patientia propter Christum.

EFFUSIO CORDIS

alia.

IESV misericordissime, vita, & spes mea Deus, Ecce nunc tibi offero omnem

omnem laborem, & fatigationem tuam, omnem penuriam, contemptum, aduersitates, & inconmoda tua, omnes pœnas, dolores, vulnera, liuores tuos, omnes pressuras, tristitias & angustias tuas, Ad extremum, crucem tuam & mortem acerbissimam, hoc est dolorosissimam benedictæ animæ, & corporis tui separationem. Pro quibus omnibus te laudans & gratias tibi agens, te Deum meum adoro. Offero autem hæc omnia quæ pro me sustinuisti, & ipsam immensam charitatem tuam, quæ ad patiendum te pro nobis induxit, tibi nunc Christe Ies v pro peccatis meis, & pro peccatis totius mundi, tam viuorum, quàm mortuorum. Obiecro autem te per omnia, quæ innocens pro me passus es, da mihi infatigabilem iugem quæ patientiam, quæ omnia, quæ tu super me venire permittis, tui amore patientissimè tolerem, & in laudem, gloriam,

&

EXERCITATIONES

& beneplacitum tuum me totū quod sum ac possum, omnes scilicet vires, & motus corporis mei expendam. Amen.

Exercitium aliud sacrificantium figuris sacre scripture quadrans, quod ante aut etiam post sacrificium, & sub sacrificio Missæ, ubi vacat te xpus, est mente ruminandum.

SACRIFICATVRVS AN-
te oblationem imitare mulierem
Chananaeam, humiliter perseveran-
terque orantem, &
dic:

AD te venio Christe Iesv, Saluator mundi, vt mulier olim ad te venit Chananaea filia hoc est, animæ meæ, carnis concupiscentiis, immundis variisque tentationibus vexata salutem petens. Ad hoc enim venisti in mundum tu piissime, vt saluos facias peccatores, & oppressos à Diabolo.

bolo. Idcirco miserere mei quæso, & salua me.

Quomodo autem hæc mulier donec exaudita est, orare non desit, factum me quoq; vt ab oratione non quiescam, sequar te quocunque ieris, perseverem humiliter, suppliciter, ac plenus pia orans fiducia, quandoquidem orare & petere nos iubens, exauditurum te cum patre promisti. Quando enim tu, qui piissimus es, pulsanti non aperires? aut quando perseveranter te inuocantem non saluares? Miserere igitur quæso mei Deus meus, & salua me.

Non sum piissime Deus filiorum pane dignus. qui catellus saltem tuus vtinam dignè vocari mereat, tibi Domino meo inseparabiliter adhærens, pro tui honore zelans ac latrans, vt de micis gratiarum tuarum indefinenter quoque alar. Et quamuis inter peccatores sim maximus, quantum tamen

omnes

EXERCITATIONES

omnes te diligunt sancti, te Deus meus amare cupio, in vnione omnium desideriorum tuorum te desidero, Miserere quæso mei Deus meus, & salua me, Amen.

*ANTE SACRAM OB-
lationem imitare Centurionem se
humiliter cognoscentem, &
dic.*

AD te Christe IESV Saluator mundi, cum Centurione quoq; nuncios præmitto, beatissimam ac electissimam tuam matrem, sponas tuas virgines sanctas, ac Mariam Magdalenam, quibus nihil negare potes, sanctosque tuos omnes, vt pro me intercedant, & accedere indignum sordidumque tuis vulneribus lauent, tuis meritis vestiant. Tu verò miserere quæso mei Deus meus, & salua me.

Scio planè ex tua misericordia infinita Domine mi IESV Christe, Deus

meus;

meus, id prouenire, vt venias ad me, quamuis ad hoc indignissimus sim vt intres sub tectum meum. Sed nūquid te repellere, aut à te fugere debeo? Quo enim fugiens fugiam? Magis ad tuam misericordiam clementissimam mihi confugiendum est. Ad te igitur clementissime IESV confugio. Misere-re quæso mei Deus meus, & salua me.

Scio quoniam si dixeris tantum verbum, salua erit anima mea. Idcirco totum me resigno beneuolentissimæ tuæ prouidentia, & totum trado me tuo sanctissimo beneplacito. Misere-re, quæso, mei Deus meus, & salua me. Amen.

*ANTE SACRAM CELE-
brationem vel communionem
imitare Ruth, &
dic.*

AD te Christe IESV venio Saluator mundi, tua cum Ruth sequi

E

ve-

EXERCITATIONES

vestigia cupiēs. Obsecro autem te per omnes miserationes tuas, vt vulnera, dolorem, passionem ac mortem tuam indelebiter meo cordi inprimas: in his memoria mea, omnes cogitationes & omnes motus cordis mei continuē versentur & absorbeantur. Quicquid video, audio, & sentio, in vulnera tua intingam ac trahā. Vulnera tua indies me vulnerent, & tui amor indies ignescens inflammet. Tu verò miserere quēso mei Deus meus, & salua me.

Factu me Domine sollicitum, feruoremq; mihi infunde sanctum, quo tuę sanctissimæ vitæ, sanctorumq; tuorum virtutes & exempla inuestigans, & cum Ruth spicas colligens, imitari hæc studeam, vt in aduersitatum omnium trituram, ac tribulationem tā amanter, quā ingaudenter me quoq; tibi plenē sacrificem. Quod vt obtineam, miserere tu quāso mei Deus meus, & salua me.

An-

Ante omnia autem charitatis excellentissimæ, perfectissimæ, perpetuæq; me pallio operias rogo, quam tu quæso mihi largiaris, vt veste hac nuptiali nullo vnquam momēto caream, quoad post mortem illico cœnam gaudii cœlestis, te introducente, ingredi merear. Nunc igitur miserere quæso mihi Deus meus, & salua me. Amen.

*INTER SACRIFICANDVM,
aut ante communionem sacram imi-
tare Zachæum, Christum cum desi-
derio recipientem, & dic men-
taliter:*

CORAM te sto en clementissime
IESV (me miserum) frigidus &
siccus. Tu igitur incende in me quæ-
so esuriem & sitim iustitiæ, vt cum
Zachæo indies te esuriat, sitiatque cor
meum. Te igitur inuoco. Veni vt
misereris mei Deus meus, & salues

E 2 me.

EXERCITATIONES

me. Recipiam te in hospitium cordis mei Deus meus, pascam te alacriter amore & reuerentia. Sed vnde te pascam, à te recipiam, & rursus pascar gratia tua, qua intimus tibi coniungi, nec vnquam à te valeam separari. Tu igitur quaeso miserere mei Deus meus, & salua me. Amen.

Tibi itaq; Domine omnibus fratribus & proximis meis in corde meo sit hospitium charitatis & pacis, cui omnis liuor & ira absit: ad omnes verò sit in me patientia, misericordia, deuotio & tranquillitas, omnium offensionibus ignoscam omniaque in me peccata dimittam. Tu verò miserere quaeso mei Deus meus, & salua me. Amen.

*SACRIFICATURVS AUT
communicaturus, imitare Matthaeum,
conuiuium Christo parantem, & dic:*

Trahe

TRahe me post te dulcissime IESV,
vt inter tristia & aduersa cum
Matthæo sequar te in omnibus, nec tu
patiaris me recedere à te, sed miserere
mei Deus meus, & salua me.

Parem tibi in me conuiuium desi-
deriorum sanctorum amore tui æstu-
antium. Sed quid parabo mendicus
& pauper? Tu igitur da mihi quæso
dulcissime IESV, quod tibi parem,
quod tibi offeram, & in quo benè pla-
ceat spiritui tuo. Tu quoque miserere
quæso mei Deus meus, & salua me.

Quomodo autem tu dixisti tunc,
piissime ac misericordissime Deus,
misericordiam te malle quàm sacri-
fium, fac vt cor meum totum per mi-
sericordiam, tibi sacrificem, compati-
ens singulorum necessitatibus, & sub-
uenire pro viribus satagens omnium
indigentis. Fac tu quæso me miseri-
cordissimum in omnes, vt tuam quo-

EXERCITATIONES

que ego misericordiam plenam recipiam. Miserator piissime, miserere quæso mei Deus meus, & salua me. Amen.

*CELEBRATURVS AUT
communicaturus, imitare Martham
solicite diligenterq, Domino mini-
strantem, & Mariam vocan-
tem, dicens :*

Cum metu & reuerentia excellen-
tissime & omnipotens Deus, fac
me tuo altari assistere, omnem negli-
gentiam cauere, & deuotè, attentè ac
vigilanter tibi ministrare. Miserere
tu quæso mei Deus meus, & salua
me.

Nulla me occupatio, nulla me con-
cupiscentia, nulla denique sollicitu-
do à te suauissime Iesv diuidat, aut a-
uertat, sed mens mea cum Maria Mag-
dalena tui amore inebriata, tibi soli

vacet

vacet, in te rapiatur, tibi inhæreat. Audi me quæso piissime IESV, miserere mei Deus meus, & salua me.

Vnum te cognoscam necessarium, cui soli purè intendam, quem solum quæram, in quo pascatur & quiescat anima mea, Quapropter te ipsum mihi largire. Miserere quæso mei Deus meus, & salua me. Amen.

*Interim quod Sacerdos sacrificaturus
sacris se induit vestibus, orationes deuotissima ore aut mente ruminanda.*

*QVANDO SACERDOS
induit se Scapulari, & stringit se cum
funiculis, precatio.*

IESV amabilissime, qui iniquorum manibus diè ligari instar latronis voluisti, diuine quæso vincula peccatorum meorum, vt hostiam tibi laudis sacrificare possim, ac no-

EXERCITATIONES

mentuum sanctum iugiter inuocare. IESV benignissime, qui colaphizari, & immundis sputis pulcherrimam faciem tuam, in quam desiderant Angeli prospicere, voluisti maculari, cædi ac velari, illumina oculos meos, & respice in me oculis benignissimæ misericordiæ tuæ, quibus Petrum ter te negantem respexisti, omniaq; mea peccata in profundissimis tuis operi vulneribus, ne in die iudicii mihi exprobrentur. Qui vivis, &c.

DVM ALBAM SACERDOS induit, precatio.

IESV clementissime, qui hora prima diei, pro me Pilato præfidi præsentari, falsoque voluisti accusari, & à Pilato ad Herodem mitti, atq; ab eodem & exercitu eius derideri, vesteq; alba illudi, & sic ad Pilatum reduci. Da mihi mundi huius prudentiam,

quæ

quæ non nisi mera stultitia est apud
re, sapienter declinare, teque agnum
sine macula in stolis albis innocentia,
& simplicitatis, & virginei candoris
incessanter fideliterq; imitari. Qui vi-
uis &c.

*DVM ZONA SE SVC-
cingit Sacerdos, pre-
catio.*

IESV dulcissime, qui hora tertia pro
me, à Judæis Barrabam dimitti pe-
tentibus, reprobari, ad columnam fu-
niculis dirè ligari, flagellisq; duris cæ-
di voluisti, ita vt in corpore tuo à plā-
ta pedis vsq; ad verticem capitis nulla
in te appareret sanitas, corripe me tu
iustè in misericordia tua, dum in hac
vita sum, & noli mihi mala mea, &
peccata in diem iudicii tui reservare.
Qui cum Deo patre. &c.

EXERCITATIONES

DVM MANIPVLVM IN- duit, precatio.

IESV charissime, qui funem quo fuisti ad columnam in flagellatione ligatus, in sinistro brachio deferre voluisti, & arundinem pro scepro in dextra derisorie tibi dari, da mihi funem peccatorum meorum, quibus circumplexus sum, in sinistra detestationis & contritionis deferre, vt arundinem siue palmam victoriæ, in dextera merear suscipere atque gestare. Qui, &c.

DVM STOLAM INDVIT, precatio.

IESV fidelissime humani generis amator, qui hora diei sexta crucem propriis humeris ignominiose ad montem Caluarię depressus, inclinatus & cruentatus baiulare voluisti: da mihi sic intrepidè Crucē pœnitentiæ quo-

tidie

tidè baiulare, vt ad montem æternæ beatitudinis merear peruenire. Qui viuīs & regnas &c.

DVM CASVLAM IN-
duit, precatio.

IESV gloriosissime, qui veste purpurea, lacerata, & derisoria indui à Iudæis atrocissimè iam coronatus voluisti, & tanquam leprosus hominūq; despectissimus coram omni populo præsentari, intimè te deprecor, vt illā miserabilem ac despicabilem vultus tui diuinissimi speciē cordi meo perspicaciter imprimas, fortiterq; infigas, qualem visus es ò Rex gloriæ & æternæ patrię reparator illa hora habuisse. Qui cum Patre & Spiritu sancto, &c.

Sub diuinissimo Missæ officio, uti se quisque celebrans exercere debeat.

EXERCITATIONES

QVANDO LAVAS MANUS celebraturus, precatio.

Domine IESV Christe, en tibi soli peccaui, tu solus nosti iniquitatum, & negligentiarum mearum sordes, laua, & munda me in sanguine tuo ab omnibus peccatis, vitiis, & negligentis meis. Et quia totus inops, miser, egenus & pauper sum, ne in conspectu tuo omninò appaream nudus, & confusus, da mihi merita sanctissimæ vitæ, & passionis tuæ. His me indue, quia in iis solus confidens, audebo apparere in conspectu diuinæ, & super excellentissimæ maiestatis tuæ. Qui vivis & regnas, &c.

ALIA AD IDEM breuior precatio.

O Misericordissime Domine Deus
meus

meus IESV Christe purifica me in sanguine tuo ab vniuersis peccatis, vitiis & negligentis meis, vt puro ac simplici corde tibi semper placeam, & amore feruentissimo inhæreā. Amen.

*QVANDO LAVAS IN
Missa manus, deuotissima
meditatio.*

*Cogita & ingemisce pro sordibus tuis, q̄
stas ante creatorem cœli, & terra, cui
se totus orbis inclinât, quem Angeli
tremunt & adorant, tractaturus, &
sumpturus indignus, adeoque vilis &
impurus in oculis eius, vt cum multo
dolore cordis sepius ad illum ciames:*

O Misericordissime Deus, propitius esto mihi peccatori. O colende, ô metuende, ô adorande omnipotens æterne Deus, quid facio? Tuæ misericordiæ infinitæ me committo. Obsecro te pietas immensa, non finas vt offendam te: aut mundam à peccatis

EXERCITATIONES

catis meis, & purifica cor meum ab omni prauitate, aut occide me, ne peccem in te. Dulcissime IESU, omnes sensus, omnes vires, cogitatus & affectus in eos include & stabili intra cor tuum, & perpetuo ibi sepeli, vt tecum sim, & maneam totus in æternum. Laua me Domine ab omnibus peccatis, vitiis & negligentis meis, quo tempus spiritus sancti effici merear. Ah vtinam puro, simplici ac humili corde tibi semper placeam, & amore castissimo ac feruentissimo tibi semper inhæream.

*MEMORIAE VIVORVM
in Missa seruanda brevis formula
per casus.*

NOMINATIVO.

Memento Domine mei miserissimi peccatoris: in gratiam tuam me recipias, ab omni peccato me liberares,

beres, & præserues, custodias, dirigas, teneas atque totum me possideas. Conuerte me totum in laudem, in honorem, & in beneplacitum tuum, vt de me, per me, & in me tua laudabilissima voluntas semper fiat, vt in omnibus, & singulis ita sim, ita me habeam, quemadmodum maxime placet tuæ sanctissimæ voluntati. Vtinam vulneres, repleas, absorbeas, vniâque me tibi perfectissima ardentissima, fidelissima, atque perpetua charitate, vt ex toto corde meo, atque omnibus animæ medullis te diligam, te sitiam, quæram, laudem, & benedicam in omnibus, & super omnia, te solum cogitem, te solum desiderem, tibi soli placere cupiam, tibi soli totus inauertibiliter inhæream, & omne tempus vitæ meæ, omnesque vires animæ & corporis in laudem, gloriam, & beneplacitum tuum expendam. Amen.

EXERCITATIONES

GENITIVO.

Simili modo clementissime Pater memento quæso parentum meorum carnalium, & spiritualium, qui me cum magna charitate, cura, labore, & difficultate hucusque educarunt. Quorum curam & singula quæ unquam erga me egerunt, corde, vel corpore ad minimum usque, pedis passum, per piissimum cor virginæ matris tuæ Mariæ tibi repræsentō, & tuis sanctissimis operibus unio, ut in illis sanctifices, perficias, ac nobilites, atque sic super benedictæ Trinitati in laudem ipsius æternam, & eorum salutem offeras, & repræsentes. Memento insuper fratrum meorum, & sororum, & liberorum ipsorum. Denique omnium consanguineorum, amicorum, & affinium quocunque gradu mihi attinentium. Ex quibus digneris illis eandem piissimi cordis tui exhibere gratiam

vocatio-

vocationis, quam mihi adeo indigno & abiectō homini præstitisti, & custodire ab ea via perditissima, quam ego propria iniquitate elegeram, & ingressus fueram. Et si qui sunt alii, quos tibi ad honorem tuum fideles futuros esse posse nosti, eisdem tuæ infinitæ misericordiæ gratiam infundere atq; ab omni malo illos præservare digneris.

D A T I V O.

OMnium item, piissime Domine, memento benefactorum meorum carnalium, & spiritualium, quorum vnquam vsus sum, & adhuc quotidie vtor eleemosynis, beneficiis, favore, subsidio, sustentatione & gratia. vt digneris illis ex largifluo pietatis tuæ thesauro centuplum retribuere, hic in gratia, & postmodum in gloria. Commendatorum item omnium, qui se vnquam meis indignis commenda-

uerunt

EXERCITATIONES

uerūt orationib⁹, vel quib. ego quacūque ex causa debitor, aut aliquid pollicit⁹ sum, notitia, aut familiaritate cōiūctus. Cōfœderatorū, cōmissorū, subiectorū, & oīum, q se meo patrocinio, & tutelæ cōmendauerūt, & horū p̄cipue, q mihi corporali, vel spiritali opere, & beneficio intēdunt, vt eis, & omnib⁹, quib. debeo, de superabūdanti tuæ gratiæ thesauro centuplū in p̄senti vita, & in futura æternam gloriam concedere digneris.

ACCUSATIVO.

OMniū itē memēto, quos ego vnq̄ offendi, aut verbo vel factō lēsi, aut scandalizauī, ad peccatū induxi, vel qui me verbo, vel factō offenderūt, vel ad peccatum induxerunt, vt illos, & omnes tuos fideles tuæ gratiæ, & cœlestium bonorum facias esse consortes.

VOCATIVO.

OMniū quoq; memento Domine vocatorū ad fidē Christianam, ad dignitates, officia, prælaturas, regimen

animarum, ad religiones, & omnis gradus, & ordinis fidelium, quibus ô Domine Deus clementissime talem, tantamque gratiam de tuæ sapientiæ thesauro concedere digneris, ut seculi huius vanitatibus posthabitis, veram vivendi normam secundum tuam, & apostolorum tuorum doctrinam, & præcepta sequantur, ut & demum in eorum vitæ exitu de tuæ plenitudine misericordiæ æternam vitam, & immarcescibilem gloriam consequi mereantur.

ABLATIVO.

MEmento item pie Domine omnium ablatorum à pace peccatoris, & qui in iustitia, aut quacunque sunt afflictione, necessitate, tentatione, sollicitudine, & in peccatis indurati, aut quibus animæ, aut corporis imminet discrimen.

*POTEST DE MV M AD-
iungi, si quid habeatur singulare.*

EXERCITATIONES

Horum singulorum & vniuersorum viuentium piissime IESV necessitates, causas & salutem commendo: insuper effluentem diuinę pietatis tuę abyssum rogo, vt cum eis agere pater-
na cura digneris ad supremum diuini cordis tui beneplacitum, gloriam, &c. & summam eorum salutem, sicut tu piissime vis, & sapientissime scis. Amē.

Et omnium circunstan-
tium.

MEMORIA DEFUNCTO- *rum in Nominatiuo.*

MEmento etiam Domine famu-
lorum, & famularum tuarum
N. N. & præsertim istius, vel illius N.
vel istorum N. N. pro quo, vel quibus
te suppliciter rogo, vt ab omnibus ab-
soluti deliciis, ad vitam & requiem
sempiternam peruenire mereantur.

GENI-

GENITIVO.

Memento etiam Domine parentum meorum, & horum quoque parentum, & omnium maiorum meorum, fratrum insuper, & sororum, præsertim illorum, &c. Et omnium consanguineorum, & omnium proximorum, qui necdum satis fecerunt, specialiter congregationis huius, & quorum notitiam & familiaritatem hic habui, & omnium denique fidelium defunctorum, ut tuæ misericordiæ thesaurum illis aperire, & sanctorum tuorum confortium donare digneris.

DATIVO.

Benefactorum etiam meorum memore esse digneris, quibus teneor, qui unquam mihi bonum aut voluerunt, aut verbo vel facto fecerunt. Benefactorum item ordinis, vel cognitionis, vel congregationis meæ, & cō-

fœdera-

EXERCITATIONES

fœderatorum meorum, & omnium
sepulcrorum in Domino, quibus pro-
misi, aut teneor, ut eis requiem, & æ-
ternam vitam concedere digneris.

ACCUSATIVO.

MEmento etiam piissime Deus om-
nium, quos ego unquam offē-
di aut verbo, vel factō læsi, aut scanda-
lizavi, vel ad peccatum induxi, vel qui
me verbo, vel factō offenderunt, aut
ad peccatum induxerunt, ut eos, & o-
mnes à suorum peccatorum nexibus
absolutos ad cœli gloriam, & perpe-
tuum gaudium perducere digneris.

Præterea tamen Cam. de. l. 1. p. 1.
CIRCA MEMORIAS VI-
uorum, aut Sacramenti sumptionem,
potes etiam pro te sic orare, aut
alio tempore quando-
cunq; volueris.

Mise-

Misericordissime IESV, tuæ maiestati & pietati nunc supplicem offero & commendo me, rogans te per omnia vulnera corporis tui, per preciosi sanguinis tui guttas singulas, perque immensam pietatem cordis tui, vt in gratiam tuam merecipias, ab omni me peccato liberes & præserues, custodias, dirigas, teneas, atque totum in me possideas. Conuertas me totum in laudem, in honorem, & beneplacitum tuum, vt de me, per me, in me, & in omnibus tua laudabilissima voluntas semper fiat, vt in omnibus, & singulis ita sim, ita me habeam, quem admodum maxime placeret tuæ sanctissimæ voluntati. Vtinam vulneres, repleas, absorbeas, vniasq; me tibi De^o meus, perfectissima, ardentissima, fidelissima atq; perpetua charitate, vt ex toto corde meo, atq; ex omnibus medullis animæ meæ te diligam, te sitiam, quæram

EXERCITATIONES

quæram, laudem, & benedicam in omnibus & super omnia.

Dulcis IESU, Deus meus, absorbeat me quæso ignita & melliflua vis amoris tui quæ penetret cor meum, purgetq; & rapiat in se omnia interiora mea, vt sicut flamma ardens in tui amore totus ardeam, totus à me ipso deficiam, te vero solum cogitem, te solū desiderem, te solum sciam & sentiam, tibi soli inhæream, & omne tempus vitæ meæ, omnesque vires animæ & corporis mei in laudem, gloriam, & beneplacitum tuum expendam. Amē.

*SVB MISSA, SIVE IPSE
sacrifices, sine sacrificanti assistas, oblatio.*

Domine IESU Christe, in memoriam benedictæ incarnationis, passionis, ac mortis tuæ, in memoriam omnium vulnerum, dolorum, suspiriorum, gemituum, lachrymarum, &

gutta-

guttatum sanguinearum sanguinis tui,
in memoriam immensę charitatis tuę,
qua propter me natus, passus, crucifi-
xus & mortuus es, offero tibi nunc hu-
ius Missę, & omnium Missarum, quę
in toto mundo fiunt, hostiam sacro-
sancti corporis & sanguinis tui: & in
vnione huius oblationis, atque illius
quo temetipsum in ara crucis obtuli-
sti, offero meipsum in laudem, gloriã,
& beneplacitum tuum, obsecrans per
viscera misericordię tuę, vt hæc om-
nia suscipias, ac Patri tuo offeras in ea
virtute, qua illi in cruce moriens spi-
ritum tuum tradidisti, vt viuus tuam
gratiam, & defunctis requiem, & o-
mnibus nobis misericordiam vitamq;
largiaris sempiternam. Singulariter
tamen oro te pro illo N.N.

*OBLATIO ALIA CHRIS-
ti crucifixi ad Patrem.*

EXERCITATIONES

Respice nunc Domine sancte, Pater omnipotens, æterne Deus de sanctuario tuo, & de excelso cœlorum habitaculo, & intueri hanc sacrosanctam hostiam, quam tibi offert magnus Pōtifex noster sanctus puer tuus Dominus noster IESVS Christus pro peccatis fratrum suorum, & esto placabilis super multitudinem malitiæ nostræ, quia vox sânguinis fratris nostri IESV clamat ad te de cruce. Ecce habeo quod offeram tibi pro peccatis meis, per ipsum, & in ipso, in beneplacitum sanctissimæ atque laudabilissimæ voluntatis tuæ. Amen.

*HOSTIAM ELEVATURVS
adora suppliciter, & precare
mentaliter.*

Adoro te Domine IESV Christe, & benedico tibi, quia pro nobis in cruce moriens redemisti mundum.

Inter

Inter eleuandum ora, vt Pater cœlestis filium suum respicere, & acceptare dignetur, quem eidem offerimus in satisfactionem omnium peccatorum nostrorum, in suppletionem omnium negligentiarum nostrarum, & pro gratiarũ actione omnium beneficiorũ eius.

AD ELEVATIONEM

Hostia, precatio.

OMnipotens æterne Deus, ô Pater misericordiarum, en hostiam viuam, quam hic, & vbique vniuersa tibi offert Ecclesia. Hanc offero tibi cum omnibus virtutibus, & meritis vniuerſi tui, in illo amore, & virtute, qua ipse tibi in cruce semetipsum obtulit pro nobis, in expiationem omnium peccatorum meorum, in suppletionem omnium negligentiarum, & defectuum meorum, & in gratiarum actionem, & confessionem omnium beneficiorum tuorum, & in me-

EXERCITATIONES

moriam beneficiorum, & dilectionis eius, pro me, & pro fidelib. tuis omnibus, viuis, & defunctis. Amen.

*INTERVM INCLINANDO
dic mentaliter, veniam petendo.*

DEVS propitius esto mihi peccatori. Aufer à me quicquid tibi in me displicet; infunde in me, quicquid tibi placet, conuerte me totum in laudem, & gloriam, & beneplacitum tuū dulcis IESV, Domine Deus meus. Amen.

AD ELEVATIONEM CALICIS, precatio.

AMantissime IESV, per effusionem sacrosancti sanguinis tui obsecro te, fac vt vniuerso mundo cū omnibus peccatis, vitiis, & concupiscentiis moriar, & per incendium amoris tui à me ipso deficiam, tibiq; soli ac in te solo viuam. Amen.

Post

Post oblationem calicis, offer te in
vnione huius Sacrificii in omne bene-
placitum Deo, & pete tibi donari ve-
ram ac perfectam resignationem, &
abnegationem tui ipsius.

*QUANDO SACRAM HO-
stiam sub Missa in manus accipis, a-
dorans eandem, dic mentaliter:*

Domine IESV, fiat nunc mihi
quod contigit deuotæ ancillæ
tuæ, dicenti: Si tetigero tantum fim-
briam vestimenti eius, salua ero. Fac
igitur per hunc contactum tui bene-
dicti corporis, omnem concupiscen-
tiam vitiosam ac inordinatam in me
exiccari, & fide, spe, & charitate inte-
gerrima inauertibiliter cor meum ti-
bi coniungi. Amen.

*ANTE COMMVNIONEM
sacratissimam quenam peten-
da sint.*

EXERCITATIONES

ANte communionem erubescere, & confitere Deo infirmitatem, vilitatem, ingratitude & malitiam tuam. Pete veniam & plenam remissionem in hac vita. Age gratias Deo pro omnibus beneficiis eius, præsertim incarnationis, passionis, &c.

Ora mundo eandem efficaciam & virtutem ex huius Hostiæ oblatione superfundi, quam & quantam oblatio illa, in cuius vnione, & ad cuius memoriam hæc præsens offertur, operata est in cruce. Custodiam præservantem à peccatis pete ex hoc Sacramento. Spiritualem mortem omnibus vitiis & concupiscentiis ardentissimam, perfectissimam, perpetuam charitatem, &c.

Commenda Ecclesiæ status, & pro quibus singulariter orare debes, pro commissis, confœderatis, benefactoribus, &c.

Interim dum habes Sacramentum

in ore,

in ore multiplica desideria, & repete preces in corde, utiple sibi in te faciat habitaculum mundum, gratum, perpetuum, & te in se trahat, absorbeat, uniatque inseparabiliter ac inauertibiliter.

Postquam orationem dixisti: *Quod ore sumpsimus Domine, &c.* aut ubi tibi vacat, interim quod ablutionem sumis, corporalia complicas, & ad communionem legendam te paras, dic mentaliter orationem istam.

Domine Iesv Christe, cor meum tuis vulneribus sancias, ex tuo sanguine inebria mentem meam, ut quocunque me vertam semper te videam crucifixum, & quidquid aspexero tuo sanguine mihi appareat rubricatum, ut sic in te totus tendens, nihil præter te valeam inuenire, nihil nisi tua vulnera valeam intueri, hæc sit consolatio mea

EXERCITATIONES

tecum mi Domine vulnerari, tecum despici, & tecum pati, hæc sit mihi afflictio extra te consolari, aut sub te aliquid meditari. Non quiescat cor meum bone IESV, donec inueniat te cœtrum suum, vbi cubet, vbi suum terminet appetitum. Amen.

ANTE SVMPTIONEM SACRAMENTALEM, seu spirituaLEM, precatio.

IESV fili Dei miserere mei. Ecce miser, vilis, turpis, facinorosus, ingrattissimusque peccator ad te venio, non aliud clamans, quam Misericordissime IESV fili Dei viui & virginis, miserere mei. Miserere mei, quoniam tibi impossibile est, miseris nolle misereri. Plenus & oppressus omni genere peccatorum, hoc solum habeo, quod clammem: Miserere mei Deus, secundum magnam misericordiam tuam. Confiteor tibi Domine Deus, omnia pecca-

ta mea.

ta mea. Videas ipse tu, quam sim vilis, inquinatus & immundus; quam inops & nudus à virtute, quam deniq; turpis & indignus. Pro omnibus delictis, negligentis, vitiis, & ingratitude inibus meis, ad te Redemptor benignissime venio, à te remissionem plenam, veniā & gratiam tuam supplex & obsecrans peto. Da mihi nunc, in omni que vita mea, & præcipue in morte, veram perfectissimam, intensissimamq; contritionem pro peccatis meis, perfectam emendationem vitæ meæ iuxta omne beneplacitum tuum, & imitationem vitæ tuæ. Vide misericordissime Domine mi Iesv, me ingratum, miserrimum, & indignum peccatorem. Vide cui tanta beneficia quotidie facis, cui tantam impendis charitatē, quam nihil sim sine te, quantisq; egeā mendicus & pauper. Da mihi igitur perfectissimam, castissimam, intēlissimam, feruentissimam, perpetuamque cha-

EXERCITATIONES

ritatem, qua te ex toto corde in omnibus & super omnia indefinenter diligam, te solum & tui honorem pure quæram, & intendam, totum me tibi resignem, & in beneplacitum tuum me totum tibi impendam.

Ah misericordissime IESU, fac vt contritio hæc sancta, & charitas in me simul quotidie crescant, ac tandem adeo inualescant, vt præ doloris magnitudine, quod piissimum te Deum offendi, & præ amoris vehementia ardentissimoque tui desiderio in morte cor meum crepet, & spiritum in manus tuas, imo in amantissimum cor tuum exhaler. Hoc te amantissime IESU rogo, hoc te per vulnera, per dolores, per omnes guttas sanguinis tui pro me fusi, per mortemque tuam te obsecro, imo per charitatem, & bonitatem tuam, per temetipsum Deus meus obsecrans & supplex te adiuro, qui propter me factus homo, temet-

ipsum

ipsum in captiuitatē, in crucē, in mortēq; tradidisti, p quo millies, imo infinities te adoro, tibi que gratias ago, vt mihi tribuas, quo ex plenitudine, vehemētia, pfectione, quo syncerissimæ cōtritiōis, & feruētissime charitatis tradat tibi in man⁹ tuas cor, spiritū meū.

Eia dulcissime IESV, da quoq; omnibus viuis & defunctis nunc eandē gratiam, virtutem & fructum passionis & mortis tuæ, quam operatus es omnibus in cruce. Age nunc piissime Deus, en ad te venio, præpara tu in me tibi ipsi locum, suscipeq; te ipsum intra me, quomodo suscipi dignus es, vt posthac mūdo ac mihi ipsi totus mortuus, in te solo viuam, tibi soli inhæream, tecum vnū effici tua gratia merear. Amen.

ANTE SUSCEPTIONEM

Eucharistia, precatio.

I AM tibi deberem occurrere Deus

EXERCITATIONES

meus, at præ confusione, præ vilitate, præ pudore sordium mearum non audeo apparere. Tu venis Rex potentissime ac nobilissime ad immundam & infirmam creaturam tuam, quæ peccando se omnium fecit nouissimam, quæ est vilissima, & velut nihil. Deus misericordissime, ac benignissime, cui nihil maius dicere valeo, quam Deus vniuersorum, Deus meus, & omnia. Itaque Deus meus excita quæso animam meam, orna pannolam ac miseram, præpara tu ipse locum & habitationem intra me, quate delectet recipi, vbi digneris inseparabiliter manere. Da mihi desideria, virtutes, ac dona quæ te delectent, in quibus tibi occurrere, teque suscipere debeam Domine Deus meus. Ecce venio, sed pauper & nudus. Ecce venio, sed ad misericordissimum, dulcissimum, amatissimumque patrem.

Itaq;

Itaque pater dulcissime, amator fidelissime, en ego ad te venio, qui non sum dignus vocari filius tuus. Atque idcirco proiicio me totum in beneplacitum tuum, in iustitiam, & misericordiam tuam. Fac mihi, age mecum quomodo tibi placet, & quomodo te decet ad gloriam tuam sempiternam. Deus meus prohibe, ne ex me veniat irreuerentia, sed honor & gloria sempiterna.

Recipe tu te ipsum intra me Domine Deus meus, O si merear & ego in tuos amplexus recipi. Sed heu quid ego sordidus desiderare præsumo à te Domine Rex cœlorum? tuæ est bonitatis misericordissime Deus, qua dignaris venire ad me. Ideò per eandem bonitatem obsecro te, fac ut dignè ad gloriam tuam recipiam te, & tu recipias me. Dulcis IESV, trahе tu me intra te, quia nolo amplius esse extra te. Dulcis amator Domine IESV, qui te

EXERCITATIONES

vocas sponſum anime mee tibi me offero , tibi me totum dedo , fac vt ultra non ſim meus, nec intra me ſit aliquid meum, aut mihi proprium, ſed totus ego tuus ſim, & omnia mea tua ſint, ſine vilo reſpectu inclinatione ve propria ad meipſum , te ſolum ſciens ac ſentiens. Dulcis I E S V, poſſide me totum tu ſolus perfectiſſime & ſemper. Amen.

PRO SACRÆ EVCHARISTIA digna ſumptione, alia *precatio.*

TV Domine vniuerſorum , qui nullius habes indigentiam, volu- iſti per Sacramentum tuum habitare in nobis, conſerua cor meum & corpus meum immaculatum , vt lata & pura conſcientia , ſæpius valeam tua ſacra celebrare myſteria, & meam dignè ſuſcipere ſalutem, quæ ad tuum præcipuè honorem ac memoriale

peren-

perenne instituisti, & sumenda & tractanda sanxisti. Præsta Domine Deus salutaris meus, vt cum frequentatione tui mysterii, crescat etiam meæ deuotionis affectus. En tuam precor clementiam, & specialem ad hoc mihi rogo donari gratiam. Præueni me dulcissime, ardentissime, fidelissime amator in benedictionibus dulcedinis tuæ, & fac vt totus in te liquefam, & amore perfluam, atque de nulla aliena consolatione me intromittam. Amen.

Hactenus de preparatione tam ad dignè celebrandum, quam communicandum, complura exercitia, modiq; deuotissimi sunt traditi: nunc vel paucis demonstremus & doceamus, quatenus eiusdem excellentissimi Sacramenti fructus debeat custodiri, quibusue exercitiis post diuinorum mysteriorum celebrationem utendum sit.

Post

EXERCITATIONES

*Post Missam, gratias age, & pete, ut
prosit omnibus hoc Sacrificium, ne ob
tuam ingratitudinem, fructus illius
pereat. Ceteras petitiones iunge, in-
noua propositum tuum emendationis
& maioris custodie. Singulariter cu-
stodiam ac vigilantiam contra lin-
guam statue cum firmo proposito. Po-
tes ruminare inter eundem oratio-
nem Sancti Thomæ de Aquino. Con-
cede mihi, quæ vocatur, Pro perfecti-
one.*

*ORATIO BEATI THOMÆ
de Aquino, quam dicebat quotidie
ante Crucifixum genibus fle-
xis.*

CONcede mihi misericors Deus,
quæ tibi placita sunt audenter
concupiscere, prudenter inuestigare,
veraciter agnoscere, & perfecte ad-
implere, ad laudem, & gloriam no-
minis

minis tui. Ordina statum meum, & quod à me requiris vt faciam, tribue vt sciam. Et da exequi sicut oportet & expedit animæ meæ. Da mihi Domine Deus meus inter prospera & aduersa non deficere, vt in illis non extollar, & in istis non deprimar, de nullo gaudeam vel doleam, nisi quod ducat ad te, vel abducat à te. Nulli place-re appetam, vel displicere timeam, nisi tibi. Vilescant mihi Domine omnia transitoria, & cara mihi sũnt omnia tua propter te, & tu Deus præter omnia. Tædeat me gaudii, quod est sine te, nec aliquid cupiam quod est extrate. Delectet me Domine labor, qui est pro te, & tædiosa sit mihi omnis quies, quæ est sine te. Frequenter da mihi Domine cor ad te dirigere & in defectione mea cum emendationis proposito dolendo pensare. Fac me Domine Deus obedientem sine contradictione, pauperem sine defe-

ctio-

EXERCITATIONES

ctione, castum sine corruptione, patientem sine murmuratione, humile sine ictione, hilarem sine dissolutione, tristem sine deiectione, maturum sine grauitate, agilem sine leuitate, timentem sine desperatione, veracem sine duplicitate, operantem bona sine presumptione, proximum corrigere sine elatione, ipsum ædificare verbo & exemplo sine simulatione. Da mihi Domine Deus cor peruigil, quod nulla abducat à te curiosa cogitatio. Da nobile, quod nulla deorsum trahat indigna affectio. Da rectum quod nulla deorsum obliquet sinistra intentio. Da inuictum quod nulla frangat tribulatio. Da liberum quod nulla sibi vendicer peruersa & violenta affectio. Largire mihi Domine Deus meus intellectum te cognoscentem, diligentiam te quærentem, sapientiam te inuenientem, conuersationem tibi placentem, perseverantiam te fi-

de-

deliter expectantem, & fiduciam te finaliter amplectentem; tuis pœnis configi per pœnitentiam, tuis beneficiis uti in via per gratiam, & tandem tuis gaudiis in patria perfrui per gloriam. Qui cum Patre & Spiritu sancto vivis & regnas Deus in secula seculorum, Amen.

*MODVS POST MISSAM
observandus.*

Pete veniam pro peccatis tuis, & maxime pro ingratitude, impuritate & indevotione, in Missa. Gratiarum agas Deo pro omnibus beneficiis eius, maxime pro Sacerdotio, item pro dignatione, qua te pessimum & ingratiissimum sustinet, & benefacit tibi. Pete huius sacrificii fructum tibi & universæ Ecclesiæ concedi misericorditer, nec sinat pius Dominus per malitiam tuam te aut illos illo privari.

Post

EXERCITATIONES

*POST SACRIFICIUM AL-
taris, aut communionem imitare
Sampsonem mel comedentem,
& dic:*

Refecisti me Christe IESU melle
dulcedinis tuæ, quo confortes
me quæso ambulans in via man-
datorum tuorum, ne in seruitio tuo,
aut seruire indiscocto viribus defici-
am, aut torpori acediaq; succumbam.
Sed propitius tu miserere quæso mei
Deus meus, & salua me. Huius autem
beneficii tui quæso tam viui quam de-
functi cuncti participant fructum, o-
mnibus huius fani pro sit virtus, pro
quibus tu olim te metipsum patri ob-
tulisti in cruce. Miserere igitur omni-
um Deus meus, & salua nos.

Hoc præterea donum tuum, omni-
aque dona tua mihi indigno ac mise-
ro collata, in vulnera tua abscondo, ti-
bi seruanda augendaque eadem com-

mitto

mitto, quo tua gratia me protegente,
ex nullo eorum superbiam, sed humi-
lior & grator tibi semper efficiar. Tu
verò miserere quæso mei Deus meus,
& salua me. Amen.

*POST SACRAM COMMU-
nionem imitare Eliseum Eliæ con-
tinuò adhaerentem, &
dic:*

Domine IESV Christe mitissime
ac benignissime, quid retribuam
tibi pro his, quæ mihi tribuisti? Te i-
psam dedisti mihi. Nihil te preciosius
accipere potui, nihil utilius, nihil san-
ctius. Me ipsum reddo tibi. Aliud e-
nim nihil habeo. Tu verò mane me-
cum piissime IESV, & tunc præcipuè,
quæ nolo deuotio in me vesperscit, &
fac ut maneam ego quoque tecum.
Quocirca miserere quæso mei Deus
meus, & salua me.

Spi-

EXERCITATIONES

Spiritus quoque tuus duplex, quo Elifæum dotasti, impleat me quæso Domine, ut huius virtute Sacramenti illuminato intellectu, affectuque purgato, atq; inflammato, totus tibi perfectissimè placeam, ex totoque corde meo te in omnibus & super omnia diligam.

Quia verò tua dignatus es misericordia piissime Deus, ut ingredereris vile tabernaculum meum, para tu ipse tibi vero Elifæo mensam, sedem ac lectulum in corde meo, hoc est, deuotionem, puritatem, ac pacem, quo te delectet manere mecum. Nec posthac offendam te, unde à me recedas, sed te neam possideamq; te in æternum. Miserere igitur quæso mei Deus meus, & salua me. Amen.

*POST COMMUNIONEM
sacram imitare Eliam feliciter hinc
emigrando, & dic:*

Ob-

Obscuro autem nunc te per charitatem tuam piissime Deus, Domine Iesv Christe, vt sumpto hoc viatico tuo, sis tu mihi cibus, qui me confortet, nutriet, protegat. Sis currus quo de exilio huius miseriæ alacer migrē, atq; feliciter perducas ad te in gaudia cœlestis patriæ. Quod vt quanto cyus obtineam, miserere quæso mei Deus meus, & salua me.

Sit mihi quæso Eucharistiæ, hoc est, bonæ gratiæ hoc quod sumpsi Sacramentum pie Iesv, panis cœlestis. Sit mihi manna, refectio ac cibus, in cuius fortitudine ambulem vsque ad montē Dei. A quo ne ab hac vita quæso me patiaris emigrare ieiunum, sed huius Sacramenti susceptio, & modo, & tunc sit mihi plena reconciliatio, plena peccatorum purgatio, & ad æternam vitam introductio. Quapropter miserere quæso mei Deus meus, & salua me.

Po-

EXERCITATIONES

Postremò quomodo tu in curru igneo Eliam transtulisti, ita huius Sacramenti perceptione absorbeat me quæso ignita & melliflua vis amoris tui, qui mundo me totum faciat mori, à phantasmatibus & creaturarum imaginibus denudari, à priuato amore liberum fieri, & in te rapi, in te absorberi, tecumque vnum perpetuò fieri. Misere igitur clementissime IESU quæso mei, & salua me. Amen.

Eucharistia sacra effectus, virtutes, seu operationes sunt sexdecim, pro quibus assequendis ante, aut post missæ Sacrificium aspirationes ad Deum sunt frequentandæ. Explicantur autem his versibus.

Vinificat, purgat, minuit quoq̃, roborat, auget,

Restaurat, lastrat, preseruat, terret, inarrhat.

Dul-

Dulcat, & impinguat, calet, unit, gaudia, tutat.

V*iuificat.*) Est enim panis viuus de cælo descendens, qui dat vitam mundo. Et sicut dicit IESVS: Si quis manducat me, viuet propter me. Dic igitur:

Vtinam Domine IESV, hæc tui Sacramenti susceptio me resuscitet à morte peccati, sitque mihi vita perennis & salus perpetua.

Hac sacrosanctę Eucharistię virtute adiutus piissime IESV moriar quotidie mundo & peccato, viuam verò tibi. Amen.

P*urgat.*) præsertim venialia peccata & mortalia quoque hoc Sacramentum, de quibus pœnitet. Dic igitur.

Misericordissime IESV, hæc Sacramenti tui sumptio, sit mihi plena peccatorum meorum satisfactio, sit quo-

EXERCITATIONES

que pie IESU, animę meę hic plena purgatio.

Quid habeo dulcissime IESU dignius, quid preciosius, quid acceptius, quod pro peccatis meis expiandis tibi offeram, quam te ipsum? Te ipsum igitur Patri, & tibi ipsi quoq; offero, quem in remissionem, & purgationē omnium peccatorum meorum suscepi. Amen.

M *Inuit.*) Fomitem libidinis aliorumq; vitiorum. In minoribus namque peccatis (teste D. Bernardo) minuit Eucharistia sensum, in grauioribus tollit consensum, Dic ergo:

Huius Eucharistię piissime Deus sumptio sit quæso omnium vitiorum in me extinctio. Virtus quæso huius Sacramenti omnia interiora mea penetret, & quidquid in me prauum, quidquid est vitiosum, mortificet & eradice.

Vtinam Eucharistia hæc sancta liberet me à peccato mortis huius, & à lege peccati. Amen.

R *Oborat.*) Si enim panis terrenus, quanto magis panis Angelorum, panis qui de cœlo descendit, confirmat cor hominis? Dic igitur:

Sacramentum hoc corporis & sanguinis tui Christe Iesv, sit mihi ad ardua quęcunq; robur & fortitudo.

O panis cœlestis, qui es compactus in utero virginis, coctus igne charitatis in ligno crucis, præbe vires animæ meæ, præbe feruorem, ut in servitio tuo, neq; tepescam, neq; in discretionem deficiam.

A *Vget.*) Hoc est multiplicat virtutes, donaq; gratiarum, ut gradu crescant, numeroq; multiplicentur. Dic idē.

Post huius Domine Iesv Sacramenti susceptionem, augeantur quæso in me tua dona, & virtutes perficiantur.

EXERCITATIONES

Vtinam Sacramenta hæc tua coelestia gratiam mihi tuam accumulent, virtutes infundant, charitatem augeant, & dona tua cuncta in me perficiant.

R *Estaurat.*) Ad modum cibi naturalis consumpta deperditaque restaurantis, ita cibus hic Sacramentalis viuificus restaurat calorem charitatis, & humidum radicale bonæ voluntatis. Dic ergo:

Vtinam piissime Iesv feruorem tuę charitatis, cunctaq; bona dona, ac tua in me cibus hic Sacramentalis restauraret. Neq; enim aliud ex me est, aliudq; nescio, quam gratiam & dona mea destruere & impedire.

Huius viuifici cibi Christe Iesv sumptio reparet in me omnia, quæ per meam negligentiam, & ingritudinē & desidiā perierunt. Amen.

I *LLustrat.*) Id est illuminat intellectum

ctum ad cognitionem peccatorum, vt
sciat quid plangat, aut vnde doleat, il-
lustratq; sumentem ad cognitionem
diuini beneplaciti. Dic igitur:

Virtus quæso corporis & sangui-
nis tui Domine IESV Christe, intelle-
ctum, sensus, omnesq; vires animæ
meæ illustret, vt cognoscam coram te
quid acceptissimum sit in omni tem-
pore. Illumina quæso tenebras me-
as radiis visitationis tuæ, & cogniti-
onem peccatorum meorum, totius-
que notitiam vilitatis meæ, cum de-
testatione & odio sancto mihi infun-
de.

Gratiæ tuæ splendor pie IESV luce-
at semper in me, quo cognoscam, dili-
gam, sentiamq; te Domine Deus me-
us semper in toto corde meo, cum ti-
more casto & reuerentia, Amen.

P*Reservat.*) Nimirum à peccato &
à morte gratiæ. Retrahit enim de-
bilem voluntate, & contra inimicum

EXERCITATIONES

impugnantem armis spiritualibus instruit. Dicitur:

Quoniam corpore & sanguine tuo Deus piissime me refecisti, non sinas ex me hanc posthac tibi fieri contumeliam, ut ad vomitum redeam, aut ut denuò te offendam.

Quod vis mecum agas piissime Iesv, salt em à peccato, ab offensione quæ tui me præserues, & in tua gratia iugiter conserues. Amen.

TErret.) Hoc est, Dæmōnes fugat. Sacramento enim hoc quicumq; fuerit munitus, est Diabolo tanquam castrorum acies ordinata. De quo Chrysostomus: ut leones, inquit flammam spirantes, sic ab illa mensa discedimus, terribiles diabolo facti. Dicitur.

Christe Iesv, passionis tuæ virtus, huiusq; Sacramenti sumptio sit mihi contra omnes insidias inimicorum munimen & protectio.

In

In te IESV piissime, in virtute tua fac me superare omnem tentationem. Custodi me Domine vt pupillam oculi, sub vmbra alarum tuarum, id est, sub brachiis tuis in cruce expansis protege me. Si me tentari vis, tribue mihi benignissime IESV virtutem exte, ne vincar & succumbam. Sacramentum hoc tuum muniat me quæso, & ab inimici fraude defendat. Amen.

I*Narrhat.*) Scilicet sponsam dilecto. Est enim cœlestis gloriæ pignus, & arrha sinceræ dilectionis. Dic igitur:

Quid dignius, aut preciosius te ipso mihi dare potuisses amantissime IESV? Sit igitur quæso mihi hoc donum pignus, ne vnquam posthac obdormiã in mortem peccati, ne vnquam à te separari possim.

Vtinam in arrham mihi dederis hoc Sacramentũ sincerissimi perpetuiq;

EXERCITATIONES

amoris, quo tibi nexu coniungar indissolubili, & ut amoris hoc vinculum nunquam possit dissolui. Sit hæc sumptio Sacramenti arrha, qua me dono hoc nobilissimo subarrhas piissime Deus syncerissime dilectionis, quæ ut in te constans est, & perpetua, ita in me castissima quoq; sit, & perseveret feruens & sempiterna.

D^{Vocat.}) Dulcedinem diuini gustus, sapidamq; deuotionem hoc Sacramentum administrat. Quapropter dic:

In te sit IESV suauissime omnis delectatio mea. Te solum concupiscam, te solum sciam, te solum sentiam. Nihil quæso posthac me afficiat nisi tu: nihil me delectet, nisi tu. Tædeat me gaudii quod est sine te, delectet me omnis labor qui est pro te, & amara sit mihi omnis quies, quæ non est in te, Amen.

I *Mpleat.*) animam donis Spiritus
sancti, vnioneq; deuotionis. Quod
Psalmista postulat, dicens: Sicut adipe
& pinguedine repleatur anima mea.
Dic igitur.

Ah Domine suauissime, tui dilecti-
one, deuotionis pinguedine imple tu
quæso mentem meam, & vnctione
Spiritus sancti cor meum durum per-
unge, vt ablata omni duritia atque de-
sidia, curram post te in odore vnguen-
torum tuorum. Vtinam castissima, af-
fectuosissima, iugique deuotione tu
dulcissime IESV, impleas animam me-
am, qua ad patiendam amara, ad agenda
ardua, ad mortificanda desideria, ad om-
nem abnegationem cuiuscunq; pro-
prietatis, facias me feruidum, deuotum,
castum, obedientem atq; resignatissi-
mum.

Dulcis IESV, ad hoc Sacramentum
tuum te largiente, quæso in me indies
crescat deuotio, crescat amor, crescat,

EXERCITATIONES

desiderium, crescat reuerentia, intolerabilisq; in me fiat huius esuries & sitis. Amen.

C*Alet.*) Hoc est, ad Dei inflammat amorem. Quomodo enim non inflammaret Fons charitatis, Sacramentum amoris? Dic igitur:

Emitte quæso misericordissime Iesu, ex te amoris tui radios, qui me succendant, igneq; inextinguibili charitatis tuæ me totum, hoc est, id quod ex me sum, comburant ac consumant, ut nihil in me remaneat, nisi quod gratia tua in me operata est, & charitas.

Ignem me tui amoris dulcis Iesu accende, ut velut æs candens totus flammescam charitate, totus tui amore langueam, totus quoad me ipsum, & ad veterem hominem deficiam. Amen.

V*Nit.*) Quemadmodum cibus in edentis corpus verè conuertitur ita hic è diuerso sumens hoc Sacramen-

mentum transformatur in Deum, hoc est Deiformis efficitur. Quamobrem dic.

Vtinam me capiat ô pulchritudo casta, ô delectatio sancta, vtinam me rapiat in te ignita vis amoris tui, quæ me in te transformet, in te absorbeat, & tibi vniat.

Absorbeat me quæso piissime Deus, melliflua vis amoris tui, quæ me totum penetret, atque me tecum vnum efficiat. Amen.

Gaudia.) Scilicet dat. Hoc enim Sacramentum ex prioribus, vt liquet virtutibus, spem roborat & consolatur, quod filii Dei sumus, vnde gaudium hoc in Spiritu sancto generatur. Dic igitur.

Dulcissime IESV hoc mundo, & vniuerso gaudio alieno, fac tu vt verè id velim, possim ac perficiam, valedicere & abrenunciare, vt in te solo quæam te miserante, gaudere.

G 6

Piissime

EXERCITATIONES

Piissime Deus, esto tu vnica consolatio mea, gaudium meum vnicum, securitas & pax in qua requiescam, Amen.

T*Vtat.*) Scilicet à pœna inferni & purgatorii. Remittit enim partē pœnæ non modicam purgatorii. Quapropter dic:

IESV misericordissime, non habeo quo peccata mea redimam, nec quo pœnas quas debeo propter delicta mea exoluam, sed charitatem tuam, meritaq; passionis tuæ, quæ in hoc Sacramento nobis tribuis, quæso pro me suscipe, & me ab omni culpa & pœna liberum & innoxium redde.

Quid aliud tibi offeram pie IESV, nisi te metipsum? En te, qui plena es propitiatio pro peccatis nostris, & satisfactio, pro me tibi trado,
Amen.

ORA.

*ORATIO OMNES EVCHA-
ristia virtutes complectens, post Mis-
sam, aut communionem breuiter
utiliterq; ruminanda.*

QVomodo hac me gratia dignatus
es Domine Deus meus, vt cor-
poris & sanguinis tui Sacramento ci-
bares, ita me quoq; huius Sacramenti
operationibus atq; virtutibus cunctis
impleas quaeso. Per omnia igitur vul-
nera tua, & per dolores tuos te obse-
cro Ies v piissime, vt huius Sacramē-
ti perceptio animæ meæ vitam tribu-
at gratiæ, quæ vitales, ac diuinos mo-
tus exerceat, purificet me à vitiis, & à
peccatis, fomitem, atque peccandi li-
bidinem minuat, robur atque animi
fortitudinem adiiciat, gratiam tuam
mihi augeat & virtutes, destructa (de-
structor enim tuæ sum gratiæ, & dila-
pidator) & perdita restauret, tenebras
cordis mei illuminet, à peccatis præ-

seruet,

EXERCITATIONES

seruet, à tentationibus, & diaboli machinationibus defendat, adoptionis tuæ seipsum mihi arrham constituat, dulcedine gratiæ tuæ impleat, & consoletur, deuotione impinguet, charitate tua inflammet, me tibi vniat, spiritu exhilaret, & à pœnis futuris omnibus post hanc vitam, tutum, securumq; ac liberum te miserante me reddat. Amen.

*POTES ETIAM HIC PRE-
cari pro triplici illuminatione, & vir-
tute huius Sacramenti tibi lar-
gienda, dicendo:*

DEus æterne, amator, & misericors, illumina cor meum ad cognoscendam prauitatem, vilitatem, & ingritudinem propriam, cum sancto odio, & displicentia. Cognoscam piissime Iesv, quam nihil sum, & possum, & despiciam meipsum. Cupiam ex animo ab omnibus despici, optem humiliari,

humiliari,gaudeamq; iniurias,ac contumelias pati.

Eia benignissime IESV, infunde mihi veram cognitionem mei ipsius, contritionem, & perfectissimam humilitatem. Iterum obsecro te per viscera misericordiæ tuæ Domine Deus meus, illumina cor meum ad cognoscendam, & diligendam bonitatem, pietatem, charitatem tuam erga nos. Vulnera quæso cor meum tui amore castissimo, fidelissimo, atque feruentissimo. Reple cor meum dulcis IESV perfectissima, ardentissima, inextinguibilique charitate tua, vt ex toto corde meo semper te sitiam, semper te diligam in omnibus, & super omnia, clementissime IESV, Deus meus, & omnia, rogo te, illumina cor meum ad cognoscendum, amandum, perficiendumque omne beneplacitum tuum. Da mihi mei ipsius perfectissimam abnegationem atque

resignatio-

EXERCITATIONES

resignationem, vt me ipsum omnimodis relinquam, exeam, mortificem, & resignem in omne beneplacitum tuū. Da mihi, vt me totum tuæ prouidentiae credam, de manu tua omnia cum gratiarum actione accipiam, & in omnibus te laudem & benedicam. Fac piissime Deus, vt omnem vitam meam, omne tempus, omnes actus, & vires corporis & animæ meæ, totumq; id quod sum, & possum, in laudem, in amorem, & in beneplacitum tuum expendam, Amen.

*EXERCITIVM DEVOTVM
iuxta & efficax pro expiatione, ac remissione, maxime si feruenti
charitate continuetur.*

PAter noster, &c. Sed libera nos à malo præterito, præfenti, & futuro, pro quo auferendo orare te cupio dulcissime Pater noster, cum Dei, & proximi amore ardentissimo, dices.

Deus

Deus, qui voluisti pro mundi redemptione incarnari, circumcidi, à ludæis reprobari, à Iuda osculo tradi, capi, vinctulis alligari, quasi agnus innocens ad victimam duci, ante conspectum Annæ, Caiphæ, Pilati, & Herodis indecenter offerri, à falsis testibus accusari, flagellis, & opprobriis vexari, spinis coronari, sputis conspui, colaphis cedi, crucifige crucifige super te clamari, morte turpissima condemnari, cruce grauissima onerari, ante crucem impudenter nudari, clavis ferreis dirissime perforari, in cruce leuari, inter latrones reputari, felle & aceto potari, in cruce mori, & mortificari, lancea vulnerari, & sepeliri. Tu Domine per has sanctissimas passiones tuas, quas ego indignus recolo, libera me ab omnibus peccatis meis, & à pœnis inferni, & purgatorii, iuste pro his debitis, & per sanctam crucem tuam perducere digneris me miserum pec-

EXERCITATIONES

catozem, quo perduxifti, tecum crucifixum latronē. Qui cum Patre & fpiritu fancto viuīs & regnas Deus per omnia ſecula ſeculorum. Amē. *Verfic.*

Hic eſt calix ſanguinis mei, qui pro vobis effundetur in remiſſionem peccatorum.

PRECATIO.

OMnipotens & mitiſſime Deus, fons viuens & indeficiens, qui ſitienti populo in deſerto fontem aquæ de petra eduxiſti, educ de cordis mei durtia perfectę dilectionis, & veræ compunctionis lachrymas, vt peccata mea omnia & ſingula, præterita, & futura ſic plangere valeam, vt plangenda vltra non committam. Et ad vere cognoscendum ac pure confitendum ea quæ non ſum confefſus, vel minus bene confefſus peccata, & quæ ſunt haud ſatis emendata, aut ad

emen-

emendandum, & dimittendum ea omnia cum satisfactione debita minus videor paratus, vel qualitercunque de voluntate tua mihi sunt imposita, obsecro & invoco singularem gratiam tuam, ut me totum tibi offero, adeo ut omnino nihil de voluntate mea retineam, sed tuam semper adimpleam, sicuti etiam de tua gratia, & speciali dono, ad hæc omnia & singula tibi placita, me totum promptum & voluntarium omnino cum omnibus meis meliori quo possum modo, tibi offero, resigno, dedo, atque iterum iterumque trado. Et in hoc etiam firmissime usque ad mortem perseverare propono, siue ad vitam, siue ad mortem, siue ad lucrum, siue ad damnum, siue ad supplicium, siue ad gaudium accedendum sit, obsecrans ut summas me totum semper ad tuum honorem, & beneplacitum, & nunquam ad meum desiderium, vel quod-

cunque

EXERCITATIONES

cunque tibi displicens, vel contrariū. Et si aliud quicquam occurrerit, quod tibi displiceat, sicut verisimiliter timeo, hoc utique ego non volo, sed illud perpetuo reuoco, & reuocatum, irritum, & inane in conspectu tuo fore, summe peto, & desidero, quatenus te miserante, tuæque passionis merito mediante, plenam percipiam omnium peccatorum meorum præteritorum, præsentium, & futurorum remissionem & veniam, & statim post hanc vitam vniri tibi valeam, & recipi in vitam æternam, ad tuam gloriam. cum gratulatione, & gaudio piissimę matris, & omnium sanctorum tuorum, per omnia secula seculorum. Amen.

ORATIO PRO REMISSIONE omnium peccatorum, precatio.

ECce mi amantissime Domine IESV Christe, hic corā te Dominō meo tremendo, reuerendo, & summe diligendo,

gendo, ego me prosterno, & extendo, non quod ad hoc me dignum quocūque modo præsumam, & multo minus ad accedendum te vere tremendissimum, & reuerendissimum Dominū, & ad accipiendum te in me vere indignissimo, præsertim in isto tuo maxime reuerendo Sacramento, etiam angelicis spiritibus, & potestatibus tremendo, me dignum præsumere audeo, Sed hoc ex humili confidentia in tuam bonitatem, & clementiam infinitam facio, supplicaturus pro peccatis superbiæ, gulæ, luxuriæ, iræ, inuidiæ, de aliis omnibus, & singulis criminibus meis commissis, & bonis omis- sis, nimis multipliciter & grauissime heu, heu, heu, contra te Deum meum, ac contra proximum meum, & contra me ipsum vnquam perpetratis, vt des mihi illa omnia humiliter cognosce- re, deplangere, & pœnitendo emen- dare. Idcirco autem pro quolibet tali

peccato

EXERCITATIONES

peccato dimittendo, beatissimam virginem Mariam matrem tuam, & omnes sanctos tuos, præsertim in charitate, & omnibus virtutibus, culpis meis pro tempore occurrentibus, & per me tibi, & Sacerdoti confessis, contrariis, magis præclaros inuocaui: quia de gratia tua, & illuminatione, bene consideraui, quod non sum dignus apparere, vel verbum proferre in conspectu tuo. Ideo summopere indigeo ipsorum auxilio, consilio, & suffragio: quum etiam non ignorem te velle nos inuocare sanctos tuos, & te in eis, & eos in te sic laudare, & honorificare, licet non sit speciosa laus in ore peccatorum, quorum primus ego sum, propter hæc, & innumerabilia peccata mea, quibus heu, heu, heu nimis inquinatus sum. Sed quia pro his omnibus me diu non condemnasti, sicut vere iustissime merui, ne-

que

que digne me flagellasti, sed in super
ab innumerabilibus flagellis & peri-
culis mentis & corporis me præser-
uasti, & vsque in hanc horam miseri-
corditer conseruasti, & super hæc o-
mnia me tam indignum infinitis be-
neficiis honorasti, specialiter tamen
beneficio charitatis tantæ ac talis
(quam mihi misero & indignissimo
de nimia pietate tua dudum donasti)
quod, in quantum possum capax esse,
& tu me volueris iuuare, volo sum-
me, summe, summe, imo si possem
dicere plus quam maxime, in omni-
bus & super omnia, sine omni men-
sura te superamare. Et propter illum
amorem etiam proximum meum,
non tam amicum quam & inimicum,
sicuti me ipsum in omnibus diligere,
& eundem amorem tempore & locis
opportunis, veraciter & cum effectu
demonstrare. Et pro eodem amore tuo
omnia peccata mea cum primis,

deinde

EXERCITATIONES

deinde & vniuersa peccata, ab initio mundi perpetrata, & vsq; ad finem seculi, contra amorem & honorem tuū vnquam perpetranda, continue & actualiter vel habitualiter plangere & deplorare: illaque confiteri, & secundum posse meum ad satisfaciendum, pro eisdem iuxta tuum beneplacitum, me omnino promptum & beneuolū demonstrare. Ab omnibus quoq; & singulis peccatis illis de cætero propono abstinere & cessare: ita vt potius omnia supplicia, etiam mortem millies sustinere velim, quam ex certa scientia, plenaue deliberatione, non modo mortaliter, aut criminaliter, sed etiam venialiter contra tuum amorem & honorem vnquam peccare.

Quod si contigerit me vllō vnquā tempore, contra tam fixum, deliberatumq; propositum meum, quocunq; etiam peccato graui, aut leui te quoquo pacto offendere (vt verissimiliter

timeo

timeo quod peccatis meis exigentibus hoc possit pluries contingere) tunc in illo non volo iacere, aut permanere, sed quam cito tu mihi dederis illud cognoscere, & me adiuueris, resurgere, & pœnitentiam pro illo toties quoties opus fuerit, debitam agere firmiter propono, iuxta tuum beneplacitū, & vicariorum tuorum confessorum meorum, clauēs scientiæ & potentiæ super me vere habentium, & me ab illo, virtute eorundem clauium liberare valentium, voluntatem.

Et ad cognoscendum in istis & in cæteris (quantum valeo) beneplacitū tuum, nec non ad veram differentiam peccatorum venialium, mortalium, & criminalium, & per quos ab illis liberari, & etiam quos ego à talibus absoluerē vel possim, vel nō possim, ne falsa opinione me ipsum decipiam male absolutus, neque alios male absoluen- do, volo omne studium debitum

H

appli-

EXERCITATIONES

applicare, ne in hac parte, propter crassam ignorantiam, habeas me iuste ignorare. Et insuper studere ad discendum & sciendum omnia alia debita mea, & adimplendum omnia virtutum exercitia ad me spectantia. Et ad sufferendum patienter & libenter, imo cum gaudio spirituali, omnia aduersa & supplicia, tum in corpore, tum in anima volo tibi animum prout exhibere, aptare & resignare. Et in his omnibus & singulis cæterisque tibi placitis, & mihi clare cognitis, vsque in finem perseverare.

At quia nihil horum sine te facere, neque consummare potero, desidero valde te in adiutorium, per tui corporis sanctissimum Sacramentum (quamuis ad hoc vere nimis indignus sim) intra meipsum hodie suscipere, cognoscens certissima fide, quod tu velis de tua incomprehensibili bonitate & pietate, ad me quantumvis in-

dignum,

dignum, dignanter, libenter & humiliter descendere, & cum eodem Sacramento ad me intrare, cum tota tua diuinitate, & humanitate, & me ad supradicta omnia (in quantum tu cognoueris illa fore pro salute mea, siue pro tua gloria) fidelissime adiuuare.

Ex istis quoq; datur mihi magna confidentia, hic nunc, & in tua reali, & personali indubitata præsentia orandi, & te humiliter deprecandi pro tali clementia, quod isti Sacerdoti nunc Missam celebranti, & omnibus qui te sacramentaliter hodie in se sumplerint, velis donare, q̄ ipsi, & nos oēs q̄ hoc desideram⁹, te spiritualiter sic lumam⁹, q̄ nō in pei⁹ sed in meli⁹ pficiam⁹, & de virtute in virtutē quotidie eam⁹, & in hoc vsq; in finē sic pseuerem⁹, vt post hui⁹ vitæ finē, illuc sine dilariōe pueniam⁹, q̄ facie ad faciē clarissime videamus te Deū Deorum, Dominū Dominorū, & delectū delectorū, in superna

EXERCITATIONES

Sion, in secula seculorum. Amen.

Hic obsecra Deum, & beatam virginem, pro plenaria remissione omnium peccatorum tuorum, dicens sepius corde contrito & humiliato:

Heu, heu, heu Domine Deus meus, quod te sic grauius offendi. Deus propitius esto mihi peccatori. Miserere mei Deus, secundum magnam misericordiam tuam, &c.

Quia hec sunt efficacissima verba ad flectendum & vincendum Deum invincibilem, qui sola humilitate vincitur.

EXERCITIVM DIVINÆ

LAUDIS.

Post finem Missæ, toto corde humiliter recognosce, quod pro tanto dono & Sacrificio, & pro quolibet alio Dei beneficio, non possis Deum digne, sicut decet, laudare, benedicere: & ideo cū primis oēs creaturas ad laudandum & benedicendum Dominum

tecum

tecum deuotius inuocabis, & dices totum hunc hymnum.

Benedicite omnia opera Domini Domino: laudate & superexaltate eum in secula, &c. prout infra.

Deinde dices Psalmos.

Laudate Dominum de cœlis; laudate eum in excelsis.

Laudate eum omnes Angeli eius: laudate eum omnes virtutes eius.

Laudate eum Sol, & Luna: laudate eum omnes stellæ, & lumen.

Laudate eum cœli cœlorum: & aquæ omnes, quæ super cœlos sunt, laudent nomen Domini.

Quia ipse dixit, & facta sunt: ipse mandauit, & creata sunt.

Statuit ea in æternum, & in seculum seculi: præceptum posuit, & non præteribit.

Laudate Dominum de terra: dracones, & omnes abyssi.

EXERCITATIONES

Ignis, grando, nix, glacies, spiritus
procellarum: quæ faciunt verbū eius.
Montes & omnes colles: ligna fructi-
fera, & omnes cedri.

Bestiæ & vniuersa pecora: serpentes,
& volucres pennatæ.

Reges terræ, & omnes populi: princi-
pes, & omnes iudices terræ.

Iuuenes, & virgines, senes cum iunio-
ribus, laudent nomen Domini: quia
exaltatum est nomen eius solius.

Confessio eius super cælum, & ter-
ram: & exaltauit cornu populi sui.

Hymnus omnibus sanctis eius filiis I-
srael: populo appropinquanti sibi.

Gloria Patri.

PSALMVS.

CAntate Domino canticū nouum:
laus eius in Ecclesia sanctorum.

Lætetur Israel in eo, qui fecit eum:
& filiz Sion exultent in rege suo.

Laudent nomen eius in choro, in
tympano, & psalterio psallant ei.

Quia

Quia beneplacitū est Domino in populo suo: & exaltauit māsuētos in salutē.

Exultabunt Sancti in gloria: lætabuntur in cubilibus suis.

Exultationes Dei in gutture eorum: & gladii ancipites in manibus eorum.

Ad faciendam vindictam in nationibus: increpationes in populis.

Ad alligandos reges eorum in cōpedibus: & nobiles eorū in manicis ferreis. Ut faciant in eis iudicium conscriptū: gloria hæc est omnibus sanctis eius.

Gloria Patri.

Hoc summe, maxime, & affectuosissime semper fieri cupio.

Et specialiter gloria sit tibi amantissime Domine mi IESV Christe, fili Dei, & tibi ô dulcissima virgo Maria genitrix Dei, & vobis ô omnes sancti specialiter hodie commemorati, vel cōmemorandi siue colēdi, electi Dei, cū istis psalmis & canticis, & cū omnibus beneficiis Dei in illis cōprehensis.

EXERCITATIONES

atq; cum omnibus meritis vestris, nec non & cum meipso toto quamvis vere indigno, Deo totaliter oblato, suæque voluntati funditus resignato, cum omnibus meis bonis, & malis præteritis, præsentibus, & futuris. Quæ omnia & singula Deo meo, & vobis offero, & vestræ bonitati, charitati, & pietati, semper oblata esse desidero, de malis vero, corde dolendo, ore cōfitendo, & opere ad satisfactionem me paratum exhibendo: de bonis vero eidē Domino Deo meo, & vobis gratiarum actiones referendo, & vere recognoscendo, quod si in illis aliquid est bonitatis, hoc est pure à Deo & à vobis. Quia quantum in me est, certus sum, & vere scio, quod omnia mea, quantumvis aliqua sint vel appareant bona, vere tamen nihilum & inane reputata sint, & merito reputanda, & panno menstruata, & omni fœditati magis quam alicui puritati, vel boni-

tati

tati comparata, & comparanda. Et id-
eo Domini mei, & vestræ bonitati,
charitati, & pietati cupio semper illa
immolata & immolâda, vt per ipsum,
& vestra merita mudentur, & ornentur,
& sic aliquid acquirant bonita-
tis. Quod si aliquid occurrerit, vt ve-
risimiliter timeo, Deo & vobis displi-
cens, & aduersum, hoc vtique non vo-
lo, nec est, nec vnquam sit meæ vo-
luntatis. Et vt perfectius sit, nunquam
meæ voluntatis, supplicio humillime,
vt mihi impetrare dignemini. Cum
his ergo per vos sic mundatis & orna-
tis, vna cum vestris meritis, & preci-
bus, Deo pro tanto Sacrificio oblati,
& pro quocunque alio beneficio, ob-
secro vos, gratias agatis illi, deprecantes,
vt ipse misereatur mei, & omnium
pro quibus ego orare teneor & desi-
dero, & postulatus sum, & specialiter
pro quibus istud sanctissimum Sacri-
ficio, suę maiestati obtuli, siue offer-

E X E R C I T A T I O N E S

re debui, & cooperemini, vt ipse pro sua laude & gloria nos omnes sibi faciat gratos, & nostra omnia accepta sint illi.

Deinde omnes vires, & sensus interiores & exteriores animæ & corporis mei, subiecti imperio ipsius Domini mei, vna mecum iubilate.

(Laudate Dominum in sanctis eius: laudate eum in firmamento virtutis eius) videlicet in gloriosa virgine Maria, & in virtute fidei ipsius firmissima.

(Laudate eum in virtutibus eius) videlicet Angelicis spiritibus, qui dicuntur virtutes eius.

(Laudate eum secundum multitudinem magnitudinis eius) scilicet in Patriarchis, Prophetis, & cæteris sanctis vniuersis antiqui temporis vsque ad natiuitatem Christi: circa quos in multis mirabilibus multipliciter manifesta est magnitudo potestatis, sapientiæ & virtutis ipsius. (Lau-

(Laudate eum in sono tubæ) scilicet Apostolorum & Euangelistarum, quorum sonus prædicationis ad modum tubæ exiit in orbem terrarum.

(Laudate eum in Psalterio) obedientiæ septuaginta, & aliorum primorum discipulorum (& cithara) patientiæ sanctorum martyrum.

(Laudate eum in tympano) sanctorum Confessorum (& choro) sanctarū virginū, & continentium, choros celestes cū Ies v sponso suo ducentium.

(Laudate eum in cordis) sanctarū viduarum (& organo) bonorum & bonarum coniugum.

(Laudate eum in cymbalis bene sonantibus) vere pœnitentium.

(Laudate eum in cymbalis iubilationis) amantium, in vita contemplatiua sese exercentium.

(Omnis Spiritus laudet Dominum) ea scilicet laude, quate laudauerūt spiritus boni, quando se confirmatos &

EXERCITATIONES

alios damnatos viderunt. Hoc est enim summum desiderium meum.

ALLOCVTIO AD ANIMAM.

CVM ergo tu paupercula anima mea in tua natura & essentia vere sis spiritualis substantia, & spiritus, quemadmodum & alii spiritus, à Deo creatus, de quo multum illi teneris esse grata, quia si ipse voluisset te nō creare, vel serpentem aut turpissimam rem creare potuisset, cui suam nobilissimam essentiam non communicaret. Cum, inquam, sis ad ipsius imaginem & similitudinem nobilissime creata, insuper & ipsius gratia speciali per baptismum à malis & damnatis spiritibus, & eorum potestate liberata, de quo debes illi esse magis grata.

Et ultra hæc ex ipsius maiori gratia, bonis spiritibus tam cœlestibus, quam terrestribus viris vere spiritualibus, in

hac

hac sancta religione sociata licet indig-
nissima vnde maximè debes illi esse
grata. Et super hæc omnia, ipsius ab-
undantiori gratia & misericordia, in
loco isto sancto ad laudandum ipsum
cum omnibus sanctis Spiritibus spe-
cialiter collocata : vnde super omnia
debes esse gratissima, & ad laudandum
ipsum omni tempore cum omni exal-
tatione promptissima & fidelissima.
Nimirum si voluisset Deus, iuxta me-
rita tua, ante multa tempora in infer-
no fuisses locata. Vt ergo possis eun-
dem tam misericordem Dominum
Deum tuum dignè laudare, debes cū
beato Petro, verè digno laudatore, e-
undem Dominum Deum tuum trina
confessione, summe, summe, summe
plurquam alii amare, & cum eodem
Petro propter prædictum amorem o-
mnia relinquere, mundo & tibi ipsi
perfectius, quàm prius moriendo &
renunciando, & cum eodem Petro

EXERCITATIONES

eundem Dominum sequi, & imitari per vias suas, non tuas, obedienter, & perfectius quā prius ambulando. Insuper cum eodem Petro in amore prædicto, crucem tuam post Dominum tollere, omnia aduersa per ipsum super te missa vel permissa, patienter tolerando. Sed & generaliter cum eodem & pro eodem amore, omnem vitiorum fomitem in te penitus mortificare: fomitem videlicet concupiscentiæ carnis, concupiscentiæ oculorum, & superbiæ vitæ extinguendo.

At quoniam sine ipso nihil horum poteris facere, debes ipsius misericordiam in adiutorium & omnium sanctorum merita & suffragia, ad hæc perficienda incessanter inuocare & obsecrare, & vnā mecum ex toto corde, ex tota anima, ex tota mente & virtute dicere.

Kyri-

KYrie eleison. Christe eleison. Kyrie eleison. Pater noster. Ave Maria. Et ne nos inducas. *Versus.* Lætamini in Domino, & exultate iusti. Et gloriamini omnes recti corde. Deus exaudi orationem meam. Et clamor meus ad te veniat.

O R E M V S.

DEVS qui nos concedis omnium Sanctorum tuorum merita venerari, da nobis in æterna beatitudine de eorum societate gaudere, & eorum meritis & precibus omnia peccata nostra præterita, heu, heu, heu, inte, aut in quemcunq; commissa, vere pœnitendo sic deflere præsentia, & omnia tentamenta sic vincere & delere, & omnia futura per tuam gratiam sic præcauere, & ulterius in omnibus debitis virtutibus nos sic perseveranter exercere, præsertim in supradictis perfectis

EXERCITATIONES

fectis dilectione, abrenunciatione, imitatione, tolerantia, & mortificatione, te laudando cum sancto Petro, tibi ita viriliter & finaliter adherere, ut tu in nobis, & nos in te manendo, mutuò nos valeamus sciliciter & inseparabiliter possidere, & te cum Patre & Spiritu sancto, cum lætitia & gloria omnium electorum tuorum laudare, per omnia secula
seculorum. A-
men.



ALIÆ

ALIÆ ORATIONES
EX PHA-
RETRA.

*EFFVSIO SEV MEDITA-
tio cordis, gratias agentis pro benefi-
ciis Dei generaliter, haud incongruè
post Eucharistia sumptionem exer-
cenda. Et certè nullus deberet viue-
re Christianus, qui hoc, aut simi-
li modo quotidie Deo non
gratias age-
ret.*

OMnipotens sempiterne Deus, vi-
ta mea, omne bonum meum,
& vniuersa fœlicitas mea tu es. Ego
autem terræ puluis, & miser vermi-
culus terræ, ante faciem tuam sto, te
laudare, tibi que gratias agere gesti-
ens. At quia hoc dignè non possum,
nec quod tibi offeram habeo, offero
tibi

EXERCITATIONES

tibi omnium sanctorum Angelorum
hominumq; virtutes ac merita : imo
& Christi Iesv filii tui laudem, & a-
morem, quibus te colit, & amat, pro
omnibus misericordiis, donis, & be-
neficiis mihi ingratissimo à te Domi-
ne Deus meus vnquam collatis. Tibi
enim confiteor amantissime Pater, ti-
bi gratias ago, teque adoro, & laudo,
quia tu me ex immensa charitate, &
gratuita bonitate tua creasti ad imagi-
nem & similitudinem tui. Tu varias
propter me creaturas in vsum & mi-
nisterium creasti, tu me ab exordio
vitæ meæ, vsque ad hanc horam in
corpore, & anima pavisti, & fouisti :
tu me ab innumeris periculis animæ,
& corporis atque malis aut præserua-
sti, aut eripuisti: tu in peccatis grauif-
simis me putidum, aberrantem, tibi
contumeliosum, & mundo scandalo-
sum, tot annis longanimiter tolerasti:
nec, quod millies, atque millies com-

merueram, in sceleribus meis me damnasti (heu quod interea, qui minus te offenderunt quàm ego, ad inferna descenderunt) sed ad salutis viam, licet surdum, variis instinctibus, atque modis admonuisti, & reducere fugientem, ac renitentem voluisti, donec tandem potenti virtute malitiam meam tua benignitate superans, & cuncta circa me ordinans, ad hunc saluterum viuendi statum me conuertisti: non desinens præterea hucusque benefacere mihi, qui tibi in omnibus ingratus, inutilis, atque infidelis sum.

Hic possent cogitari singularia beneficia tibi collata, & pro illis gratia agi.

Cæterum, vt tecum in perpetua gaudeam fœlicitate, nullaque peccata quamlibet grandia, me queant à te separare, filium tuum præmisisti in mundum, quem etiam in dolores,

EXERCITATIONES

pœnas, ignominias, ad crucem & mortem propter me exposuisti.

Eia benignissime IESV, Dei vnigenite, ad te nunc me conuerto agne mansuetissime, & mitissime IESV, quid retribuam tibi pro omnibus, quę tribuisti mihi? Adoro, laudo, benedicoque te pro incarnatione, passione, & amarissima morte tua, pro laboribus, & fatigationibus tuis, pro incommodis, atque ærumnis, & pro quibuslibet aduersitatibus, atque tristitiis, pro pœnis, & doloribus, pro vulneribus, ac liuoribus, pro lachrymis, atque gemitibus, pro contumeliis, opprobriis, atque sanguineis guttis pro me effusis, & potissimè pro maxima ad nos charitate tua, quam vel in hoc maximè nobis ostendisti, quod te ipsum etiam in cibum nobis sumendum dedisti, & vsque in finem seculi hoc modo in Sacramento te nobiscum mansurum promissisti, ad cu-

ius

ius participationem sæpius, & etiam nunc dignatus es me admittere. Pro quibus omnibus, cum aliud non habeam benignissime IESV, offero tibi temetipsum, id est, merita, virtutes, gratitudinem, passionem, & mortem tuam, simulque omnium sanctorum tuorum, in vnione charitatis illius, quæ de cœliste traxit in aduersa multa, & vsque in mortem crucis, & qua patri tuo ibi te obtulisti pro nobis. Desidero autem ô amabilissime IESV (si possibile foret) etiam solus tam dignè te laudare, tam diligere, tamque fideliter seruire, & placere tibi ad gloriam tuam, quantum omnes, & singuli tam Angeli, quam homines te laudant & diligunt. Et propterea, etiam in horum omnium vnione laudis, ac amoris offero, & resigno tibi meipsum, per suauissimum cor tuum, in omne beneplacitum tuum, ad gloriam tuam quo mecum meque ita facias, vt abla-

EXERCITATIONES

ta omni rebellionē in me erga te, sola
tua sanctissima, atque laudabilissima
voluntas semper in me, de me, per me,
& in omnibus fiat. Amen.

*PRO OMNI STATV SAN-
ctæ, Catholicæ, & Apostolicæ Eccle-
siæ. Pro omnibus in cælo, & in ter-
ra, eisq̃, qui adhuc in mundo
sunt, precatio.*

GRatias ago tibi Iesv piissime Do-
mine, Deus meus, pro immensa
charitate, & pro omnibus beneficiis
tuis, quæ tu vniuerso mundo, singu-
lisque & Angelis, & hominibus ex-
hibuisti, à nobilissima omniumq̃; di-
gnissima creatura matre tua, vsque ad
infimam, ac omnium ingratissimam,
hoc est vsque ad me vilem, vanum, &
terræ vermiculum. Neque enim sum
dignus, vt in conspectu tuo appaream,
propter nimiam indignitatem, vilita-
tem, & ingratitude meam.

Eia

Eia benignissime IESV, sis tu benedictus in æternum, qui hanc singularrissimam virginem ab æterno tibi in matrem elegisti, ab omni peccato immaculatam, ac totam pulchram præservasti, præsignasti, præparasti, omnium virtutum, & gratiarum plenitudine exornasti, in ea concipi, ex ea nasci, & eius lacte pasci voluisti, prædicationi, passioni, ac morti tuæ ipsam adesse, & nostræ redemptioni cooperari tribuisti, atque hanc in cœlis, corpore, & anima assumptam, gloriosissimeque coronatam, eandem nobis in aduocatam, misericordiæ reginam, atque matrem dedisti.

Pro his sit tibi laus, honor, & gloria sempiterna. Dulcissime IESV, eius cor, & merita pro me, & vniuersa Ecclesia tibi nunc offero, & per eandem nos in cor tuum piissimum commendo.

Amen.

Ad

EXERCITATIONES

AD BEATISSIMAM
virginem Mariam, pre-
catio.

O Clemens, ô pia, ô dulcis Maria,
utinam ego totus tuus, & tu to-
ta sis mea, me custodiens, gubernans,
possidens, & ab omni peccato, ab o-
mni malo, ab omni impedimento, ab
omni quoque medio inter me & De-
um me liberans, atque præservans. A-
men.

PRO SANCTIS IN COE-
lo Deum lauda, di-
cens:

Benedico te amantissime Iesu, De-
us meus, pro omnibus gratiis, ac
donis, quæ Sanctis tuis in hac vita
mortali olim, & nunc in gloria tecum
constitutis contulisti: præcipuè tamen
his, quorum hodie est festiuitas in cœ-

lis

lis, aut in Ecclesia memoria, & potissimum patronis meis, Barbaræ & Magdalænæ, N. N. & sanctis omnibus virginibus.

Horum omnium orationes, ac merita tibi pro me offero, & per illos me tibi nunc in cor tuum piissimum commendo. O Sancti Dei omnes intercedite pro me, & ad vos me trahite. Amen.

*PRO IVSTIS IN MVNDO
constitutis. precatio.*

ADoro, laudo, & benedicte piissime Domine Deus meus, pro donis, gratiis, ac beneficiis omnibus, quæ N. & N. id est, huic, & huic, & aliis omnibus electis, ac dilectis tuis amicis in mundo adhuc constitutis contulisti. Horum preces, ac merita tibi pro me nunc offero, & me per illos in cor tuum tibi commendo.

EXERCITATIONES

Oro quoq; immensam bonitatem tuam Deus meus, vt tu illos semper in gratia tua custodias, prouehas, dirigas, & omnia eis bona, ac dona tua augeas, atque multiplices ad gloriam tuam. Amen.

PRO PECCATORIBVS, ET *seipso, precatio.*

ADoro, laudo, & benedico te misericordissime Deus meus, & gratias tibi ago pro immensa clementia tua, & bonitate tua infinita, qua nos miseros peccatores ingratos, atq; adeò vita ipsa indignos misericorditer non solum sustines, sed etiam parcis, & benefacis nobis. Vincat igitur tandem, ô Deus meus, vincat quaeso malitiam nostram bonitas tua, emolliat duritiem nostram pietas tua, inflammet congelata corda nostra ardentissima charitas tua, vt ex vasis iræ, mutemur in vasa misericordiæ, & ab

omni

omnibus peccatis liberati, tanto efficiamur in amando te feruentiores, quanto hactenus fuimus frigidiores.

Dulcis IESV, da nobis post te curre, & imitari vestigia vitæ, & passionis tuæ, vt deuotionis in nobis magnitudo compenset nostræ conuersionis tarditatem, & inde magis puri, ac sitibundi te quæramus, quo diutius, ac grauius te contempsimus fontem æternæ vitæ. Da nobis, vt toto corde ad te conuerſi, & in gratia tua confirmati, laudemus te redemptorem, & saluatorem nostrum in æternum. Amen.

*PRO COMMISSIS, AC
commendatis, precatio.*

ORo autem te ô bonitas infinita, præcipuè pro meipso omniū miserrimo, atq; vilissimo, qui gratiæ tuæ

EXERCITATIONES

auxilio præ cæteris tanto magis egeo, quanto infirmior, & ad omne bonum impotentior sum. Scis tu benignissime Deus, quam nihil & inutilis sum, & gratiam tuam in me, & in aliis impedio atq; euacuo. Quapropter ô omnium liberalissime, atq; piissime Domine supplex te oro pro omnibus mihi commissis ac commendatis. Hæc enim omnia, id est, animas, & corpora & quæcunq; mihi commendata sunt, tibi iterum commendo, & in cor tuū dulcissime IESU eadem abscondo, atq; immergo.

Tu quæso cuncta tegas, protegas, custodias, & salves, iuxta beneplacitū tuum, ad gloriam tuam sempiternam. Domine Deus meus, pro hoc loco, & huius loci habitatoribus obsecro te per effusionem sanguinis tui, & per omnium miserationum tuarum abyssum, ut super nos omnes abundet, cōfirmeturq; gratia tua, & nemo ex no-

bis pereat. Tu verò spiritualia, & temporalia nobis secundum beneplacitum tuum largiaris, nosque & illa administras, & dirigas: ut cultus tuus, animarumque salus hic semper vigeat, crescat, perseveretq; in æternum.

Dulcissime IESU, fidelissime amator, res hominesque ac cuncta huius loci, & omnium mihi commissorum iterum tibi in cor tuum cfferro, ac commendo, quia tu ab æterno sciisti quod ego nihil sum, & necesse est, ut tu ipse illa custodias, regas, nosque possideas. Hoc modo etiam tibi commendo omnes qui à me petunt orationes. Tu misericordissime, qui dives es in omnibus, iuxta fidem illorum, & pro misericordia tua glorifica nomen tuum, & facias illis non iuxta vilitatem, & demerita mea, sed secundum bonitatem tuam. A-

MEU

EXERCITATIONES

PRO CONFOEDERATIS
precatio.

○ Mnes piissime IESV, qui mihi propter te confœderati, atq; uniti sunt, tibi offero : tu quæso tibi eos confœdera, vt omnes tecum vnum simus. Amen.

PRO BENEFACTORIBVS,
precatio.

○ Mnibus mihi beneficientibus, atq; fauentibus, tu clementissime Domine pro me teipsum retribuas, quia melius nec ego petere, nec tu dare potes nobis, quàm teipsum suauissima atq; æterna donitas. Amen.

PRO TENTATIS AC AFFLICTIS, *precatio.*

○ Mnestentatos, desolatos, afflictos, ac mœstos misericordissime

IESV,

IESV, pro infinita pietate tua consolare, iuxta eorum vtilitatem & tuam voluntatem. Esto memor quia te solum habemus Domine, ad quem securi confugiamus in omnibus necessitatibus nostris. Absit igitur à tua bonitate, vt tu repellas nos, qui es Deus noster, refugium nostrum, & virtus in omni tribulatione. Amen.

*PRO FIDELIBVS DEFVN-
ctis, precatio.*

Memor esto benignissime Deus misericordiarum tuarum, quæ à seculo sunt, & fidelibus omnibus defunctis, da refrigerium & requiem sempiternam. Descendat piissime IESV, sanguinis tui rosei ac calidi effusio in purgatorium, & recreet refrigeretque omnes ibi captiues ac patientes. Libera eos Domine Deus noster ex omnibus angustiis eorum. Domine IESV ego do illis mortem tuam,

EXERCITATIONES

& sanguinem tuum. Quomodo enim aliter possum illis succurrere aut mederi? Largire tu, vt horum virtute liberentur. Amen.

*QUANDO PRO ALIQUO,
aut pro te etiam ipso orare orare
desideras, precatio.*

Domine IESV Christe clementissime, illustra cor N. gratia tua, consolare & imple cor eius ardentissima charitate: honorem tuum beneplacitum tuum, ac te ipsum solum ex toto corde suo quærat ac diligat, & se ipsum tibi funditus relinquat ac resignet, omnique tempore in oculis tuis inueniatur secundum beneplacitum tuum. Amen.

*PRO PARENTVM, CON-
sanguineorum amicorumq; vita
correctione & salute,
precatio.*

Rogo

ROgo te ô clementissime IESV,
per sanctam incarnationem, pas-
sionem & mortem tuam, & per omnia
quę ab initio vsque ad finem vitę su-
stinuisti, miserere parentum, fratrum,
sororum, amicorum, benefactorumq;
meorum: & eorum omnium qui mi-
hi occasio, aut subsidium fuerunt ad
hunc statum perueniendi. Et dignare
in nobis corrigere, quę tibi displic-
cent, largiri quę tibi placent, vt
nunc gratia tua digni reddamur, &
posthac tecum sine fine lætemur. A-
men.

*PRO AFFLICTORVM, DE-
solatorumq;, subleuamine,
Precatio.*

ROgo te dulcedo cordium, & tri-
bulatorum summum refugium
Christe IESV, vt per merita omnium
anxietatum & angustiarum, p[ro]p[ri]i
cordis tui, omnibus afflictis, tentatis

EXERCITATIONES

ac desolatis lubuenire digneris, eosq; ab omnibus malis, atq; periculis tam corporis, quam animæ eripere, gratiamque tuam in ipsorum cordibus augere, ac ad æternæ felicitatis brauium perducere. Amen.

PRO ECCLESIE CATHOLICÆ reformatione, & errantium animarum reuocatione ad viam veritatis, Precatio.

○ Pastor bone & fidelis Christe Iesv, oues tuas ferocissimorum luporum dentibus raptas ad ouile tuum sanctam reduc Ecclesiam, renoua eos Spiritu dulcedinis tuæ, ac omnium eorum, totiusque perfidiæ & infidelitatis caliginem ab eorum cordis oculis deterge, quo vocem tuam agnoscant, teq; in vera humilitate & ardentissima charitate sequantur.

Re-

Reforma quoque pristinæ charitatis, & innocentia teruore Ecclesiam tuam sanctam, quā proprio sanguine redemisti, ac de diabolica captiuitate liberaisti: maximè autem Ecclesiasticos ordines, ouiumq; tuarum pastores & pælatos, vt oues tuas viam veritatis edoceant, quæque ore docent, opere ipsi implere satagant. Tu enim pie Domine oculis tuis ipse cernis, ad quantam omnes nos miseriam, & calamitatem dilapfi simus, sed non absq; nostro demerito. Non enim iniustus es, qui infers iram. Tibi Domine peccauimus. Te patres nostri ad iracundiam concitauerunt, neque nos à via eorum recessimus, vt te ex toto perquireremus corde. Ideo satis iuste inuenerunt nos hæc omnia quæ patimur. Sed spero quod tandem misericordissimæ tuæ pietatis oculis sup nos respicies, qui non in finem irasci soles, sed iuxta Prophetam tuum, Cū iratus

EXERCITATIONES

fueris, misericordię recordaberis. Hac spe fretus, pro tua desolata Ecclesia, cuius & ego membrorum minimus sum, tibi supplico, te oro, & obsecro, omniaque pietatis tuę viscera precibus meis pulso, vt omnibus nobis, præcipuē in necessitatibus & periculis variis constitutis, iuxta solitam tuam benignitatem succurras, eosque protegas, & gratia tua, sine qua nihil sumus, munias & defendas. Amen.

*EFFUSIO CORDIS PRO
sui ipsius, sibi commissorum cuncto-
rumq; Christianorum conuersione,
& correctionis vitę prose-
quutione.*

O Mi dilectissime Domine IESU Christe, obsecro te, vt amabilis & infinita benignitas tua, omnia peccata mea ppria dignetur re-

mit-

mittere, & per amarissimam passionem tuam delere, consumereq; in immenso amoris tui incendio: & me miserum in gratiam & vnionem tecum adeo trahere, & confortare per amorem, vt exiens ad proximos meos omnium hominum, & maxime mihi commissorum peccata in me suscipere, & continue deplangere & expiare valeam: vt tu in me, & ego in te manens, simul impleamus opus fraternæ charitatis.

O misericordissime Domine, tuum ad omnes homines amorem extendo, & cum illo vias peccantium lugeo, & in illum omnium hominum, & singulariter mihi commissorum crimina suscipio, & in abyssum misericordiæ tuæ proiicio: obsecrans vt illis & mihi veræ contritionis, & emendationis gratiam elargiri digneris. O piissime Deus, confido immensæ bonitatis tuæ, quod si ego solus omnium hominum

peccata

EXERCITATIONES

peccata commississem, & me cum illis
perfecto ad te corde conuertere & emē-
date vellem, mox ab omnibus pecca-
tis me liberares, & in ardentissimi a-
moris tui igne, velut modicam stup-
pam illa omnia concremares.

Hinc ad ianuam infinitæ misericor-
diæ tuæ veniens pulso, & obsecro, pro
grauissima inhonoratione, & infinitis
iniuriis, offensis, & blasphemis, quæ
tuæ dignissimæ maiestati, à me & aliis
creaturis tuis viuis & defunctis irro-
gatæ sunt, & adhuc absque cessatione
multum nimis irrogantur, vt propitia-
tus miserearis super omnibus malis i-
stis, & respicias oculis clementiæ tuæ,
quam graui me sarcina miser oppressi
hæc in me suscipiens, qui tam infelix
& vitiosus sum in meipso. Verum quo-
niam te tam fidelem & clementem pa-
trem in meipso expertus sum, vt sitias
etiam omnium hominum salutem:
hinc ad te humiliter accedens rogare
audeo,

audeo, vt si miser ego, propriisq; vitiiis nimis onustus, tam mea, quam mihi specialiter commissorum, & omnium hominum peccata cum sanguine cordis mei emendare possem, etiam si deberem millies mori omni hora, & omnium damnatorum pœnas cum gratia tua sustinere, quo illos tibi adducerem, vt tu in me, & in illis quiescere valeres (ad quod nos omnes creasti) ad hoc me totum tibi offero, & hilariter resigno.

Sed quoniam nihil sumus, nihil habemus, neque valemus absque te, obsecro te clementissime Domine Deus noster, ò summe Sacerdos, qui temetipsum obtulisti Deo patri pro nobis in odorem suauitatis, vt omnium nostrum miserearis, tua ardētissima charitate, vita, passione, sanguine pretiosissimo, vniuersa nostra delicta deleas, neglecta nimis multa suppleas, impedimenta nos à tui accessu remorantia tollas, & nobis, vt peccata

EXERCITATIONES

nostra clara cognitione, amara contritione, vera confessione, & integra satisfactione, emendare, & tibi de cetero toto corde reconciliari, obedire, placere valeamus, concedas.

O verbum æternum propter nos incarnatum, & crucifixum, parce quesito, ignosce & succurre plebi tuæ. Præueni, & conuerte corda nostra, quamuis excæcata, & indurata, vt totis viribus quæramus te, & sapiamus quæ tua sunt: sicque vnanimiter resistamus omnibus hostibus honoris tui, & salutis nostræ, viuamusq; de cetero iuxta tuam voluntatem bonam, beneplacentem & perfectam, vt perfecta tibi charitate vniamur, & adhæreamus, & nunquam amodo à te separemur. Amen.

PRO INTENTIONE SIMPLICI quolibet in opere, Precatio.

A Mantissime Domine Iesv Christe, obsecro te per amorem illū
perfe-

perfectissimum, quo salutem nostram zelando, vbiq; tam fideliter, quam feruenter quæris. Da mihi rectam, puram, simplicem, ac deiformem in singulis intentionem, vt quibuscunque agendis, aut dimittendis, eligendis, atque cauendis, & viuens, & moriens non aliud quæram, non aliud intendam, quam pure gloriam, & beneplacitum tuum. Da igitur mihi fidelissime amator, vt ex toto corde meo desiderem, diligam, & quæram nihil in tempore, & æternitate (extincto per gratiam tuam in me penitus omni puato amore) quam tuum honorem, & gloriam. Amen.

*PRO FIDELITATE, ET
gratitudine ad diuam virginem
Mariam precatio.*

O Abyssus omnium gratiarum, & speculum omnium virtutum misericordissima, atq; dulcissima Domi-

na mea

EXERCITATIONES

na mea sancta Maria, impetra mihi à Deo, cuius es mater, & filia, vt propter suam pietatem, & tuam benignitatem auferat à me odibilem ingritudinē, omnisque cordis duritiem: beneficia eius, scilicet, creationis, redemptionis misericordissimæ vocationis, protectionis, & cætera cum summa animi magnitudine recolere valeam, ipsumque indefinenter laudem, & honorē, ipsi cum castissimo cordis iubilo gratias agam, ipsum continenter cū profundissima humilitate, filiali timore, summaque reuerentia magnificem, & adorem, ipsiusque mandatis perfecte obtemperem. Rogo te præterea ô mater suauissima, quæ reuera meritis es potentissima, pietate affluentissima, miserationibusque exuberantissima, fac, vt tuarum pariter in me misericordiarum & beneficiorum sine cessatione memor sim, tibiq; vel aliquæ fidelitatis, & amoris vicissitudinē pro

omni-

oïbus, quæ hæcenus mihi tribuisti, re-
pendere non cellem: quatenus à tua,
& filii tui Domini mei IESV Christi
gratia non excidam. Amen.

*PRO PLENA SVI IPSIVS
abnegatione, & animi resigna-
tione, Precatio.*

BENIGNISSIME Domine IESV Chri-
ste, in vnione illius resignationis,
quate ipsum Patri in omne eius bene-
placitum obtulisti, & hominibus et-
iam omnibus te subiecisti, offero, &
resigno me in omne beneplacitum
tuum ad omnia tam tristia, quam læta.
Fac tu me, & mecum, quomodo tibi
maxime placuerit. Hoc vnum mihi fi-
delissime IESV mi, tribue, vt gratia, di-
gnatio, ac amicitia tua (quibus licet in-
dignissimus sim) exuberantissima, sem-
piterna, atque indeficiens in me fit, &
semper perseueret, qua roborante,
& impellente, mihi ipsi, & vniuerso
mundo

EXERCITATIONES

mundo moriar, tibi vero soli viuam.

Dulci I E S V, fac vt omni amori priuato, omni amori, & affectui ad quascunque creaturas inordinato, cūctis vitiis, & passionibus, omnibus delectationibus sensuum, omni superfluitati, omni proprietati, omni curiositati, & desideriis quibuscunque non puris, perfecte abrenunciem, & moriar.

Dulcis I E S V per mortem tuam amarissimam te obsecro, da mihi omnibus desideriis & inclinationibus naturæ vitiosis, & quicquid in me est, quo te non pure quæro, aut intendo, perfecte mori, vt tu solus plene, atq; perfecte me possideas, nec aliud velle, vel posse ego habeam extra te, sed anima mea in omnibus viribus, & potentiis suis tibi sit, maneatque vnita, vt in me tu solus viuas, & opereris, sicut in proprio instrumento. Misericordissime I E S V, hoc est quod ex abyssu cordis mei desidero, ac rogo, vt omnes vires,

& po-

& potentias animæ meæ, quidquid sum, & possum, tu solus habeas, & per amoris incendium consumas, absorbeas, & in te transformes.

Pro perfecta sui abnegatione obtinenda, posset quis quasi ad numerum omnium membrorum, & virium suarum dicere trecenties, & sexagies quinquies verbum, quo Christus in horto patri suo se resignavit, videlicet:

NON MEA, SED TVA VOLUNTAS FIAT, MI AMANTISSIME IESV. Amen.

PRO CRUCIFIXI CHRISTI
conformatione, & perseverantia, Precatio.

O IESV Christe Rex summe amabilis, corona confitentium, fortitudo pugnantium, atque civium cœlestium perfecta beatitudo, memēto, oro, mei, & verbitui quod locutus es, per quod mihi spem dedisti, illius

dico

EXERCITATIONES

dico iucundissimæ promissionis, qua dixisti: Cum exaltatus fuero à terra, omnia traham ad meipsum. O amabilissime Domine, si cælum, & terra transibunt, verba autem tua in æternum permanent, firmentur nunc verba tua super seruo tuo. Ecce isto in cōspectu tuo, qui omnium tibi sim causa pœnarum, vilis peccator, ciuis & exiguus pulvis, attamen creatura tua, & plasma tuum. Et non solum exaltatus, sed ab omnibus etiam derelictus fuisti, insuper ita distentus, dilaceratus, & excruciatuſ, vt vix potueris respirare. Trahe ergo me nunc ad te, quatenus de reliquo non mihi, sed soli tibi viuam. Occide veterem in me hominem cum vitiis, & concupiscentiis suis, & quicquid in me latet, quod gratiæ tuæ obstaculum parare possit, & indue me nouum hominem, qui secundum Deum creatus est in iustitia, & sanctitate veritatis, vt sicut tu omnia

nia

nia sanctissima tua membra pro me in cruce extendere non es dedignatus, ita posthac ad tui dulcissimi nominis honorem omnia mea dilatem membra, & viscera, atque ad tuos suavissimos aspirem, anhelem, & æstuem amplexus, neque quoad vitam, hanc ad quam gratiose me vocasti, conversationem commutem, aut dimittam, sed in finem vsq; fideliter in ea perseverem, hoc mihi præstante gratia tua. Amen.

PRO PURITATE, SIMPLICITATE cordis, Precatio.

IESV Christe splendor patris, candor lucis æternæ, & speculum sine macula, per incomprehensibilem divinitatem tuam obsecrote, da mihi castitatem corporis, munditiam cordis, simplicitatem spiritus, & sincerissimā puritatē mentis. Dulcis IESV, oīa vitia, oēs inordinatos motus, & passiōes

mortifica

EXERCITATIONES

mortifica in me. Quicquid illicitum, quicquid inordinatum est, quicquid tibi displicet, aufer à me, & da mihi correctum, simplex, purum, deiforme, secundum cor tuum. Libera, & custodi me ab omni peccato. Omnia membra mea, sensus, animæ potentias, & quicquid sum, hæc omnia reformanda, custodienda, regenda, atque possidenda offero tibi benignissime I E S U: custodiq; me ab omni opere illicito, ab omni verbo ocioso, ab omni cogitatione vitiosa, vana, aut superba, ab omni motu inordinato, ab omni affectione non casta, aut abs te aliena, ab omniq; intentione impura, vt te solum pure quæram, in te solo requiescam. Domine Deus meus, fac vt nihil me afficiat, nihil me delectet, nihil mihi placeat, nisi tu, & ego tibi soli placere cupiam, tibiq; soli inhaream. Amen.

FINIS ORATIONVM EX
Pharetra Diuini amoris.

SEPTEM PSAL- MI POENITEN- tiales.

Antiph. Ne reminiscaris.

Psalmus 6.



DOMINE NE IN
furore tuo arguas me:
neq; in ira tua corripas
me.

Miserere mei Domine quoniam in-
firmus sum: sana me Domine, quoni-
am conturbata sunt ossa mea.

Et anima mea turbata est valde: sed
tu Domine, usque quo?

Conuertere Domine, & eripe animã
meam: saluum me fac propter mise-
ricordiam tuam.

Quoniam non est in morte qui me-
mor sit tui: in inferno autem quis cõ-

K

fite-

PSALMI

fitebitur tibi?

Laboraavi in gemitu meo, lauabo
per singulas noctes lectū meū: lachry-
mis meis stratum meum rigabo.

Turbatus est à furore oculus meus:
inueteravi inter oēs inimicos meos.

Discedite à me omnes, qui opera-
mini iniquitatem: quoniam exaudi-
uit Dominus vocem fletus mei.

Exaudiuit Dominus deprecationē
meam: Dominus orationem meā su-
scepit.

Erubescant & conturbentur vehe-
menter omnes inimici mei: conuertā-
tur & erubescant valde velociter.

Gloria Patri, & Filio, & Spiritui
sancto, &c.

Psalmus 31.

BEati quorum remissæ sunt iniqui-
tates: & quorū tecta sunt peccata.

Beatus vir cui non imputauit Do-
minus peccatum: nec est in spiritu

eius

eius dolus.

Quoniam tacui, inueterauerunt ossa mea: dum clamarem tota die.

Quoniam die ac nocte grauata est super me manus tua: conuersus sum in erumna mea, dum configitur spina.

Delictum meum cognitum tibi feci: & iniustitiam meam non abscondi.

Dixi, confitebor aduersum me iniustitiam meam Domino: & tu remisisti impietatem peccati mei.

Pro hac orabit ad te omnis sanctus, in tempore opportuno.

Veruntamen in diluio aquarum multarum: ad eum nō approximabūt.

Tu es refugium meum à tribulatione, quæ circumdedit me exultatio mea, erue me à circumdantibus me.

Intellectum tibi dabo, & instruam te in via hac, qua gradieris: firmabo super te oculos meos.

Nolite fieri sicut equus & mulus quibus non est intellectus.

PSALMI

In chamo & fræno maxillas eorum
constringe : qui non approximant
ad te.

Multa flagella peccatoris : speran-
tem autem in Domino misericordia
circumdabit.

Lætamini in Domino, & exultate
iusti : & gloriamini omnes recti cor-
de.

Gloria Patri, &c.

Psalmus 37.

Domine ne in furore tuo arguas
me: neq; in ira tua corripas me.

Quoniam sagittæ tuæ infixæ sunt
mihi: & confirmasti super me manum
tuam.

Non est sanitas in carne mea à facie
peccatorum meorum.

Quoniam iniquitates meæ super-
gressæ sunt caput meum: & sicut o-
nus graue grauata sunt super me.

Putruerunt & corruptæ sunt cica-
trices

cicatrices meę, à facie insipientię meę.

Miser factus sum, & curuatus sum
vsque in finem: tota die contristatus
ingrediebar.

Quoniam lumbi mei impleti sunt
illusionibus: & non est sanitas in car-
ne mea.

Afflictus sum, & humiliatus sum
nimis: rugiebam à gemitu cordis mei.

Domine, ante te omne desiderium
meum: & gemitus meus à te non est
absconditus.

Cor meum conturbatum est, dere-
liquit me virtus mea: & lumen ocu-
lorum meorū & ipsum non est mecū.

Amici mei, & proximi mei: aduer-
sū me appropinquauerūt & steterunt.

Et qui iuxta me erant, de longe ste-
terunt: & vim faciebant, qui quære-
bant animam meam.

Et qui inquirebant mala mihi lo-
cuti sunt: vanitates & dolos tota die
meditabantur.

PSALMI

Ego autem tanquam surdus nō audiebam : & sicut mutus non aperiens os suum.

Et factus sum sicut homo non audiens : & non habens in ore suo redargutiones.

Quoniam in te Domine speravi : tu exaudies me Domine Deus meus.

Quia dixi, ne quando supergaudeant mihi inimici mei : & dum commouentur pedes mei, super me magna locuti sunt.

Quoniam ego in flagella paratus sū : & dolor me⁹ in cōspectu meo semp.

Quoniam iniquitatē meam annūtiabo : & cogitabo pro peccato meo.

Inimici autem mei viuunt, & confirmati sunt super me : & multiplicati sunt qui oderunt me inique.

Qui retribuunt mala pro bonis, detrahebant mihi : quoniam sequebar bonitatem.

Ne derelinquas me, Domine Deus

meus :

meus: ne discesseris à me.

Intende in adiutorium meum, Domine Deus salutis meæ.

Gloria Patri, & Filio, & Spiritui sancto, &c.

Psalmus 50.

Miserere mei Deus: secundum magnam misericordiam tuam.

Et secundum multitudinem miserationum tuarum: dele iniquitatem meam.

Amplius laua me ab iniquitate mea: & à peccato meo munda me.

Quoniã iniquitas est meã ego cognosco: & peccatum meum contra me est semper.

Tibi soli peccaui, & malum coram te feci: Vt iustificeris in sermonibus tuis, & vincas cum iudicaris.

Ecce in iniquitatibus conceptus sũ: & in peccatis concepit me mater mea.

Ecce enim veritatẽ dilexisti: incerta

PSALMI

& occulta sapientiæ tuæ manifestasti mihi.

Asperges me Domine Hyssopo, & mundabor: lauabis me, & super niuem dealbabor.

Auditui meo dabis gaudium & lætitiā: & exultabunt ossa humiliata.

Auerte faciem teā à peccatis meis: & omnes iniquitates meas dele.

Cor mundum crea in me Deus: & spiritum rectum innoua in visceribus meis.

Ne proicias me à facie tua: & Spiritum sanctum tuum ne auferas à me.

Redde mihi lætitiā salutaris tui: & Spiritu principali confirma me.

Docebo iniquos vias tuas: & impii ad te conuertentur.

Libera me de sanguinibus Deus, Deus salutis meæ: & exultabit lingua mea iustitiā tuā.

Domine, labia mea aperies: & os meum annuntiabit laudem tuā.

Quo-

Quoniam si voluisses sacrificium
dedissem utique: holocaustis non de-
lectaberis.

Sacrificium Deo spiritus contribu-
latus: cor contritum & humiliatum
Deus non despicias.

Benigne fac Domine in bona volū-
tate tua Sion: ut ædificentur muri Hi-
erusalem.

Tunc acceptabis sacrificium iusti-
tiæ oblationes & holocausta: tunc im-
ponent super altare tuum vitulos.

Gloria Patri & Filio: & spiritui S.
Sicut erat in principio, &c.

Psalmus 101.

Domine exaudi orationem meā:
& clamor meus ad te veniat.

Non auertis faciem tuam à me: in
quacunq; die tribuler, inclina ad me
aurem tuam.

In quacunq; die inuocauero te: ve-
lociter exaudi me.

PSALMI

Quia defecerunt sicut fumus dies mei: & ossa mea sicut cremium aruerunt.

Percussus sum ut fœnum, & aruit cor meum: quia oblitus sum comedere panem meum.

A voce gemitus mei: adhæsit os meum carni meæ.

Similis factus sum pelicano solitudinis: factus sum sicut nycticorax in domicilio.

Vigilaui: & factus sum sicut passer solitarius in tecto.

Tota die exprobrabant mihi inimici mei: & qui laudabant me, aduersum me iurabant.

Quia cinerem tanquam panem māducabam: & potum meum cum fletu miscebam.

A facie iræ indignationis tuæ: quia eleuans allisti me.

Dies mei sicut umbra declinauerūt: & ego sicut fœnum arui.

Tu

Tu autem Domine in æternū permanes: & memoriale tuum in generatione & generationem.

Tu exurgens Domine misereberis Sion: quia tempus miserendi eius, quia venit tempus.

Quoniam placuerunt seruis tuis lapides eius: & terræ eius miserebūtur.

Et timebunt gentes nomen tuum Domine: & omnes Reges terræ gloriam tuam.

Quia ædificauit Dominus Sion: & videbitur in gloria sua.

Respexit in orationem humilium: & non spreuit preces eorum.

Scribantur hæc in generatione altera: & populus qui creabitur, laudabit Dominum.

Quia prospexit de excelso sancto suo: Dominus de cælo in terrā aspexit.

Vt audiret gemitus compeditorū: vt solueret filios interemptorum.

Vt annuncient in Sion nomen Do-

PSALMI

mini: & laudem eius in Hierusalem.

In conueniendo populos in vnum:
& Reges vt seruiant Domino.

Respondit ei in via virtutis suæ:
paucitatem dierum meorum nuncia
mihi.

Ne reuoces me in dimidio dierum
meorum: in generatione & genera-
tionem anni tui.

Initio tu Domine terram fundâsti:
& opera manuum tuarum sunt cœli.

Ipsi peribunt, tu autem permanes:
& omnes sicut vestimentum vetera-
scent.

Et sicut opertorium mutabis eos, &
mutabuntur: tu autem idem ipse es,
& anni tui non deficient.

Filii seruatorum tuorum habitabunt:
& semen eorum in sæculum dirigitur.

Gloria Patri & Filio, &c.

Psalmus 129.

DE profundis clamaui ad te
Domi-

Domine: Domine exaudi vocem meam.

Fiant aures tuæ intendentes: in vocem deprecationis meæ.

Si iniquitates obseruaueris Domine: Domine quis sustinebit?

Quia apud te propitiatio est: & propter legem tuam sustinui te Domine.

Sustinuit anima mea in verbo eius: sperauit anima mea in Domino.

A custodia matutina vsque ad noctem: speret Israel in Domino.

Quia apud Dominum misericordia: & copiosa apud eum redemptio.

Et ipse redimet Israel ex omnibus iniquitatibus eius.

Gloria Patri, & Filio, &c.

Psalmus 142.

Domine exaudi orationem meam, auribus percipe obsecrationem meam: in veritate tua exaudi me in tua iustitia. Et

PSALMI

Et non intres in iudicium cum ser-
uo tuo: quia non iustificabitur in con-
spectu tuo omnis viuens.

Quia persecutus est inimicus ani-
mam meam: humiliavit in terra vi-
tam meam.

Collocavit me in obscuris sicut
mortuos sæculi: & anxius est super
me Spiritus meus, in me turbatum est
cor meum.

Memor fui dierum antiquorum,
meditatus sum in omnibus operibus
tuis: & in factis manuum tuarum me-
ditabar.

Expandi manus meas ad te: anima
mea sicut terra sine aqua tibi.

Velociter exaudi me Domine: de-
fecit Spiritus meus.

Non auertas faciem tuam à me: &
similis ero descendentibus in lacum.

Auditam fac mihi manè misericor-
diam tuam: quia in te speraui.

Notam fac mihi viam in qua ambulem: quia ad te leuavi animam meam.

Eripe me de inimicis meis Domine, ad te confugi: doce me facere voluntatem tuam, quia Deus meus es tu.

Spiritus tuus bonus deducet me in terram rectam: propter nomen tuum. Domine viuificabis me in æquitate tua.

Educes de tribulatione animam meam: & in misericordia tua disperdes omnes inimicos meos.

Et perdes omnes qui tribulant animam meam: quoniam ego seruus tuus sum.

Gloria Patri, &c.

ANTIPHONA.

Ne reminiscaris Domine delicta nostra, vel parentum nostrorum: neq; vindictam sumas de peccatis nostris.

LITANIÆ.

LITANIÆ.

K Yrie eleison.
Christe eleison.

Kyrie eleison.

Christe audi nos.

Saluator mundi. Adiuua nos.

Sancta Maria. Ora pro nobis.

S. Dei genitrix. Ora.

S. Virgo Virginum Ora.

Sancte Michael. Ora.

Sancte Gabriel. Ora.

Sancte Raphael. Ora.

Omnes sancti Angeli & Archangeli,
orate pro nobis.

Sancte Ioannes Baptista, ora pro no-
bis.

Omnes sancti Patriarchę & Prophe-
tę, orate pro nobis.

Sancte Petre, ora pro nobis.

S. Paule, ora pro nobis.

S. Andrea, ora pro nobis.

S. la.

S. Iacobe
S. Ioannes
S. Thoma
S. Iacobe
S. Philippe
S. Bartholom.
S. Matthæ
S. Simon
S. Thaddæ
S. Matthia
S. Barnaba
S. Luca
S. Marce

} ora pro nobis.

Omnes sancti Apostoli & Euangelistæ orate pro nobis.

Omnes sancti Discipuli Domini orate pro nobis.

Omnes sancti Innocentes, orate pro nobis.

S. Stephane
S. Laurenti
S. Vincenti
S. Albane

} ora pro nobis

S. Di-

LITANIÆ.

S. Dionysii cum sociis tuis, ora.

S. Mauriti cum sociis tuis, ora.

Sancti Fabiane & Sebastianæ, orate.

Omnes sancti Martyres, orate.

S. MARTINE

S. Nicolae

S. Gottharde

S. Gregori

S. Ambrosii

S. Augustine

S. Hieronymæ

} ora pro nobis.

Omnes sancti Pontifices & Confes-
sores, orate.

Omnes S. Doctores, orate.

Omnes sancti Monachi & Eremitæ,
orate.

S. Maria Magdalena, ora pro nobis.

S. Catharina, ora.

S. Margareta, ora.

S. Cæcilia, ora.

S. Barbara, ora.

S. Elisabeth, ora.

Omnes

Omnes sanctæ Virgines & Viduæ, o-
rate.

Omnes Sancti & Sanctæ Dei, interce-
dite pro nobis.

Propitius esto. Parce nobis Domine.

Propitius esto. Libera nos Domine.

Ab omni malo, Lib.

Ab omni peccato, lib.

Ab ira tua, lib.

Ab insidiis Diaboli, lib.

Ab omni immunditia mentis & cor-
poris, lib.

A clade & peste. lib.

Ab omnibus operibus tibi contrariis,
lib.

A morte perpetua & improuisa. lib.

Per Aduentum tuum. lib.

Per Natiuitatem tuam. lib.

Per Baptismum & sanctum ieiunium
tuum. lib.

Per Crucem & Passionem tuam. lib.

Per sanctam Resurrectionem tuam.
lib.

Per

LITANIAE

Per admirabilem Ascensionem tuam.
lib.

Per Aduentum Spiritus sancti Para-
cleti. lib.

In die iudicii. lib.

Peccatores. Te rogamus, audi nos.

Vt pacem & concordiam nobis do-
nes. Te rog.

Vt veram pœnitentiam nos agere
concedas. Te rog.

Vt indulgentiam peccatorum nostro-
rum nobis dones. Te rog.

Vt Ecclesiam tuam pacificare custo-
dire & regere digneris. Te rog.

Vt Donum Apostolicum, & cun-
ctum Ecclesiasticum ordinem in
sancta religione conseruare digne-
ris. Te rog.

Vt Pontificem nostrum, & cunctam
congregationem ei commissam in
sancta religione conseruare digne-
ris. Te rog.

Vt

Vt Regem nostrum & omnes principes nostros in tua voluntate conseruare digneris. Te rog.

Vt congregationem nostram in sancta religione conseruare digneris. Te rog.

Vt inimicos sanctæ Ecclesiæ humiliare digneris. Te rog.

Vt gentes Paganas ad agnitionem tui Nominis venire facias. Te rog.

Vt dies nostros in tua pace disponas. Te rog.

Vt fructus terræ dare & conseruare digneris. Te rog.

Vt nobis miseris misereri digneris. Te rog.

Vt animas nostras, fratrum, propinquorum & benefactorum, ab æterna damnatione eripias. Te rog.

Vt omnibus fidelibus defunctis requiem æternam donare digneris. Te rog.

Vt nos exaudire digneris. Te rog.

LITANIAE

Fili Dei. Terog.

Agnus Dei, qui tollis peccata mundi,
Parce nobis Domine.

Agnus Dei, qui tollis peccata mundi,
Exaudi nos Domine.

Agnus Dei, qui tollis peccata mundi,
Miserere nobis.

Christe audi nos.

Kyrie eleison. Christe eleison.

Kyrie eleison. Pater noster, &c.

V. Et ne nos inducas in tentationem.

R. Sed libera nos à malo.

Ps. Veni Domine (Cant. LXXXVIII)

QVINDECIM
GRADVS.

Psalmus 119.

AD Dominum cum tribularer
clamaui : & exaudiuit me. Do-
mine libera animam meam à labiis
iniquis : & à lingua dolosa. Quid
detur tibi aut quid apponatur tibi : ad

lin-

linguam dolosam. Sagitteꝑotentis acutæ: cum carbonibus desolatoriis. Heu mihi quia incolatus meus prolongatus est: habitavi cum habitantibus Cedar: multum incola fuit anima mea. Cum his qui oderunt pacem eram pacificus: cum loquebar illis impugnabant me gratis. Gloria Patri, & Filio, &c.

Psalmus 120.

Leuavi oculos meos in montes: unde ueniet auxilium mihi. Auxilium meum à Domino: qui fecit cælum & terram. Non det in commotionem pedem tuum: neque dormitet qui custodit te. Ecce non dormitabit neq; dormiet: q custodit Israel. Dñs custodit te, Dominus protectio tua: super manum dexterã tuã. Per diem sol nõ uideret te: neq; luna p noctẽ. Dñs custodit te ab omni malo: custodiat animã tuã Dominus. Dominus custodiat introi-

PSALMI

tum tuum & exitum tuum : ex hoc
nunc & vsque in seculum. Gloria Pa-
tri & Filio. &c.

Psalmus 121.

Lætatus sum in his quæ dicta sunt
mihi: in domum Domini ibimus.
Stantes erant pedes nostri: in atriis tu-
is Hierusalem. Hierusalem quæ ædi-
ficatur vt ciuitas : cuius participatio
eius in idipsum. Illuc enim ascende-
runt tribus tribus Domini : testimo-
nium Israel, ad confitendum nomini
Domini. Quia illic sederunt sedes in
iudicio: sedes super domum Dauid.
Rogate quæ ad pacem sunt Hierusa-
lem: & abundantia diligentibus te.
Fiat pax in virtute tua: & abundantia
in turribus tuis. Propter fratres meos
& proximos meos: loquebar pacem
dete. Propter domum Domini Dei
nostri: quæ suui bona tibi. Gloria, &c.

Psal.

Psalmus 122.

AD te leuavi oculos meos: qui habitas in cœlis. Ecce sicut oculi seruorum: in manibus Dominorum suorum. Sicut oculi ancillæ in manibus Domine suæ: ita oculi nostri ad Dominum Deum nostrum: donec misereatur nostri. Miserere nostri Domine miserere nostri: quia multum repleti sumus despectione. Quia multum repleta est anima nostra: opprobrium abundantibus & despectio superbis. Gloria, &c.

Psalmus 123.

Nisi quia Dominus erat in nobis: dicat nunc Israel: nisi quia Dominus erat in nobis. Cum exurgerent homines in nos: forte viuos deglutissent nos. Cum irasceretur furor eorū in nos: forsitan aqua absorbuisset nos. Torrentem pertransiuit anima nostra forsitan pertransisset anima nostra

L

aquam

PSALMI

aquam intolerabilem. Benedictus Dominus : qui non dedit nos in captionē dentibus eorum. Anima nostra sicut passer erepta est : de laqueo venantium. Laqueus contritus est : & nos liberati sumus. Adiutorium nostrum in nomine Domini : qui fecit cœlum & terram. Gloria, &c.

Psalmus 124.

Qui confidunt in Domino sicut mons Syon : non commouebitur in æternum qui habitat in Hierusalem. Montes in circuitu eius : & Dominus in circuitu populi sui : ex hoc nunc & vsq; in seculum. Quia non relinquet Dominus virgam peccatorum : super sortem iustorum : ut non extendant iusti ad iniquitatem manus suas. Benefac Domine : bonis & rectis corde. Declinantes autem in obligationes : adducet Dominus cum operantibus iniquitatem : pax super Israel. Gloria &c.

Psal.

Psalms 125.

IN conuertendo Dominus captiuitatem Syon: facti sumus sicut conso-
lati. Nunc repletum est gaudio os no-
strum: & lingua nostra exultatione.
Tunc dicent inter Gentes: magnifica-
uit Dominus facere cum eis. Magnifi-
cavit Dominus facere nobiscum: facti
sumus letantes. Conuertere Domine
captiuitatem nostram: sicut torrens in
austro. Qui seminant in lachrymis: in
exultatione metent. Euntes ibant &
flebant: mittentes semina sua. Venien-
tes autem venient cum exultatione:
portantes manipulos suos. Gloria Pa-
tri. &c.

Psalms 126.

Nisi Dominus ædificauerit domū
in vanum laborauerunt qui æ-
dificant eam. Nisi Dominus custodie-
rit ciuitatem: frustra vigilat qui cu-

PSALMI

stodit eam. Vanum est vobis ante lucem surgere; surgite postquam sederitis: qui manducatis panem doloris. Cum dederit dilectis suis somnum: ecce hereditas Domini: filii merces fructus ventris. Sicut sagittæ in manu potentis: ita filii excussorum. Beatus vir qui impleuit desiderium suum ex ipsis: non confundetur cum loquetur inimicis suis in porta. Gloria Patri, &c.

Psalmus 127.

BEati omnes qui timent Dominum: qui ambulant in viis eius. Labores manuum tuarum quia manducabis: beatus es & bene tibi erit. Vxor tua sicut vitis abundans: in lateribus domus tuæ. Filii tui sicut novellæ oliuarum: in circuitu mensæ tuæ. Ecce sic benedicetur homo: qui timet Dominum. Benedicat tibi Dominus ex Syon: & videas bona Hieru-

salem omnibus diebus vitæ tuæ. Et videas filios filiorum tuorum: pacem super Israel. Gloria. &c.

Psalmus 128.

Sæpe expugnauerunt me à iuuentute mea: dicat nunc Israel. Sæpe expugnauerunt me à iuuentute mea: etenim non potuerunt mihi. Supra dorsum meum fabricauerunt peccatores: prolongauerunt iniquitatem suam. Dominus iustus concidet ceruices peccatorum: confundantur & conuertantur retrorsum: omnes qui oderunt Syon. Fiant sicut scænum tectorum: quod priusquam euellatur exaruit. De quo non implebit manum suam qui metet: & sinum suum qui manipulos colliget. Et non dixerunt qui præteribant: benedictio

Domini super vos: benediximus vobis in nomine Domini.

Gloria. &c.

PSALMI

Psalmus 129.

DE profundis clamaui ad te Domine : Domine exaudi vocem meam. Fiant aures tuæ intendentes : in vocem deprecationis meæ : Si iniquitates obseruaueris Domine : Domine quis sustinebit ? Quia apud te propitiatio est : & propter legem tuam sustinui te Domine. Sustinuit anima mea in verbo eius : sperauit anima mea in Domino. A custodia matutina usque ad noctem : speret Israel in Domino. Quia apud Dominum misericordia : & copiosa apud eum redemptio. Et ipse redimet Israel : ex omnibus iniquitatibus eius. Gloria Patri, & Filio, &c.

Psalmus 130.

Domine non est exaltatum cor meum : neque elati sunt oculi mei. Neque ambulauit in magnis : neque in mirabilibus super me. Si non hu-
mili-

militer sentiebam : sed exaltaui animam meam. Sicut ablactatus est super matre sua : ita retributio in anima mea. Speret Israel in Domino : ex hoc nunc & vsque in seculum. Gloria Patri, &c.

Psalmus 131.

Memento Domine Dauid : & omnis mansuetudinis eius. Sicut iurauit Domino : votum vouit Deo Iacob. Si introiero in tabernaculum domus meæ : si ascendero in lectum strati mei. Si dederò somnum oculis meis : & palpebris meis dormitationem. Et requiem temporibus meis : donec inueniam locum Domino : tabernaculum Deo Iacob. Ecce audiui-mus eam in Efrata : inuenimus eam in campis Silue. Introibimus in tabernaculum eius : adorabimus in loco vbi steterunt pedes eius. Surge Domine in requiem tuam : tu & archa

PSALMI

sanctificationis tuæ. Sacerdotes tui induantur iustitia: & sancti tui exultent. Propter David seruum tuum: non auertas faciem Christi tui. Iurauit Dominus David veritatem: (et nō frustrabitur eum) de fructu ventris tui ponam super sedem tuam. Si custodierint filii tui testamentum meū: & testimonia mea hæc quę docebo eos. Et filii eorum vsq; in seculū, sedebūt super sedem tuam. Quoniam elegit Dominus Syon: elegit eam in habitationem sibi. Hæc reges mea in seculum seculi: hic habitabo, quoniam elegi eam. Viduam eius benedicens benedicā: pauperes eius saturabo panib. Sacerdotes eius induā salutari: & sancti eius exultatione exultabunt. Illuc producam cornu David: paraui lucernā Christo meo. Inimicos eius induam confusione: super ipsum autem effloreat sanctificatio mea.

Gloria.&c.

Psal.

Psalms 132.

ECce quam bonum & quam iucundum; habitare fratres in vnum. Sicut vngentum in capite: quod descendit in barbam, barbam Aaron. Quod descendit in oram vestimenti eius: sicut ros Hermon qui descendit in montem Syon. Quoniam illic mandavit Dominus benedictionem, & vitam usque in seculum. Gloria, &c.

Psalms 133.

ECce nunc benedicite Domino: omnes serui Domini. Qui statis in Domo Domini: in atriis domus Dei nostri. In noctibus extollite manus vestras in sancta: & benedicite Domino. Benedicat te Dominus ex Syon: qui fecit cælum & terram. Domine exaudi orationem meam; auribus percipe obsecrationem meam, in ve-

PSALMI

ritate tua exaudi me in tua iustitia. Et non intres in iudicium cum seruo tuo: quia non iustificabitur in conspectu tuo omnis viuens. Quia persecutus est inimicus animam meam: humili-
auit in terram vitam meam. Collocauit me in obscuris sicut mortuos seculi: & anxius est super me Spiritus meus: in me turbatum est cor meum. Memor fui dierum antiquorum: meditatus sum in omnibus operibus tuis: in factis manuum tuarum meditabar. Expandi manus meas ad te: anima mea sicut terra sine aqua tibi. Velociter exaudi me Domine: defecit Spiritus meus. Non auertas faciem tuam à me: & similis ero descendantibus in lacum. Auditam fac mihi mane misericordiam tuam: quia in te speraui. Notam fac mihi viam in qua ambulem: quia ad te leuaui animam meam. Eripe me de inimicis meis Domine ad te confugi: doce me facere volun-

tatem tuam : quia Deus meus es tu.
Spiritus tuus bonus deducet me in
terram rectam : propter nomen tu-
um Domine viuificabis me in æquita-
te tua. Educes de tribulatione ani-
mam meam : & in misericordia tua,
disperdes inimicos meos. Et per-
des omnes qui tribulant animam me-
am : quoniam ego seruus tuus sum.
Gloria, &c.

Kyrie eleison. Christe eleison.

Kyrie eleison. Pater noster, &c.

V. Et ne nos inducas in tentationem.

R. Sed libera nos à malo.

V. Oremus pro omni gradu Eccle-
siæ.

R. Sacerdotes tui induantur iustitia
& Sancti tui exultent.

V. Domine saluum fac regem.

R. Et exaudi nos in die qua inuoca-
uerimus te.

EXERCITATIONES

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum Spiritu tuo.

O R E M V S.

OMnipotens sempiterne Deus
cuius Spiritu totum corpus Ec-
clesiæ sanctificatur & regitur: exaudi
nos pro vniuersis ordinibus suppli-
cantes: vt gratiæ tuæ munere ab o-
mnibus tibi gradibus fideliter serui-
tur. *P.P. Eximitur Comma*

Monks Argut. ppe. Crel.
DEus in cuius manu sunt omniū
potestates, & omnia iura regno-
rum: respice ad Christianum beni-
gnus Imperium, vt gentes quæ in sua
feritate confidunt, potentiæ tuæ dex-
tera comprimantur. Per Christum
Dominum nostrum.

Amen.

SEQUVNTVR ALIÆ ORATIONES CVM PRÆPARATIONE ordinaria ante celebrationem Missæ, & post finem Missæ.

PRÆPARATIO ORDINARIA ante Missam, quæ dicitur
Accessus Altaris.

Antiphona.

NE reminiscaris Domine delicta nostra, vel parentum nostrorum, neq; vindictam sumas de peccatis nostris.

QVÆ ANTIPHONA IN duplicibus tantum duplicatur.

Psalmus.

QVam dilecta tabernacula tua Domine virtutum: concupiscit, & deficit anima mea in atria Domini.
Cor meum, & caro mea exultaue-

EXERCITATIONES

runt in Deum viuum,

Etenim passer inuenit sibi domum: & turtur nidum, vbi reponat pullos suos.

Altaria tua Domine virtutum: Rex meus & Deus meus.

Beati qui habitant in domo tua Domine: in secula seculorum laudabunt te.

Beatus vir, cuius est auxilium abs te ascensionem in corde suo disposuit in valle lachrymarum, in loco quem posuit.

Etenim benedictionem dabit legislator: ibunt de virtute in virtutem: videbitur Deus Deorum in Sion.

Domine Deus virtutum, exaudi orationem meam: auribus percipe Deus Iacob.

Protektor noster aspice Deus: & respice in faciem Christi tui.

Quia melior est dies vna in atriis tuis: super millia.

Elegi abiectus esse in domo Dei mei: magis quam habitare in tabernaculis peccatorum.

Quia misericordiam, & veritatem diligit Deus: gratiam, & gloriam dabit Dominus.

Non priuabit bonis eos, qui ambulant in innocentia: Domine virtutum beatus homo, qui sperat in te. Gloria Patri, &c.

Psalmus.

Benedixisti Domine terram tuam: auertisti captiuitatem Iacob. Remi-

Remisisti iniquitatem plebis tuæ : operuisti omnia peccata eorum.

Mitigasti omnem iram tuam : auertisti ab ira indignationis tuæ.

Conuertere nos Deus salutaris noster : & auerte iram tuam à nobis.

Nūqd in æternū irasceris nobis? aut extēdes iram tuam à generatione in generationem?

Deus tu conuersus uiuificabis nos: & plebs tua lætabitur in te.

Ostende nobis Domine misericordiam tuam : & salutare tuum da nobis.

Audiā quid loquatur in me Dominus De⁹ : quoniam loquetur pacem in plebem suam.

Et super sanctos suos : & in eos qui conuertuntur ad cor.

Veruntamē prope timentes cum salutare ipsius : ut inhabitet gloria in terra nostra.

Misericordia & veritas obuiauerunt sibi : iustitia, & pax osculatæ sunt.

Veritas de terra orta est : & iustitia de cœlo prospexit.

Etenim Dominus dabit benignitatem : & terra nostra dabit fructum suum.

Iustitia ante eū ambulabit : & ponet in viam gressus suos. Gloria Patri, & Filio, &c.

Psalmus.

Inclina Domine aurem tuam, & exaudime : quoniam inops, & pauper sum ego.

EXERCITATIONES

Cultodi animam meam, quoniam sanctus sum: saluum fac seruum tuum Deus meus sperantem in te.

Miserere mei Domine, quoniam ad te clamaui tota die: letifica animam serui tui, quoniam ad te Domine animam meam leuaui.

Quoniam tu Domine suavis, & mitis: & multæ misericordiæ omnibus inuocantibus te.

Auribus percipe orationem meā: & intende voci deprecationis meæ.

In die tribulationis meæ clamaui ad te: quia exaudisti me.

Non est similis tui in diis Domine: & non est secundum opera tua.

Omnes gentes, quascunque fecisti, venient, & adorabunt coram te Domine: & glorificabunt nomen tuum:

Quoniam magnus es tu, & faciens mirabilia: tu es Deus solus.

Deduc me Domine in via tua, & ingrediar in veritate tua: latetur cor
meum,

meum, vt timeat nomen tuum.

Confitebor tibi Domine Deus me⁹
in toto corde meo: & glorificabo no-
men tuum in æternum.

Quia misericordia tua magna est
super me: & eruisti animam meam ex
inferno inferiori.

Deus, iniqui insurrexerunt super
me: & Synagoga potentium quæsi-
erunt animam meam, & non propo-
suerunt te in conspectu suo.

Et tu Domine Deus miserator, &
misericors: patiens, & multæ miseri-
cordiæ, & verax.

Respice in me, & miserere mei: da
imperium tuum puero tuo, & saluum
fac filium ancillæ tuæ.

Pac mecum signum in bonum, vt
videant qui oderunt me, & confun-
dantur: quoniam tu Domine adiuui-
sti me, & consolatus es me.

Gloria patri, & filio, &c.

EXERCITATIONES

Psalmus.

CRedidi propter quod locutus sū:
ego autē humiliatus sum nimis.

Ego dixi in excessu meo: omnis ho-
mo mendax.

Quid retribuam Domino: pro o-
mnibus quæ tribuit mihi?

Calicem salutaris accipiam: & no-
men Domini inuocabo.

Vota mea Domino reddam coram
omni populo eius: pretiosa in con-
spectu Domini mors sanctorum eius.

O Domine quia ego seruus tuus:
ego seruus tuus, & filius ancillæ tuæ.

Dirupisti vincula mea, tibi sacrifi-
cabo hostiam laudis: & nomen Do-
mini inuocabo.

Vota mea Domino reddam in con-
spectu omnis populi eius: in atriis Do-
mus Domini, in medio tui Hierusa-
lem.

Gloria Patri, & filio, &c.

Psal-

Psalmus.

DE profundis clamaui ad te Domine: Domine exaudi vocem meā.

Fiant aures tuæ intendentes: in vocem deprecationis meæ.

Si iniquitates obseruaueris Domine: Domine quis sustinebit?

Quia apud te propitiatio est: & propter legem tuam sustinui te Domine.

Sustinuit anima mea in verbo eius: sperauit anima mea in Domino.

A custodia matutina vsque ad noctem: speret Israel in Domino.

Quia apud Dominum misericordia: & copiosa apud eum redemptio.

Et ipse redimet Israel: ex omnibus iniquitatibus eius.

Gloria Patri, & filio, &c.

Deinde repetitur Antiphona.

Ne reminiscaris Domine delicta nostra, vel parentum nostrorum: neque vindictam sumas de peccatis nostris.

KYrie eleison. Christe eleison.
Kyrie eleison. Pater noster.

EXERCITATIONES

Versus. Et ne nos inducas in tentationem.

Responsorium. Sed libera nos à malo.

V. Ego dixi, Domine miserere mei.

R. Sana animam meam, quia peccavi tibi.

V. Conuertere Domine aliquantulū.

R. Et deprecare super seruos tuos.

V. Fiat misericordia tua Domine. super nos.

R. Quemadmodum sperauimus in te.

V. Sacerdotes tui induantur iustitiā.

R. Et Sancti tui exultent.

V. Ab occultis meis munda me Domine.

R. Et ab alienis parce seruo tuo.

V. Domine exaudi orationem meam,

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

A Vres tuę pietatis mitissime Deus
inclina precibus nostris, & gra-

tin

tia sancti spiritus illumina cor nostrū,
vt tuis mysteriis digne ministrare, teq;
æterna charitate diligere mereamur.

DEus cui omne cor patet, & omnis
voluntas loquitur, & quem nul-
lum latet secretum, purifica per infu-
sionem sancti Spiritus cogitationes
cordis nostri, vt te perfecte diligere, &
digne laudare mereamur.

Vke igne sancti Spiritus renes no-
stros, & cor nostrum Domine, vt
tibi casto corpore seruiamus, & mun-
do corde placeamus.

MEntes nostras quæsumus Domi-
ne paraclitus, qui à te procedit,
illuminet, & inducat in omnem, sicut
tuus promisit filius, veritatem.

ADñt nobis quæsumus Domine
virtus Spiritus sancti, quæ & cor
da nostra clementer expurget, & ab o-
mnibus tueatur aduersis.

Deus

EXERCITATIONES

DEus qui corda fidelium sancti Spiritus illustratione docuisti: da nobis in eodem spiritu recta sapere & de eius semper consolatione gaudere.

Conscientias nostras quaesumus Domine visitando purifica, ut veniens Dominus noster **I E S V S** Christus filius tuus, paratam sibi in nobis inueniat mansionem. Qui tecum vivit, & regnat in unitate spiritus sancti Deo, per omnia secula seculorum. Amen.

*ALIE ORATIONES PRO
opportunitate Sacerdotis, ante celebrationem, & communionem
dicenda.*

Oratio S. Ambrosii Episcopi.

Summe Sacerdos, & vere Pontifex
I E S V Christe, qui te obtulisti Deo patri hostiam puram, & immaculatam in ara crucis pro nobis miseris peccatoribus, qui que dedisti nobis carnem
tuam

tuam ad manducandum, & sanguinem tuum ad bibendum, & posuisti mysterium illud in virtute spiritus sancti, dicens: Hæc quotiescunq; feceritis, in mei memoriam facietis. Rogo te pater per sanguinem tuum pretiosum, magnum salutis nostræ pretium, rogo per hanc mirabilem, & ineffabilem charitatem tuam, qua nos miseros & indignos sic amare dignatus es, vt lauares nos à peccatis nostris in sanguine tuo: doce me indignum seruum tuum, quem inter cætera dona tua ad officium sacerdotale vocare dignatus es nullis meis meritis, sed sola dignatione misericordiæ tuæ. Doce me quæso per spiritum sanctum tuum, tantum tractare mysterium ea reuerentia, & timore, quibus oportet & decet. Fac me per gratiã tuã semper illud de tãto mysterio credere, & intelligere, dicere, & cogitare, sentire, & firmiter retinere, q̃ tibi placet, & expedit animæ

EXERCITATIONES

animæ meæ. Intret spiritus tuus bonus in cor meum, qui sonet ibi sine sono, & sine strepitu verborum, loquatur veritatem tantorum mysteriorum. Profunda sunt quippe nimis, & sacro tecta velamine. Propter magnam clementiam tuam Deus, concede mihi missarum solennia puro corde, & munda mente celebrare. Libera cor meum ab immundis, nefandis, & noxiis cogitationibus. Muni me beatorum Angelorum pia, & fida tutela, atque fortissima custodia, ut hostes omnium bonorum confusi discedant, per virtutem tanti mysteriorum, & per manum sancti Angelitui. Repelle à me, & à cunctis servis tuis durissimum spiritum superbiæ, & cenodoxiæ, invidiæ, & blasphemæ, dubietatis, & diffidentæ. Confundantur qui me persequuntur: pereant illi, qui cuncta perdere festinant. Rex virtutum amator castitatis, & integritatis Deus, cœlesti rore benedi-

nedictionis tuæ extingue in me, & in corpore meo totum fomitem libidinis, vt maneat in me tenor totius castitatis aîę & corporis. Mortifica in mēbris meis carnis stimulos, omnesque libidinosas commotiones, & da mihi veram & perpetuam castitatem cum cæteris bonis tuis, quæ tibi placent in veritate, vt Sacrificium laudis casto corpore, & mundo corde quotidie valeam tibi offerre. Quanta enim cordis contritione, & lachrymarum fonte, quanta reuerentia & tremore, quanta corporis castitate, & animæ puritate hoc diuinum & cœleste Sacrificium est celebrandum? Vbi caro tua in veritate sumitur, vbi sanguis tuus in veritate bibitur, vbi summis ima coniunguntur; vbi adest sãctorum præsencia Angelorum, vbi tu es Sacerdos, & Sacrificium mirabiliter & ineffabiliter constitutus. Quis digne hoc celebrare mysterium potest, nisi tu Deus

M

omni-

EXERCITATIONES

omnipotens offerentem feceris dignum? Scio, & vere scio, quod non sum dignus accedere ad tantum mysterium propter nimia peccata mea, & infinitas negligētiās meas. Sed scio, & veraciter credo, & ex toto corde meo, & ore confiteor, quia tu potes me facere dignum, qui solus potes facere mundum de immundo conceptum semine, & de peccatoribus iustos facis, & sanctos. Per hanc omnipotentiam tuam te rogo, concede mihi peccatori hoc cœleste Sacrificium celebrare cum timore, & tremore, cū cordis puritate, & lachrymarum fonte, cū lætitia spiritali, & cœlesti gaudio. Sētiat mēs mea dulcedinē beatissimæ præsentiaē tuæ, & excubias sanctorum Angelorum tuorum in circuitu meo. Etenim memor venerandæ passionis tuæ, accedo ad altare tuum, licet peccator, ut offerā tibi Sacrificiū, quod tu instituisti, & offerri præcepi-

sti, in

iti, in commemoratione tua, pro salute nostra. Peto clementiam tuam, vt descendat super hunc panem, & calicem plenitudo træ diuinitatis. Descendat etiam Domine illa spiritus sancti tui inuisibilis, incomprehensibilisq; maiestas, sicut quondam in patrum hostias descendebat: quæ & obligationes nostras corpus, & sanguinem tuum efficiat, & me indignum Sacerdotem tuum doceat tantum tractare mysteriũ cum cordis puritate, & lachrymarum fonte, cum reuerentia, & tremore: ita vt placide, & benigne suscipias Sacrificium de manibus meis ad salutem omnium, tam viuorum, quam defunctorum. Rogo te Domine per ipsum sacrosanctum, & viuificum mysterium corporis, & sanguinis tui, quo quotidie in Ecclesia tua pascimur, & potamur, atque vnius diuinitatis participes efficimur, da mihi virtutes sanctas, quibus repletus bona conscientia

EXERCITATIONES

ad altare tuum accedam, ita ut hæc cœlestia Sacramenta efficiantur mihi salus, & vita. Tu enim dixisti ore tuo sancto, & benedicto, Panis quem ego dabo, caro mea est pro mundi vita. Qui manducat me, viuet propter me, ipse manet in me, & ego in eo. Ego sum panis viuus, qui de cœlo descendi. Si quis manducauerit de hoc pane, viuet in æternum. Panis dulcissime sana palatum cordis mei, ut sentiam suauitatem amoris tui. Sana illud ab omni languore, ut nullum præter te quærat amorem, nullam præter te amet pulchritudinem. Panis candidissime habens omne delectamentum, & omnem saporem, qui nos de te semper reficis. Comedat te cor meum, & dulcedine saporis tui repleantur viscera animæ meæ. Manducat te Angelis pleno ore in patria, manducet te peregrinus homo pro modulo suo, ne deficere possit in via, tali recreatus viatico.

co. Pa.

co. Panis sancte, panis viue, panis pulcher, panis munde, qui descendiſti de cœlo, & das vitam mundo: veni in cor meum, & munda me ab omni inquinamento carnis & spiritus, intra in animam meam, sana & sanctifica me interius & exterius. Eſto tutamentũ, & continua ſalus corporis, & animæ meæ. Repelle à me inſidiantes mihi hoſtes, recedant procul à potentia præſentiæ tuæ, vt foris, & intus munitus, per te recto tramite ad regnum tuum perueniam, vbi non in myſteriis, ſicut in hoc tempore agitur, ſed facie ad faciem te videbimus, cum tradideris regnum Deo patri, & Deus erit omnia in omnibus. Tunc enim me de te ſatiabis ſatietate mirifica, ita vt neque eſuriam, neque ſitiam in æternum.

Amen.

EXERCITATIONES

ALIA ORATIO SANCTI

Ambrosii.

AD mensam dulcissimi conuiuii tui, pie Domine IESU Christe ego peccator de propriis meritis nihil praesumens, sed de tua confidens misericordia, & bonitate, accedere vereor & contremisco. Nam cor, & corpus habeo multis criminibus maculatum, mentem & linguam non caute custoditam. Ergo o pia deitas, o tremenda maiestas, ego miser inter angustias deprehensus, ad te fontem misericordiae recurro, ad te festino sanandus, sub tuam protectionem fugio, & quem iudicem sustinere nequeo, saluatorem habere suspiro. Tibi Domine plagas meas ostendo, tibi verecundiam meam detego, scio peccata mea multa, & magna pro quibus timeo, spero misericordias tuas, quarum non est numerus. Respice ergo in me oculis mi-

seri-

sericordiæ tuæ, Domine IESV Chri-
ste, Rex æterne, Deus & homo, cruci-
fixus propter hominem. Exaudi me
sperantem in te: miserere mei pleni
miseriis, & peccatis, tu qui fontem mi-
serationis nunquam manare cessabis.
Salve salutaris victima pro me, & o-
mni humano genere in patibulo cru-
cis oblata. Salve nobilis, & pretiose
sanguis de vulneribus crucifixi Domi-
ni mei IESV Christi profluens, & pec-
cata totius mundi abluens. Recor-
dare Domine creaturæ tuæ, quam tuo
sanguine redemisti: pœnitet me pec-
casse, cupio emendare quod feci. Au-
fer ergo à me clementissime pater o-
mnes iniquitates, & peccata mea, vt
purificatus mente & corpore digne
degustare merear sancta sanctorum:
& concede vt sancta prælibatio cor-
poris & sanguinis tui, quam ego in-
dignus sumere intendo: sit peccatorū
meorum remissio, sit delictorum

M 4 perfe-

EXERCITATIONES

perfecta purgatio, sit turpium cogitationum effugatio, bonorumque sensuum regeneratio, operumque tibi placentium salubris efficacia, anime quoque & corporis contra inimicorum meorum insidias firmissima tuitio. Amē.

ORATIO SANCTI THOMAE Aquinatis.

Onnipotens sempiternus Deus, ecce accedo ad Sacramentum vni-
geniti filii tui Domini nostri IESU
Christi. Accedo tanquam infirmus ad
medicum vitæ, immundus ad fontem
misericordiæ, cæcus ad lumen clarita-
tis æternæ, pauper & egenus ad Do-
minum cœli, & terræ. Rogo ergo im-
mensæ largitatis tuæ abundantiam, qua-
tenus meam curare digneris infirmi-
tatē, lauare fœditatē, illuminare cæci-
tatem, ditare paupertatem, vestire nu-
ditatem, vt panem Angelorum, regem
regū, Dominū Dominantiū tanta susci-
piam reuerentia, & humilitate, tanta

contritione, & deuotione, tanta puritate, & fide, tali proposito, & intentione, sicut expedit salutis animæ meæ. Da mihi quæso dominici corporis, & sanguinis non solum suscipere Sacramentum, sed etiam rem, & virtutem Sacramenti. O mitissime Deus da mihi corp^s vnigeniti filii tui Domini nostri IESV Christi, quod traxit de virgine Maria, si suscipere: vt corpori suo mystico merear incorporari, & inter eius membra connumerari, O amantissime pater, concede mihi dilectum filium tuum, quem nunc velatum in via suscipere propono, reuelata tandem facie perpetuo contemplari. Qui tecum vivit & regnat, &c.

ORATIO SANCTI GREG-

gorii ante Missam.

FACTURUS memoriam salutaris hostiæ totius mundi: cum illius dignitatem, & meam intueor sceditatē, conscientia torqueor peccatorum. Verū

M s quia

EXERCITATIONES

quia tu Deus multum misericors es, imploro, vt digneris mihi dare spiritum contribulatum, quod tibi gratum Sacrificium reuelasti, vt eo purificatus, vitali hostiæ pias manus admoueam, quæ omnia mea peccata aboleat, & ea deinceps in perpetuum mihi vitandi cautelam infundat, omnibusq; pro quibus tibi offertur, præsentis, & futuræ salutis commercii largiaris. Per Dominum nostrum.

Gratiarum actio post Missam, quæ Recessus altaris dicitur.

Antiphona.

Trium puerorum cantemus hymnum, quem cantabant in camino ignis, benedicentes Dominum.

Et duplicatur in duplicibus.

Canticum trium puerorum.

Benedicite omnia opera Domini Domino: laudate, & superexaltate eum in secula.

Benedicite Angeli Domini Domino: benedicite cæli Domino. Be-

Benedicite aquæ omnes, quæ super
cælos sunt, Domino: benedicite om-
nes virtutes Domini Domino.

Benedicite Sol & Luna Domino:
benedicite stellæ cæli Domino.

Benedicite imber & ros Domino: be-
nedicite omnes spiritus Dei Domino.

Benedicite ignis, & æstus Domino:
benedicite frigus & æstas Domino.

Benedicite rores, & pruina Domi-
no: benedicite gelu & frigus Domino.

Benedicite glacies, & niues Domi-
no: benedicite noctes & dies Domino.

Benedicite lux & tenebrę Domino:
benedicite fulgura & nubes Domino.

Benedicat terra Dominum: laudet
& superexaltet eum in secula.

Benedicite montes, & colles Do-
mino: benedicite vniuersa germinan-
tia in terra Domino.

Benedicite fontes Domino: bene-
dicite maria & flumina Domino.

Benedicite cetæ, & omnia quę mo-

EXERCITATIONES

uentur in aquis Domino: benedicite omnes volucres cœli Domino.

Benedicite oēs bestiæ, & pecora Domino: benedicite filii hominū domino

Benedicat Israel Dominum: laudet & superexaltet eum in secula.

Benedicite Sacerdotes Domini Domino: benedicite serui D. Domino.

Benedicite spiritus, & animæ iustorum Domino: benedicite sancti, & humiles corde Domino.

Benedicite Anania, Azaria, Misael Domino: laudate, & superexaltate eū in secula.

Benedicamus patrem, & filium cū sancto spiritu: laudemus, & superexaltemus eum in secula.

Benedictus es Domine in firmamento cœli: & laudabilis, & gloriosus, & superexaltatus in secula.

Psalmus,

Laudate D. in sanctis eius: laudate eum in firmamento virtutis eius.

Laudate eum in virtutibus eius: lau-

date eum secundum multitudinem
magnitudinis eius.

Laudate eum in sono tubæ: laudate e-
um in psalterio, & cithara.

Laudate eum in tympano, & choro:
laudate eum in chordis & organo.

Laudate eum in cymbalis bene sonan-
tibus, laudate eum in cymbalis iubila-

tionis: omnis Spiritus laudet Dominū
Gloria Patri, & Filio: & S. Sancto.

Sicut erat in principio, & nunc & sem-
per: & in secula seculorum. Amen.

DEINDE REPETITVR

Antiphona.

Trium puerorum cantemus hymnū,
quem cantabant in camino ignis, be-
nedicentes Dominum.

Kyrie eleison, Christe eleison.

Kyrie eleison, Pater noster.

Et ne nos inducas in tentationem.

Sed libera nos à malo. (opera tua.

V. Confiteantur tibi Domine omnia

R. Et Sancti tui benedicant tibi.

V. Ex-

EXERCITATIONES

V. Exultabunt sancti in gloria.

R. Lætabuntur in cubilibus suis.

V. Non nobis Domine; non nobis.

R. Sed nomini tuo da gloriam.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum Spiritu tuo.

ORATIO.

Deus qui tribus pueris mitigasti
flammas ignium, concede propi-
tius, vt nos famulos tuos non exurat
flamma vitiorum.

Actiones nostras quæsumus Do-
mine aspirando præueni, & ad-
iuuando prosequere, vt cuncta nostra
oratio & operatio à te semper incipi-
at, & per te cœpta finiatur.

DA nobis quæsumus omnipotens
Deus vitiorum nostrorum flam-

mas extinguere, qui beato Laurentio tribuisti tormentorum suorum incendia superare. Per Christum Dominum nostrum. Amen.

ALIÆ ORATIONES
POST CELEBRATIONEM,
& communionem
dicendæ.

ORATIO SANCTI

Thomæ.

GRatias tibi ago Domine sancte,
Pater omnipotens, æterne Deus
qui me peccatorem indignum famu-
lum tuum nullis meis meritis, sed sola
dignatione misericordiæ tuæ, satiare
dignatus es pretioso corpore, & san-
guine filii tui Dñi nostri Jesu Christi:
& precor vt hæc sancta communio nō
sit mihi reatus ad pœnā, sed intercessio
salutaris ad veniam, sit mihi armatura
fidei, & scutum bonæ voluntatis,

fit

EXERCITATIONES

fit vitiorum meorum euacuatio concupiscentiæ, & libidinis exterminatio, charitatis, & patientiæ, humilitatis, & obedientiæ augmentatio, contra insidias inimicorum omnium, tam visibilibium, quàm inuisibilium firma defensio, motuum meorum tam carnalium, quàm spiritualium, perfecta quietatio, in te vno ac vero Deo firma adhesio, atque finis mei felix consummatio. Et precor te, vt ad illud ineffabile conuiuium me peccatorem perducere digneris, vbi tu cum Filio tuo, & Spiritu sancto, sanctis tuis es lux vera, satietas plena, gaudium sempiternum, iucunditas consummata, & felicitas perfecta. Per Christum Dominum nostrum. Amen.

ALIA ORATIO SANCTI *Bonaventura.*

TRansige dulcissime Domine Iesu medullas, & viscera animarum

mearum,

meæ suauissimo, ac saluberrimo amoris tui vulnere, vera, serenaq; & apostolica sanctissima charitate, vt langueat, & liquefiat anima mea solo semper amore, & desiderio tui, te concupiscat, & deficiat in atria tua, cupiat dissolui, & esse tecum. Da vt anima mea te esuriat panem Angelorum, refectionem animarum sanctarum, panem nostrum quotidianum, supersubstantialem, habentem omnem dulcedinem, & saporem, & omne delectamentum suauitatis: te, in quem desiderant Angeli prospicere, semper esuriat, & comedat cor meum, & dulcedine saporis tui repleatur viscera animæ meæ, te semper sitiatur fontem vitæ, fontem sapientiæ, & scientiæ, fontem æterni luminis, torrentem voluptatis, vbertatem domus Dei, te semper ambiat, te quærat, te inueniat, ad te tendat, ad te perueniat, te meditetur, te loquatur, & omnia operetur

in

EXERCITATIONES

in laudem, & gloriam nominis tui,
cum humilitate, & discretione, cum
dilectione & delectatione, cum faci-
litate, & affectu, cum perseverantia,
vsque in finem, & tu sis solus semper
spes mea, tota fiducia mea, diuitiæ
meæ, delectatio mea, iucunditas mea,
gaudium meum, quies, & tranquilli-
tas mea, pax mea, & suauitas mea, o-
dor meus, dulcedo mea, cibus meus,
refectio mea, refugium meum, auxi-
lium meum, sapientia mea, portio mea
& possessio mea, thesaurus meus, in
quo fixa, & firma, & immobiliter sem-
per sit radicata mens mea, & cor me-
um. Amen.

RHYTHMVS SANCTI

*Thoma, ad Sacram Eucha-
ristiam.*

Adoro te deuotè latens deitas,
Quæ sub his figuris verè latitas.

Tibi

Tibi se cor meum totum subiicit,
Quia te contemplans totum deficit,
Visus, gustus, tactus in te fallitur.
Sed auditu solo tutè creditur.
Credo quicquid dixit Dei filius,
Nihil veritatis hoc verbo verius,
In cruce latebat sola deitas,
Sed hic laret simul & humanitas.
Ambo tamen credens atque confitès,
Peto quod petiuit latro pœnitens.
Plagas sicut Thomas non intueor,
Deum tamen meum te confiteor.
Fac me tibi semper magis credere,
In te spem habere, te diligere.
O memoriale mortis Domini,
Panis verus, vitam præstans homini.
Præsta meæ menti de te viuere,
Et te illi semper dulce sapere.
Pie Pelicane IESV Domine,
Me immundam munda tuo sanguine
Cuius vna stilla saluum facere
Totum mundum posset omni scelere.
IESV, quem velatum nunc aspicio.

Quan-

EXERCITATIONES

Quando fiet illud, quod tam sitio,
Vt te reuelata cernens facie,
Visu sim beatus tuæ gloriæ? Amen.

ALIA ORATIO POST *Missam.*

Ineffabilem misericordiam tuam,
imploro Domine IESU Christe, vt
hoc Sacramentum corporis, & san-
guinis tui, quod ego indignus pecca-
tor sumpsi, sit mihi purgatio scelerum
sit fortitudo fragilium, sit contra mū-
di pericula firmamentum, sit impetra-
tio veniæ, sit stabilimentum gratiæ, sit
medicamentum vitæ, sit mihi me-
moriam passionis tuæ, sit diminutio
fomitis, sit viaticum meæ peregrina-
tionis. Euntem me perducatur,
errantem me reducat, reuertentem
me suscipiat, titubantem teneat,
cadentem erigatur, perseverantem in
gloriam introducat, tumq; perseverantia
sic inuitet palatum cordis mei, vt

nul-

nullam præter te sentiat dulcedinem, nullam amet pulchritudinem, nullam admittat delectationem, nullum quærat amorem, nullum teneat amorem, sed te præ omnibus amet, te sequatur, tibi perenniter adhæreat, & à te nullatenus separetur. Qui cum Patre &c.

ORATIO DE B. VIRGINE

post Missam.

SErenissima, & inclyta mater Domini nostri IESV Christi, virgo perpetua, quæ eundem creatorem omnium creaturarum in tuo sanctissimo utero meruisti portare, cuius idem veracissimum corpus & sanguinem ego indignus sumere præsumpsi. Tuam igitur deprecor misericordiam, ut ad ipsum pro me misero peccatore intercedere digneris, ut quicquid in eius ineffabili sacrificio ignoranter, vel negligenter commisi, tuis sanctissimis

pre-

EXERCITATIONES

precibus mihi sua pietate ineffabili, atq; misericordia inenarrabili dignetur indulgere. Qui cum Deo Patre, & S. Sancto vivit & regnat per infinita secula seculorum. Amen.

ORATIO POST

Missam.

EI A nunc gratias tibi ago piissime Deus, quod me ad sumendum corpus, & sanguinem tuum pretiosum vocasti. Gratias tibi ago dulcissime Iesu, quod me tuo corpore, & sanguine refecisti. Gratias tibi ago clementissime Deus pro deuotione, qua me in hac perceptione specialiter respexisti. Gratias tibi ago benignissime Deus, quod me protegendo à periculis custodiisti. Mi Domine Deus, ecce pro tam gratissima vocatione, pro tam dulcissima refectione, pro tam piissima respectione, pro tam clementissima protectione, & custodia, & pro o-

mni-

mnibus beneficiis tuis tibi optime
Deus gratias ago, te benedico, te glo-
rifico in æternum. Amen.

*QVÆDAM POST SA-
croſancti Eucharistiæ Sacramen-
ti ſumptionem obſer-
uanda.*

QUoniam poſt auguſtiſſimi ſacra-
tiſſimiſque Saluatoris noſtri Ieſu
Chriſti corporis ſumptionem à ſideli-
bus, piisſque conuiuiſ, Deo iam vnitiſ
Chriſtoque Ieſu incorporatiſ, omniſ
opera eſt adhibenda, vt non ſolum in
diuinis mediationibꝯ, Deo de tan-
ta elargitione gratias agere, verum
tum internè, cum externè ita ſe da-
re, conſeruareq; debent, ne tanti im-
memoreſ beneficii ſe reddenteſ, vt in-
grati damnentur, vel indigni, æquum

EXERCITATIONES

ac necessarium iudicauimus esse, pioq;
populo vtilissimum fore, si suprascri-
ptis diuinis laudibus, sanctissimisque
gratiarum actionibus, hæc quæ sequū-
tur pauca addiderimus.

Primò, fidelis quilibet tanti edulii
iam factus conuiua, quantum recepe-
rit beneficium perpendere. Deumq;
pura mente, cordeque contrito, & hu-
miliato amplecti, ac se totum sanctis
cogitationibus, desideriiis cœlestibus,
& orationibus, ac bonis occupare de-
bet operibus, semper Deo pro hoc tã-
to, atq; inæstimabili accepto benefi-
cio, quo ipsum sanctissimo ac tremen-
do corporis & sanguinis sui Sacramē-
to misericorditer refecit, vitæque æ-
ternæ cibo largiter cibauit, gratias a-
gendo.

Secundo, hunc tantum, atque mi-
rificum conseruare debet hospitem,
quem ore, corde, & anima intra se su-
scipit, vt secum misericorditer habi-

tare,

tare, & spiritualiter cibo isto deifico eum nutrire dignetur, qui vitam sustentat spiritualem; gustum delectat interiorem, virtutes reficit debilitatas, & vires humanas permutat in supernaturales, hominemque in omnibono contra omnes diaboli, mundi, & carnis quaslibet tentationes munit, & fortificat, auxiliumque præbet, dat & augmentum. Quapropter in hac optima animi sui dispositione perseverare, Deumque quilibet rogare debet enixè, quod omnes nostros sensus, potentias, animæque vires efficaci virtute præsentia corporalis Domini nostri IESV Christi colligere, unire, & regere, in seipsam nos perfectissima unione transformando, dignetur, ita ut corpus suum, animaque nostra, & cor nostrum, sua benignitate, & gratia, unum & idem fiant, perseverentque, & omnes quinque sensus nostri, amor, voluntas, corporisque membra, ac veni-

EXERCITATIONES

que vires, cunctaq; potentia in ipsum Deum, vt in illum solum, in anima, & corpore sentiamus, & conseruemus, dirigantur.

Tertio & vltimo, qui hoc vitali est refectus alimento, omni studio, maxime quam diu Sacramentales species esse reputantur in pectore, ab omni irreuerentia, vanitate, risu, & leuitate, se debet reseruare: quo tempore ab expuendo etiam, ac cibo, seu potu omnino abstinebit. Deinde vt tanti Sacramenti fructum retineat ac conseruet, totis suis viribus, quantum poterit, curam habebit, ad sancti Spiritus influentiam, cum diuinæ gratiæ abundantia, suam disponendo animam. Quod idem Dominus noster IESVS Christus infinita sua bonitate, & incomprehensibilis suæ charitatis virtute, dignetur præstare. Qui cum Deo Patre, & S. Sancto, viuit & regnat Deus in secula seculorum. Amen.

APPENDIX.

*PIA AC BREVIS CHRIS-
tiani Sacerdotis preparatio, Pro
Missæ celebratione re-
ligiose exequen-
da.*

Sacerdos qui ad sacrum Altaris mi-
nisterium securè accedere (quan-
tum humana fert fragilitas) desiderat,
& Domini nostri IESV Christi corpus,
& sanguinem consecrare, tot deuoti-
one studere debet, vt aliqua obseruet
ante Missam, quædam in Missa, quæ-
dam vero post Missam.

*ANTE MISSAM HA-
benda sunt tria.*

Intentionis discussio.
Generalis contritio.
Pura confessio.

EERCITATIONES

PRIMO. INTENTIO-
nis discussio.

Ne vana gloria celebret, scilicet vt videatur deuotus, & laudetur ab auditoribus, sed pura ac religiosa intentione ad Dei omnipotentis gloriam, & honorem, Ecclesiæq; utilitatem.

Ne ex avaritia, seu propter lucrum temporale, nam hæc est magna iniquitas.

Ne ex consuetudine, id est, sine mentis discussione.

Ne ex timore, id est, ne sit reprehensibilis, aut à Prælato punitus.

Ne ex verecundia, id est, ne videatur indeuotus, & aliis dissimilis.

GENERALIS CON-
tritio.

De omissis quæ facere debuit, potuit, & non fecit.

De

De commissis, quæ facere non debuit.
De consuetis, & sæpe confessis.

*PVRA, ET VERA
confessio.*

Notabilium, Communium, Ignoratorum criminum, corde, ore, & opere.

*DILIGENS PRÆ-
paratio.*

Circa decentem omnium vestium sacerdotium exhibitionem, ut. s. sint benedictæ, siue consecratę omnes, nulla deficiente, munda, & honesta, ac decenter aptatę, ne videantur indusium, & collaria.

Circa opportunam loci electionem, scilicet Ecclesię, vel loci honesti, & sacri.

Circa diligentem altaris ornationem, s. cum lapide integro, & consecrato: duabus mundis mappis de lino puro ad minus.

EXERCITATIONES

Circa præcipuam calicis, & corporalis mundificationem. Nam hoc Sacramentum purissimum est in quo est Filius Dei Patris, & intemeratæ Virginis.

Circa congruam materiæ præparationem, id est, panem triticeum, vinum vitis bonum, aquam naturalem & mundam.

Circa assistentis missali inspectionem.
Circa continuam cerei illuminationem.

Circa deuotam seruitoris, vel ministri administrationem.

Circa debitam horarum considerationem. scilicet ab aurora usque ad nonam, & si ante, vel ultra, nisi in die Natalis Domini, vel ex speciali indultu.

Circa integram ieiunii naturalis observationem, ut scilicet nihil per modum cibi, & potus, vel aliter sumptum fuerit.

Circa

Circa corporalem mundiciam, quæ
maculatur per pollutionem, si ei
causam dederit.

DEVOTA ANIMAE

dispositio.

Cum plenitudine fidei: scilicet fir-
miter credendo in hoc mirabili Sa-
cramento esse corpus Christi per
transubstantiationem, animam
Christi per naturalem colligatio-
nem. Divinitatem Christi per in-
separabilem unionem.

Cum firmitate spei, scilicet, diuine pi-
etatis, quod ex perceptione cœle-
stium munerum habebit cœlestes
thesauri.

Cum ardore charitatis. Nam ad Sacra-
mentum amoris, non nisi cum ar-
dore charitatis accedere debet.

Cum pæce unitatis Ecclesiæ: ne sit ex-
communicatus, Schismaticus, vel
Hæreticus, sed catholicæ Ecclesiæ
realiter vnitus.

EXERCITATIONES

Cum memoria passionis Christi, ipse enim Christus venerabile hoc Sacramentum in suæ passionis memoriam instituit.

Cum dignitate sui : scilicet, ut quantum potest ad tantum Sacramentū suscipiendum, se indignum existimet.

Cum puritate conscientię : ne forte in eo sit aliquid, quod oculum diuinæ maiestatis offendar.

Cum feruente desiderio. s. auidè, & desideranter ad tam suauissimum, conuiuium accedat.

Cum actuali deuotione, per deuotas lachrynas, quasi sui ipsius Sacrificium offerendo Domino Deo, B. Virgini, sanctis Angelis, sancto, vel sanctæ, cuius festum eo die celebratur. Per feruentes orationes ante Missam deuotè per se dicendas.

PRÆUIA INTEN-

tio.

Vt

Vt intendat in Missa Deum per lachrymas humiliter placare.

Corpus & sanguinem Christi, cum omni diligentia consecrare.

Mortem Christi, & eius immensam charitatem memorare.

Totam Ecclesiam reuerenter adiuuare, & concorditer adunare.

AMOROSA AFFECTIONE.

Vt desideret consequi ex celebratione Missæ augmentum suauissimæ deuotionis.

Incrementum ardentissimæ Dei, & proximi dilectionis.

Inseparabilitatem feruentissimæ Catholicæ vñionis.

Accelerationem foelicissimæ diuinæ vñionis.

EXERCITATIONES

IN MISSA EXTRA
CANONEM.

DISCRETIO IN
legendo.

Ne nimis clamosè, ne salios pertur-
bet.

Ne nimis depressè, vt à circumstanti-
bus audiatur.

Ne nimis festine, vt ab omnibus intel-
ligatur.

Sed distincte, canore, & deuote legat.

MATVRITAS IN
exequendò.

Ne sit curiosus in circumspiciendo.

Ne leuis in se mouendo.

Ne inurbanus in inclinando.

Ne tædiosus in prolongando.

Ne nimis festinus in terminando.

Sed deuotus, exemplaris, & circum-
spectus.

IN

IN CANONE RECOR-
datio viuorum.

Sui ipsius. s. vt eum faciat idoneum ministrum tanti Sacramenti, & anima, & corpore in omnibus dirigat, & ad æternam salutem perducat.

Parentum carnalium, & spiritualium, vt eis necessaria in hoc mundo tribuat, & ad vitam æternam eos con-ducatur.

Benefactorum, & orationibus commissorum, iuxta eorum piæ desideria ad salutem animæ, & corporis.

Inimicorum, vt Deus illos illuminet, & peccata dimittat, ac se ab eorum insidiis liberet.

Infidelium, vt ad rectam fidem eos Deus conuertat.

Pacis Ecclesiæ, & Domini in quo est.

Petitionum, quas proponit Deo exponere.

EXERCITATIONES

RECORDATIO DE-
functorum.

Parentum & propinquorum.

Fratrum & sororum.

Animarum nobis commissarum, pro
quibus Eleemosynas recepimus,
vel sumus recepturi.

Animarum omnium benefactorum.

Animarum omnium in purgatorio e-
xistentium fidelium.

PRÆCIPVA DILI-
gentia.

Ad conficiendum, quia ibi sunt ma-
gna signa.

Maïora verbis, ipsa deuotè, & distin-
ctè dicendo.

Maxima intentione, attentionem
consecrandi pro viribus applican-
do.

PRÆCIPVA REVE-
rentia.

Ad tangendum propter continentiam
excellentis corporis Christi.

Excellentioris animæ.
Excellentissimæ diuinitatis.

Præcipua deuotio.

Ad sumendum tantum Sacramentū,
ipsum cū discretione, & modestia,
reuerenter sumendo.

Non in masticando, sed leuius lingua
mouendo.

Interiori affectu, panem Angelorum
suauiter gustando.

POST MISSAM

Humillima gratiarum actio.

Propter maiestatem hospitis excellē-
tissimi, suę animę hospitium ingressi.

Speciales orationes post communio-
nem attente dicendæ.

Excellentiam tanti Sacramenti deuo-
te meditando.

Deo pro suscepto munere semper fi-
deliter gratias agendo.

Bonorum operum executio.

Ex desiderio gratiæ, quæ in hoc Sacra-
mento sulcipitur.

Ne

EXERCITATIONES

Ne subito post cōmunionem corporalem cibum sumat, vt dicit Clemens Papa.

Necito post communionem in loco indecenti spuat.

Ne secularibus nugis, & negotiis se implicet.

Ne ociosus aliquo pacto inueniatur.

Ne sine aliqua deuota lectione diu permaneat.

Hæc feruenter, solícite, deuote, & amanter sunt ruminanda.

FINIS.

BERNARDVS.

COrpus Christi ægrotis est medicina, peregrinantibus dieta: debiles confortat: valentes delectat, languores sanat, sanitatem conseruat: fit homo mansuetior, ad correctionem promptior, ad laborem ardentior, ad amorem iucundior, ad cautelam atque obedienciam pronior, ad gratiarum actionem deuotior, & in omnibus gestibus, & moribus compositior.

BEDA PRESBYTER.

Accede ergo ad altissimum Sacramentum, & communionem propter Trinitatis gloriam, Angelorū lætitiā, hominum gratiam, animarum veniam, ordinationem mentis, informationem intellectus, verborum veritatem, famæ claritatem, desideriorum puritatem, animi stabilitatem. Ista sit tota tua intentio, & finalis deuotio.

Sacerdos ergo qui sine peccato est mortali, & in bono proposito, si non celebrat cœlestem Trinitatem priuat gloria & honore, ipsos Angelos in cœlesti patria gaudio & lætitiā, homines in terra laborantes beneficio & gratia, animas in purgatorio degentes patrocinio, & venia, seipsum autem priuat ordinatione mentis, informatione intellectus, verborum veritate, famæ claritate, desideriorū puritate, animi stabilitate.

INDEX.

EFFusio cordis deuotissima ante Alta-
ris accessum, vt multi sacratissimi
officii Missæ participes efficiantur. fol. 1

Effusio cordis generalis pro peccatis re-
mittendis, excitans, & humilians spi-
ritum vehementer ad compunctiōē. 3

Effusio cordis alia, seu meditatio animæ,
peccata, & ingratiitudinem suam corā
Deo plangentis, & sui reconciliatiōē,
atque purgatiōē flagitantis, cū aliis id
genus suspiriis, quæ digna sunt et fre-
quēdari ab Eucharistiā sumpturis. 8

Suspiria gementis animæ, pro peccatis ad
Deum clamantis. 10

Pro vera ad Deū cōuersione precatio. 12

Suspiria mētis, & aspirationes ad Deū, &
ignita quadam amoris iacula, quibus
veluti amantiū duorū mentes, Dei sci-
licet, & hominis vulneratur, uniu-
turque. 13

Ad patrem aspiratio supplex. 14

Ad filium aspiratio supplex. ibid.

Ad spiritum S. aspiratio supplex. ibid.

Ad

INDEX.

- Ad filium Dei supplex aspiratio alia. ibi.*
Aspiratio alia ad Christū Iesū deuota. 15
Aspiratio alia ad Iesū Christū ignita. ib.
Aspiratio alia ad Christū supplex. ibid.
Alia aspiratio ad eundem deuota. 16
Scintilla anime amantis Deum flammigera. ibid.
Pro cunctorum Christi fidelium vite castigatione per septem extrema verba Christi in cruce precatio. 22
Sacrificaturus uti spiritum suum debeat colligere, intentionemque celebrandi formare. 23
Effusio alia cordis, brevis. 24
Effusio cordis item alia ante Missam, i. e. ante sumptionem Eucharistie. 25
Exercitium purgatorium quotia annu in quinq; vulneribus Christi ad sacrificandum, aut ad Eucharistiam sacramentaliter, spiritu. l. e. sumendam, ituro congruum. 27
Si es celebraturus, vel sacramentaliter vel spiritualiter communicaturus. 28

Oratio

INDEX.

Oratio seu effusio cordis prima.	32
Effusio cordis secunda.	33
Effusio cordis tertia.	34
Effusio cordis quarta.	ibid.
Effusio cordis quinta.	35
Effusio cordis sexta.	36
Effusio cordis septima.	37
Effusio cordis alia.	38
Sacrificaturus, ante oblationem imitare mulierem Chananæam humiliter, per seueranterque orantem.	39
Ante sacram oblationem imitare Centu- rionem se humiliter agnoscentem.	40
Ante sacram celebrationem vel commu- nionem imitare Ruth.	41
Inter sacrificandum, aut ante communi- onē sacram imitare Zachariā, Christiū cum desiderio recipientem.	42
Sacrificaturus, aut cōmunicaturus imi- tare Matthæum, conuiuium Christo parantem.	ibid.
Celebraturus aut cōmunicaturus imita- re Marthā solícite diligenterq ₃ Domi-	
	no mi-

INDEX.

no ministrantē, & Maria vocantē.	43
Quando Sacerdos induit se amictu, &	
stringit se cum funiculis. precatio.	44
Dum Albam Sacerdos induit.	ibid.
Dum Zona se succingit Sacerdos.	45
Dum Manipulum induit.	ibid.
Dum Stolam induit.	ibid.
Dum Casulam induit precatio.	46
Sub diuinissimo Misse officio, uti se quis-	
que celebrans exercere debeat.	ibid.
Quando lauas manus celebraturus pre-	
catio.	ibid.
Alia ad idem breuior precatio.	ibid.
Memoria vinorum in Missa seruanda	
brevis formula per casum.	47
Memoria defunctorum per casum.	50
Circa memorias vinorum aut Sacramen-	
ti sumptionem potes etiam prote-geo-	
rare, aut alio tempore quando cum re-	
uolueris.	55
Sub Misse, siue ipse sacrificios. siue sacrifi-	
canti assistas oblatus.	
Oblatus aut Christi crucifixi ad Pa-	
trēm.	53

INDEX.

Hostiam eleuaturus adora suppliciter, & precare mentaliter.	ibid.
Ad eleuationem Hostie, precatio.	54
Ad eleuationem Calicis, oratio.	ibid.
Quando sacram hostiã sub Missa in manus accipis, adorans eandem, dic mentaliter.	55
Ante communionem sacratissimam quoniam petenda sint.	ibid.
e Ante sumptionem Sacramentalem, seu spiritualem, precatio.	56
Ante receptionem Eucharistie precatio.	58
Pro sacra Eucharistia digna sumptione ut precatio.	59
Sancti Thomæ de Aquino, quam debet quotidie ante Crucifixum genibus flexis.	60
Procedus post Missam obseruandus.	62
Eucharistia sacre effectus, virtutes, seu operationes sexdecim.	64
Quomodo omnes Eucharistie virtutes complectens, post Missam aut communionem breuiter utiliterq; ruminanda.	71

INDEX.

<i>Exercitiū deuotum iuxta & efficax pro expiatione ac remissione, maxime si feruenti charitate continetur.</i>	72
<i>Oratio p remissione omniū peccatorū.</i>	74
<i>Exercitiū deuina laudis.</i>	78
<i>Allocutio ad animam.</i>	82
<i>Effusio seu meditatio cordis, gratias agē- tis pro beneficiis Dei generatiter, laud incongrue post Eucharistia sumptio- nē exerconda. Et certe nullus deberet vivere Christian⁹, q̄ non aut simili mo- do quotidie Deo nō gratias ageret.</i>	85
<i>Pro omnibus in cœlo, & in terra, e-ſq̄, q̄ ad huc in mundo ſunt. precatio.</i>	87
<i>Ad beatiffimam virginem Mariam.</i>	
<i>Pro Sanctis in cœlo Deum lauda.</i>	8
<i>Pro iultis in mundo conſtantis.</i>	
<i>Pro peccatoribus, & ſeipſo.</i>	ibi
<i>Pro commiſſis & commenſatis.</i>	
<i>Pro confederatis.</i>	
<i>Pro benefactoribus.</i>	ir
<i>Pro tentatis ac afflictis.</i>	ic
<i>Pro fidelibus defunctis.</i>	92

Quando

INDEX.

Quando pro aliquo, aut pro te etiam ipso orare desideras, precatio.	ibid.
Pro parentum, consanguineorum, ami- corumq; vita correctione & salute. ibi.	
Pro afflictorum, desolatorumque suble- uamine.	93
Pro Ecclesie Catholica reformatione, & errantium animarum reuocatione ad viam veritatis, precatio.	ibid.
Effusio cordis pro suis ipsius, sic commis- sorum, cunctorumque Christianorum conuersione, & correctionis vite prose- quutione.	94
Pro intentione simplici quolibet in opere.	96
Pro fidelitate & gratitudine ad inuā vir- ginem Mariam, precatio.	97
Pro plena sui ipsius abnegatione, & animi resignatione.	98
Pro crucifixi Christi conformatione & perseuerantia.	99
Pro puritate, & simplicitate cordis.	100
Septid. psalmi pœnitentiales.	101

INDEX.

Latania	108
Quinque Gradus.	111
Preparatio ordinari ante Missam, que dicitur Accessus altaris.	118
Oratio Sancti Ambrosii Episcopi.	119
Alia Oratio Sancti Ambrosii.	126
Oratio Sancti Thome Aquinatis.	127
Oratio Sancti Thome ante Missam.	
Oratio Sancti Thome post Missam, que fit ante altare.	128
Oratio Sancti Thome	
Alia Oratio Sancti Bonaventurae.	
Rhythmus Sancti Thome ad sacram E ucharistiam.	
Alia Oratio post Missam.	130
Oratio d. B. Virginis post Missam.	131
Oratio post Missam.	
Graduale post sacramentum Euchar istiae, sumptionem.	132

APPENDIX.

Oratio Christiani Sc	
Oratio Missae celebrant	
Oratio secunda.	

INDEX.

Ante Missam habenda sunt tria. 137

Primo, intentio discussio. *ibid.*

Generalis contritio. *ibid.*

Tertia & vera confessio. 138

Deus in preparatio. *ibid.*

Deus in anima dispositio. 139

Prima intentio. 140

In rosa affectio. *ibid.*

IN MISSA EXT

NONEM.

Secundo in legendo. 140

Maternitas in exequendo. *ibid.*

IN CANON

Secundo in vinorum. 141

Secundo in defunctis. *ibid.*

Secundo in diligendo. *ibid.*

Secundo in reuerentia. *ibid.*

Secundo in deuotio. 142

POST MISSAM.

Secundo in actibus. 143

Secundo in executione. *ibid.*

FINIS.

137

ibid.

ibid.

138

ibid.

139

140

ibid.

141

ibid.

142

ibid.

143

ibid.

144

ibid.

145

ibid.

146

ibid.

147

ibid.

148

ibid.

149

ibid.

150

ibid.

151

ibid.



